



# JORNAL

do

## Parlamento Nacional

VI. LEGISLATURA

1.ª SESSÃO LEGISLATIVA (2023-2028)

### REUNIÃO PLENÁRIA DE 24 DE JUNHO DE 2024

**Presidente:** Ex.<sup>ma</sup> Sr.<sup>a</sup> Maria Terezinha da Silva Viegas

**Vice-Presidentes:** Ex.<sup>mo</sup> Sr. Alexandrino Afonso Nunes

**Secretária:** Ex.<sup>ma</sup> Sr.<sup>a</sup> Virgínia Ana belo

**Vice-Secretárias:** Ex.<sup>ma</sup> Sr.<sup>a</sup> Maria Teresa da Silva Gusmão

### SUMÁRIO

Sr.<sup>a</sup> Presidente Maria Fernanda Lay, hafoin verifica quórum, declara aberta sessão plenária iha tuku 9 liu minuto 30 no halo kedas leitura ba agenda serbisu loron ne'e nian.

Depois ida-ne'e, husu bá Senhora Secretária da Mesa atu halo leitura ba pedido justificação de faltas.

**Antes Ordem do Dia** – Bancada PLP, liuhosi Senhora Deputada Maria Angelina Lopes Sarmento,

hato'o declaração política, ne'ebé ko'alia kona-ba programa hirak ne'ebé VIII Governo Constitucional halo hodi incentiva setor público no privado, nune'e mós cooperativa, no organização social oiain. Além de ne'e, Sr.<sup>a</sup> Deputada ne'e mós toca kona-ba pagamento ba pacote Projeto 44 ne'ebé la iha contrato no Governo seidauk halo pagamento. Senhora Deputada declarante hato'o mós kona-ba despejo administrativo ne'ebe

Governo atual halo daudun ba população sira no falta medicamento iha hospital sira.

Hafoin ne'e, Bancada FRETILIN mós, liuhosi Senhora Deputada Helena Martins, hato'o declaração política, ne'ebé ko'alia kona-ba sistema saúde.

Bancada seluk ne'ebé hato'o mós declaração maka KHUNTO, liuhusi Senhor Deputado António Verdial, iha-ne'ebé nia toca liu bá questão kona-ba menus facilidade no *stock out* medicamento iha hospital, falta professor iha escola sira, necessidade atu IX Governo Constitucional tau consideração ba investimento iha setor produtivo sira,

Iha intervenções diversas, Senhor Deputado sira hato'o preocupação sira hanesan: corte de energia eletricidade, negociante estrangeiro sira ne'ebé fa'an sasán to'o iha aldeia, dificuldade ne'ebé ema ho deficiência sira hasoru iha acesso bá documento oficial sira Estado nian, educação formal no mós edifício público sira, liu-liu casa de banho, projeto 143 ne'ebé sei iha problema, fahi sira-ne'ebé mate tanba moras iha Ataúro, acesso bá credito suave iha BNCTL, tabela salarial assessor sira RAEOA nian, óleo ne'ebé nakfakar iha dalan, contador BTL nian ne'ebé la funciona, condição estrada direção bá Lolotoe nian ne'ebé aat, necessidade atu halo auditoria ba projeto boot sira ne'ebé la'o hela, necessidade atu MOP ho ADN fiscaliza obra sira ne'ebé la'o hela, processo evicção ne'ebé la'o hela iha Díli laran no recrutamento funcionário casual.

Hafoin Senhor Deputado sira halo intervenção, Senhora Secretária de Estado da Igualdade, Elvina de Sousa Carvalho, em representação Vice-Ministro dos Assuntos Parlamentares nian, responde ba questão hirak ne'ebé Senhor Deputado sira levanta durante sessão plenária.

**Ordem do Dia** – 1. Anúncio da admissão e baixa à Comissão de Negócios Estrangeiros, Defesa e Segurança, da Proposta de Resolução n.º 4/VI (1.ª) – Ratifica o Acordo entre a República Democrática de

Timor-Leste e a Agência Internacional da Energia Atómica para a Aplicação de salvaguardas no Âmbito do Tratado de Não-Proliferação;

2. Votação final global da Lei n.º 5/VI (1.ª) – Lei de Bases do Ensino Superior, no

3. Eleição do Comissário de Anti-Corrupção.

Senhor Deputado no Senhora Deputada sira-ne'ebé halo intervenção mak Maria Angelina Lopes Sarmento (PLP), Helena Martins (FRETILIN), António Verdial de Sousa (KHUNTO), Armando dos Santos Lopes (PD), Antoninho Bianco e Maria Anabela Sávio (FRETILIN), Hélder Freitas «Kamarudin» (PLP), Ricardo Baptista (CNRT), Sância Florência Paixão Bano (FRETILIN), Cedelízia Faria dos Santos (CNRT), Florentino Ximenes da Costa «Sinarai» (FRETILIN), Patrocínio Fernandes dos Reis (CNRT), Antoninho Doutel Sarmento (FRETILIN), Carminda Carlota (CNRT), Dário Madeira (FRETILIN), Manuel Henrique Noronha (PD), Marcos Xavier (CNRT), António Moniz Calau (FRETILIN), Bendita Moniz Magno (CNRT), Joaquim dos Santos «Boraluli» (FRETILIN), Maria Gorumali Barreto (CNRT), Cristina Yuri Rebelo dos Santos Costa (FRETILIN), Sancha Margarida Tilman (PD), Gabriel Soares (CNRT) no Luís Roberto da Silva (KHUNTO).

Sr.ª Presidente, Maria Fernanda Lay, encerra reunião plenária ne'e iha tuku 16 liu minuto 43.

Sr.<sup>a</sup> **Presidente** (Maria Fernanda Lay): — Bom dia, distintos Deputados, hakarak ka lakohi ita tem que hahú.

*Horas hatudu tuku 9 liu minuto 30 dadeer.*

Temos quórum de funcionamento, e ha'u sei ható ita-nia Agenda da reunião do Plenário de segunda-feira, 24 de junho de 2024.

Iha Período de Antes da Ordem do Dia: Justificação de faltas do Srs. Deputados Dário Madeira e Cristina Yuri dos Santos Costa.

De seguida, Declarações políticas das bancadas parlamentares da FRETILIN, do PLP e do KHUNTO.

Intervenções diversas dos Senhores Deputados.

E, por último, Intervenção do Sr. Ministro dos Assuntos Parlamentares. Pelos vistos está sendo substituída pela Sr.<sup>a</sup> Secretária de Estado. Halo favor hola fatin.

Iha Período da Ordem do Dia:

Anúncio de admissão e baixa à Comissão de Negócios Estrangeiros, Defesa e Segurança, da Proposta de Resolução n.º 4/VI (1.<sup>a</sup>) – Ratifica o Acordo entre a República Democrática de Timor-Leste e a Agência Internacional da Energia Atómica para a Aplicação de Salvaguardas no Âmbito do Tratado de Não-Proliferação;

Votação final global da Lei n.º 5/VI (1.<sup>a</sup>) – Lei de Bases do Ensino Superior; Eleição do Comissário de Anti-Corrupção.

Hodi nune'e, ha'u fó kedas tempo ba Sr.<sup>a</sup> Secretária hodi lê fodik justificação de faltas.

Halo favor, Sr.<sup>a</sup> Secretária.

Sr.<sup>a</sup> **Secretária da Mesa** (Virgínia Ana Belo): — Obrigada, Sr.<sup>a</sup> Presidente.

Bom dia, Sr.<sup>a</sup> Presidente ho Sr. Vice, colega Deputado sira hotu, Sr.<sup>a</sup> Secretária de Estado ho audiência tomak.

«Requerimento de justificação de faltas.

Ex.<sup>ma</sup> Sr.<sup>a</sup> Presidente do Parlamento Nacional,

Dário Madeira, Deputado ao Parlamento Nacional, pertencente à Bancada da FRETILIN, vem requerer a Vossa Excelência que se digne considerar justificadas as faltas dadas à reunião de Plenário e Comissão nos dias 4 e 5 de junho de 2024, por motivo de assunto da família.

18 de junho de 2024,

O Deputado, Dário Madeira».

«Requerimento de justificação de faltas

Ex.<sup>ma</sup> Sr.<sup>a</sup> Presidente do Parlamento Nacional,

Cristina Yuri dos Santos Costa, Deputada ao Parlamento Nacional, pertencente à Bancada da FRETILIN, vem requerer a Vossa Excelência que se digne considerar justificada a falta dada à reunião plenária e de Comissão no dia 18 de junho de 2024, por motivo de saúde.

20 de junho de 2024

A Deputada, Cristina Yuri dos Santos Costa».

Obrigada, Sr.<sup>a</sup> Presidente.

Sr.<sup>a</sup> **Presidente**: — Obrigada, Sr.<sup>a</sup> Secretária.

De seguida, ita bá kedas declaração política da Bancada da FRETILIN. Eu não sei se já está preparado. Se seidak, ha'u fó tempo bá Bancada do PLP.

Faz favor.

Sr.<sup>a</sup> **Maria Angelina Lopes Sarmiento** (PLP): — Obrigada, Sr.<sup>a</sup> Presidente.

Bom dia, Sr.<sup>a</sup> Presidente, composição da Mesa, distintas e distintos Deputados, no bom dia e bem-vinda bá Sr.<sup>a</sup> Secretária de Estado da Igualdade, em representação do Vice-Ministro dos Assuntos Parlamentares, no povo doben Timor-Leste.

Iha Plenário Parlamento Nacional, iha 10 de junho de 2024, Ex.<sup>a</sup> Vice-Ministro dos Assuntos Parlamentares haktuir katak VIII Governo Constitucional ka Governo de Plataforma de Entendimento la halo andamento ba empresa sira tanba la selu empresa sira-ne'ebé completa ona sira-nia obra, no, tanba la selu, empresa sira mate.

Partido Libertação Popular, ne'ebé hola parte mós iha VIII Governo Constitucional, lamenta ho declaração ida-ne'e tanba declaração ida-ne'e maihusi premissa sira-ne'ebé falsa hodi hamosu confusão, no ilógica tanba la iha base de dados estatística hodi comprova.

Husi parte seluk, declaração ne'e buka atu ignora facto oioin ne'ebé existe, hodi continua manipula público nia consciência, especialmente atu hamaus empresário sira.

PLP argumenta contra declaração ida-ne'e liuhusi argumento hitu tuirmai:

1) VIII Governo Constitucional cumpre mandato Constituição ne'ebé hatuur iha artigo 138.º, katak organização económica país ida-ne'e reconhece coexistência husi setor público, privado no cooperativa iha meios de produção. Ida-ne'e significa, Timor-Leste reconhece setor público no privado, nune'e mós cooperativa, no organização social oioin desempenha papel importante hodi produz bens e serviços oioin.

2) Estatística husi Serviço de Registo e Verificação Empresarial ka SERVE, I.P., to’o 21 de junho de 2024 regista ona licenciamento empresarial nacional no município, inclui RAEOA, hamutuk 58.838 empresas. Husi total ne’e 10% mak empresa estrangeira, nune’e, apesar de impasse política, desastre natural, *COVID-19* no funu Rússia-Ucrânia, empresa sira aumenta quase 50% husi 2018 to’o 2024;

3) Número empresário iha IADE, empresário ne’ebé durante período 2018 to’o 2023 regista iha IADE atinge 5408 no empresa sira-ne’ebé tuir formação iha IADE ho total 5658 atu desenvolve sira-nia atividade empresarial;

4) VIII Governo Constitucional mós aloca 50 milhões de dólares bá companhia sira bele empresta husi BNCTL entre 1 mil to’o 1 milhão ho funan 3% de’it durante tinan 10 nia laran. Ida-ne’e encoraja empresa sira atu gere sira-nia an hodi moris;

5) VIII Governo hakarak duni incentiva desenvolvimento setor empresarial liuhusi Decreto-Lei n.º 03/2022, de 19 de maio, hodi implementa programa crédito suave atu facilita empresa sira acesso bá crédito husi BNCTL entre mil to’o 25 mil. To’o 2022 beneficia ona indivíduo no grupo comercial hamutuk 55 hetan crédito hodi desenvolve sira-nia micros, pequenas no médias empresas. Husi número ne’e, iha 46 empresas mak hetan crédito no cria posto trabalho hamutuk 379. Além de ida-ne’e, liuhusi concurso negócio inovador ne’ebé serbissu hamutuk ho PNUD (Programa das Nações Unidas para o Desenvolvimento), consegue fó apoio bá 146 empreendedores jovens timorenses;

6) Iha programa Cesta Básica, companhia hamutuk 232 mak envolve iha distribuição no emprega trabalhador liu cem mil e tal;

7) Iha 24 de agosto de 2020, companhia estrangeira 20 husi 1000 mak taka ka para operação iha Timor-Leste. Número ida-ne’e constitui de’it 2% husi total empresa estrangeira ne’ebé operacional iha Timor-Leste, maibé la iha notícia ida mak divulga katak empresa sira mate.

Nune’e, premissa ne’ebé haktuir katak VIII Governo la halo andamento ka la desenvolve empresa sira ne’e falsa tanba durante VIII Governo Constitucional nia ukun, empresa sira buras nafatin iha número no cria condição ho possibilidade oiain bá empresa sira, hodi acesso bá crédito, hodi desenvolve an di’ak liután no contribui ba desenvolvimento Timor-Leste nian.

Declaração daruak dehan katak «VIII Governo Constitucional la selu empresa sira-ne’ebé completa ona sira-nia obra», maski la halo referência ba projeto 142, maibé PLP iha convicção katak declaração ida-ne’e refere bá projeto 142 ne’ebé mai husi AMP nia ukun, nune’e bancada PLP hakarak hato’o ponto tolu ne’ebé tuirmai ne’e:

1) Tanba cumpre princípio continuidade iha governação, Primeiro-Ministro Taur Matan Ruak, iha maio de 2019, compromete assume responsabilidade atu regulariza no halo pagamento bá projeto emergência sira-ne’e. Primeiro-Ministro Taur Matan Ruak hatete: “Governo agora assume

responsabilidade hodi haree oinsá mak regulariza. Maioria tuir procedimento, maibé balu la tuir procedimento, naturalmente Governo sei buka solução”.

2) Custo husi projeto 142 ne’e mak 345 milhões, tuir aprovação husi CAFI (Conselho de Administração do Fundo das Infraestruturas) iha 19 de julho de 2017. Osan ida ho montante boot hanesan ne’e fó-todan ba teto OGE, nune’e pagamento sira-ne’e hala’o tuir ninia etapa, tan ne’e, hahú iha 2018 Governo selu montante 40 milhões, iha 2019 67,94 milhões no iha 2020 6,21 milhões. Nune’e, to’o iha 2020, Governo selu ona 114 295 645,69 ba projeto hamutuk 94, ne’ebé consiste husi estrada hamutuk 62, barragem iha mota hamutuk 22 no ponte haat.

Pacote emergência hamutuk 94 ne’e pacote 36 de’it mak atinge 100% iha sira-nia construção física, maibé pacote 58 mak foin atinge entre 4% no 85% baseia verificação husi ADN no MOP, pacote 44 mak la iha contrato. Masque projeto hamutuk 15 hetan ona aprovação husi ADN no CNA, VIII Governo Constitucional decide atu regulariza pacote sira-ne’e, cumpre procedimento aprovisionamento nian molok procede bá pagamento.

Nune’e, declaração ne’ebé dehan, «VIII Governo Constitucional la selu obra sira ne’ebé completa ona», ne’e falsa, tanba Governo, respeita princípio continuação iha governação no importância husi setor infraestrutura ho qualidade ba desenvolvimento Timor-Leste nian, selu ona empresa 94 husi 142 ne’ebé completa ona sira-nia obra.

Ba pacote 44 ne’ebé la iha contrato, Governo seidak selu tanba sei submete bá verificação no aprovação hodi garante cumprimento bá lei sira. Liuhsu exercício sira hanesan ne’e, VIII Governo Constitucional consegue poupa 230 milhões husi aprovação inicial iha CAFI ho montante 345 milhões. Tan ne’e, premissa sira ne’ebé falsa hamosu mós conclusão ne’ebé falsa.

VIII Governo Constitucional selu ona empresa sira ne’ebé hala’o sira-nia serbisu, hodi nune’e empresa sira continua contribui ba desenvolvimento iha Timor-Leste, no, tan ne’e, conclusão husi premissa rua iha leten hodi conclui katak «VIII Governo hamate empresa sira» ne’e totalmente falsa no ilógica. Durante besik tinan ida IX Governo ukun, PLP observa mós katak Governo ida-ne’e gosta hamosu projeto emergência no gosta halo ajuste direto hodi responde compromisso pós-eleitoral ho empresário sira durante eleição parlamentar.

Declaração datoluk ne’ebé dehan, «companhia sira-nia administração la loos, Governo tem que ajuda hadi’a sira-nia administração», declaração ida-ne’e buka atu hamaus, no fó garantia bá empresa atu la precisa halo cumprimento bá lei. Governo tem que iha autoridade hodi impõe lei, atu nune’e ita-nia osan OGE nia investimento sira iha duni resultado ba projeto infraestrutura sira ho qualidade no sustentável.

Aprovação ba Decreto-Lei n.º 15/2024, iha 24 de março, kona-ba Regime Extraordinário de Aprovisionamento por Ajuste Direto de Contrato Público por Obras Iniciadas sem Formalização Contratual sai nu’udar materialização husi compromisso político ho osan Estado nian. Decreto-Lei

ida-ne'e inclui ona projeto 44 ne'ebé la iha contrato, aumenta tan projeto balu ne'ebé promete bá eleitor sira iha campanha eleitoral 2023, nune'e lista projeto ne'e hamutuk 62, hanesan haktuir iha anexo husi decreto-lei refere.

Além de ida-ne'e, IX Governo Constitucional mós aprova Decreto-Lei n.º 16/2024, iha 20 de março, kona-ba Regime Especial de Aprovisionamento para a Visita de Sua Santidade o Papa, hodi continua halo ajuste direto.

Ho âmbito compromisso pós-eleitoral hanesan ne'e, PLP compreende ona desde uluk tansá mak tem que halo despejo administrativo ba população sira, maski organização urbana ne'e la'ós problema boot liu ne'ebé Timor-Leste enfrenta. Problema boot liu ne'ebé Timor-Leste hasoru mak pobreza, desnutrição, insegurança alimentar no desemprego, ne'ebé mosu tanba corrupção política.

Iha âmbito ida-ne'e, PLP compreende ona tansá maka Sr. Primeiro-Ministro Xanana Gusmão haluha hotu ninia compromisso sira atu halo serbisu desde loron primeiro, maibé, dehan fali Governo ida-ne'e só bele halo serbisu iha 2025 tanba agora sei hamoos fo'er barak. Iha âmbito hanesan mós, PLP compreende tansá mak Salimagu escapa husi sistema ASYCUDA alfândega nian.

Pára ho corrupção política agora! Minimiza ajuste direto agora! Pára ho política selu tusan partido nian ho osan Estado! Pára ho relação amorosa husi insantíssima trindade, Governo, Partido no Companhia! Hahú ho ukun ba timoroan hotu! Fundo Mina-Rai ba timoroan hotu. Keta haluha! Fundo Mina-Rai hela uitoan de'it ona.

Obrigada barak.

Sr.<sup>a</sup> **Presidente**: — De seguida, declaração política da Bancada da FRETILIN.

Sr.<sup>a</sup> **Helena Martins** (FRETILIN): — Obrigada ba oportunidade.

Declaração Bancada FRETILIN nian kona-ba saúde.

«Excelentíssima Presidente Parlamento Nacional, Mesa da Presidência, caros colegas Deputados, mídia, assistente no povo Maubere no Buibere tomak, dadeer di'ak bá ita hotu.

Excelências, IX Governo Constitucional tem que compreende no hatene katak saúde nu'udar pilar principal iha desenvolvimento Nação nian. Se la iha sistema saúde ida ne'ebé organizado no funciona ho di'ak, ita sei iha dificuldade atu alcança objetivo desenvolvimento sira seluk. Nune'e mós, saúde hanesan direito básico ba ema hotu-hotu ka nu'udar direito fundamental ba cidadão hotu-hotu iha Nação ida-ne'e, no Governo iha responsabilidade atu cumpre necessidade cidadão sira-nian kona-ba saúde.

Constituição RDTL, artigo 57.º n.º 1) e 2) hatete, Estado iha dever atu defende no promove direito ema hotu nian ba saúde, assistência médica, sanitária no tem que harii serviço nacional saúde universal ba ema hotu-hotu tuir nia kbiit, gratuito, la selu, tuir lei haruka.

Tanba ne'e mak iha formação IX Governo Constitucional mai ho kedan plano no promessa atu hadi'a instituição hotu-hotu ne'ebé existe, inclui Ministério da Saúde. Plano no programa ne'ebé IX Governo Constitucional sei realiza iha setor saúde mak sei fó atenção atu hadi'a prestação serviço.

Atu garante acesso generalizado bá serviço saúde ho qualidade no atu promove eficiência, transparência no profissionalismo iha gestão recurso no infraestrutura sira, sistema nacional saúde nian sei hametin liuhosi capacitação bá instituição saúde, bá profissional saúde sira, kona-ba sistema fornecimento ai-moruk no equipamento sira no mós kona-ba sistema sira emergência médica nian. Objetivo geral sira inclui hadi'a prestação serviço assistência saúde iha território tomak, liuliu iha área remota sira no bá população mukt.

Maibé, infelizmente, IX Governo Constitucional ukun besik tinan ida ona, Bancada FRETILIN haree problema sério ne'ebé hatudu katak ita-nia sistema saúde monu no ema barak tem que terus, susar, halerik no mate tanba durante IX Governo nia ukun ema lakon vida iha Hospital Nacional 1000 resin no cada loron ema na'in-haat ba leten.

Dados ne'ebe acesso iha mídia, iha loron 23 de junho de 2024 ema mate iha Hospital Nacional Guido Valadares, iha oras 24 haat nia laran, ema na'in-ualu. Oinsá parte relevante sira atu fó resposta bá aspeto refere? Nune'e, mate ne'ebé aas iha Hospital Nacional sai hanesan sinal ka reflexão ida ba problema oiain ne'ebé acontece iha setor saúde no hatudu katak ita-nia sistema saúde fraco no iha agonia laran.

Quando ita ko'alia kona-ba saúde, ita ko'alia sobre ema nia ema moris no mate, hospital sira tem que sai fatin ne'ebé seguro ba ema moras, no, bainhira ema moras halo tratamento iha hospital, quer dizer condição la saudável tanba fatin ne'e ema mai atu hetan curativo ba nia moras no hetan tratamento ne'ebé adequado husi doutor no enfermeiro sira. Maski nune'e, buat ne'ebé ita hasoru daudauk iha ita-nia Rain oin seluk, halo ita triste tebes tanba buat hotu falta. Ema barak ne'ebé mate iha hospital iha tempo badak nia laran hatudu katak iha buat ruma ne'ebé la loos iha sistema saúde, ne'ebé la funciona ho di'ak.

Cada loron ema ne'ebé mate iha hospital la'ós de'it refilete número estatística, maibé tragédia ida ne'ebé halo família sira sente triste tebes tanba lakon nia família, mesmo que Governo aloca ona orçamento bá Ministério da Saúde besik 68 milhões.

Liuhosi alocação orçamento bá Ministério da Saúde, povo maioria hanoin katak IX Governo ho Ministra da Saúde mai atu hadi'a problema ka lacuna sira ne'ebé existe iha Ministério da Saúde nia laran, maibé mai aumenta problema sai aat liután, ida-ne'ebé aat continua aat no ida-ne'ebé di'ak continua sobu no harahun didi'ak, no iha impacto, povo mak sai vítima ba Governação ida-ne'e.

Pergunta mak ne'e: ema mate barak iha hospital ne'e sala ne'e sé nian? Ka ita fó sala bá doutor no enfermeiro sira? Ou ita fó sala bá povo kbiit laek sira tanba sira hakarak mai buka mate iha hospital?



Tuir loloos, hospital sai fatin atu salva ema nia vida, maibé tanbasá mak ema tem que mate? Será que equipamento iha hospital mak la iha ou falta ai-moruk mak tem que ema lakon vida? Orçamento ne'ebé Governo aloca bá Ministério da Saúde ne'e halo de'it saida? Oinsá usa fundo hirak-ne'e? Ita precisa transparência no responsabilidade iha gestão orçamento saúde nian.

Excelências, Bancada FRETILIN questiona governação IX Governo nia habilidade, Ministra Saúde nian, atu resolve problema ne'ebé acontece iha Ministério da Saúde. Bainhira problema mosu, buat ne'ebé ita rona mak promete beibeik atu hadi'a, maibé la iha evidência real kona-ba ação concreta. Problema ida-ne'e sei la resolve de'it ho retórica no drama oioin iha público, povo precisa mak ação real no solução iha tempo badak.

Bancada FRETILIN sente triste no preocupado tebes ba problema saúde ne'ebé acontece iha ita-nia Rain. Ami sente laran moras tanba Governo ida-ne'e la dignifica nia povo hodi atende sira-nia necessidade saúde. To'o ohin loran IX Governo Constitucional ho Ministra Saúde la bele resolve no soluciona problema sira-ne'e. Situação saúde ne'ebé acontece iha ita-nia Rain sai hanesan problema comum no lori ema ka entidade hotu-hotu nia atenção bá problema refere, hanesan Presidente da República hatete, «buat barak mak falha iha setor saúde no grave tebes iha Hospital Nacional».

Presidente da República haree ho matan, *stock* medicamento barak mak falta, nune'e mós Presidente questiona gestão geral setor saúde nian no gestão específico iha Hospital Nacional Guido Valadares, no Presidente República husu favor bá Primeiro-Ministro atu tau-matan didi'ak bá setor saúde tanba iha consequência bá ema barak nia saúde no vida.

Questão ida-ne'e Presidente da República questiona, reforça mós ho relatório fiscalização Comissão da Saúde, Segurança Social no Igualdade de Género nian, ne'ebé husu atu tau atenção máxima bá condição infraestrutura, recursos humanos, bá facilidade iha posto saúde, centro saúde no hospital *referral* sira. Ne'e significa incapacidade IX Governo atu resolve problema saúde. Incapacidade governação atu responde ba problema saúde durante ne'e hatudu katak Governo atual seidak bele soluciona problema saúde. Ne'e facto ka realidade ne'ebé IX Governo ho ninia Ministra Saúde hatudu bá público no bá povo Timor-Leste laran tomak tanba iha formação IX Governo, imi promete atu resolve problema saúde iha 120 dias nia laran. Maibé, realidade hatudu oin seluk, tanba ne'e precisa seriedade, husu IX Governo Constitucional atu hadi'a sistema saúde ne'ebé hakdasak. Sistema saúde ne'ebé monu la'ós de'it hanesan assunto técnico, maibé mós hanesan problema moral. Governo iha responsabilidade moral atu protege no cuida nia povo liuhosi atendimento no sistema saúde ne'ebé adequado hodi nune'e bele minimiza problema ka deficiência ne'ebé acontece iha setor saúde.

Excelências, povo precisa líder ida ne'ebé la'ós de'it bele halo promessa no halo retórica iha público, maibé precisa líder ida ne'ebé iha sentimento humano, responsabilidade ba nia povo no iha capacidade ne'ebé di'ak atu halo gestão ba serbisu hotu-hotu ne'ebé Governo atual planeia.

Ministra Saúde tem que responsável ba qualquer erro no deficiência ne'ebé acontece iha itania sistema saúde. Ita precisa política ida-ne'ebé baseia ba realidade ne'ebé acontece iha itania Rain, la'ós de'it teoria no promessa política. Governo tem que fó explicação clara no detalhada kona-ba alocação no utilização orçamento saúde nian, transparência nu'udar chave atu assegura katak fundo ne'ebé fornece usa duni ba povo nia benefício tanba povo barak mak sai vítima ona ba ukun ida-ne'e.

Tanba ne'e, Bancada FRETILIN convida e apela bá povo Timor-Leste laran tomak no parte hotu-hotu, inclui legislador, sociedade civil no mídia, atu continua monitoriza no critica Ministério da Saúde no Governo atual nia desempenho serbisu.

Saúde nu'udar direito básico ba cidadão ida-idak no itania direito atu simu serviço saúde ne'ebé adequado no ho qualidade. Ita tem que hamutuk exige mudança real ba itania Nação hodi sistema saúde no moris di'ak povo nian.

Obrigada, Presidente.

Sr.<sup>a</sup> **Presidente**: — De seguida, ha'u fó tempo bá Bancada do KHUNTO.

Sr. **António Verdial de Sousa** (KHUNTO): — Obrigado, Sr.<sup>a</sup> Presidente.

Bom dia, Sr.<sup>a</sup> Presidente no componente da Mesa do Parlamento Nacional, Ex.<sup>a</sup> Vice-Ministro ne'ebé trata assuntos parlamentares, ne'ebé ohin loron representa husi Ex.<sup>a</sup> Sr.<sup>a</sup> Secretária de Estado da Igualdade. Seja bem-vinda, Excelência.

Saúda mós distintas Deputadas no Deputados no maluk jornalista sira, nune'e mós maluk tomak ne'ebé sintoniza hela atan ha'u lian husi Uma Democracia ida-ne'e, ami-nia saudações fraternais.

Distintos Deputadas no Deputados, ami-nia respeita, iha-ne'e Bancada KHUNTO hakarak halo declaração política.

Ba ohin loron ami *fokus* hodi hafanun IX Governo Constitucional ba área regional sira, mak hanesan Município Ainaro, iha parte setor saúde nian menos facilidade saúde, menos recursos humanos, falta ai-moruk especial, essencial, no ai-moruk interligado mós barak mak la iha, transporte menos. Sasán hirak ne'ebé ami temi ne'e la loos tuur-tuur ami ko'alia hodi manán antena política, lae ida! Maibé realisticamente nune'e duni. Ho nune'e mak Bancada KHUNTO recomenda ba Governo Dasiak, especialmente ba Ministério Saúde, hodi presta atenção bá Posto Saúde Manelobas, Maubisse, tanba posto refere, desde tempo administração indonésia to'o ohin loron, ladauk iha posto permanente ida. Masque equipa técnica husi Ministério Saúde halo ona levantamento ba posto saúde refere, to'o ohin loron ladauk halo buat ida iha-ne'ebá.

Iha sorin seluk, recomenda mós tau tan pessoal saúde iha Posto Saúde Bonuk, no la bele haluha halo mós construção posto saúde iha Goulau, Foho Kablaki nia hun.

Assunto hirak ne'e importante tebes ho nia objetivo hodi ita bele atende comunidade ho efetiva liután iha área hirak-ne'e.

Ita hakat bá área educação, Bancada KHUNTO lori ita hakat bá Posto Administrativa Hatu-Udo.

Precisa constrói tan edifícios escolares, nune'e mós aumenta tan manorin iha escola EBF 1.º no 2.º Ciclo Raibere, Goulau no Buifu. Razão ami-nian mak ne'e: fatin hirak ne'ebé ami cita manorin-na'in menos, nune'e mós estudante barak, maibé cadeira, mesas no salas ba processo ensino aprendizagem la bele acumula.

Haree mós mai iha área infraestrutura, iha-ne'e Bancada KHUNTO nafatin iha nia memória, katak husi Uma-Fukun ida-ne'e atan ha'u rasik mak ko'alia beibeik kona-ba *issue* ne'ebé importante liga bá estrada. Maibé, realidade iha terreno mak haruka ha'u nafatin tem que ko'alia no loron filafali ha'u husu bá Governo bele rona no considera netik atu nune'e bele hala'o desenvolvimento ba iha estrada ligação Maubisse bá Hatu-Builico no estrada ligação Hatu-Builico bá Ainaro, estrada ligação Urahou, Maubisse bá Posto Turiscail, Maun-Fahe. Mesmo foin daudauk Na'i-Ulun Executivo bá halo ona lançamento, maibé nafatin ami ko'alia hodi Governo bele acelera processo hirak ne'ebé nakait ba malu, estrada Cassa bá Hatu-Udo, nune'e mós estrada husi Hatu-Udo bá Ai-Assa, Same, Hatu-Udo, Goulau, Foho Kablaki nia hun, Hatu-Udo bá Bobe, Bonuk no Buafú.

Iha parte economia, ha'u lakohi ko'alia barabarak, favor Governo tau atenção bá Mercado Municipal Ainaro tanba mercado nia condições la furak ona iha ema nia matan.

Iha parte turismo nian, Município Ainaro potencial ba setor ida-ne'e, maibé to'o ohin loron Governo, liuhosi Ministério Turismo no Ambiente, lada'uk iha neon hodi desenvolve fatin sira iha-ne'ebá ho máximo. Maski iha fatin balu hahú book an, hanesan Rabilau no Ramelau, mesmo liuhosi infraestrutura dalan ne'ebé la suporta, precisa tau-matan mós oinsá desenvolve turismo comunitário iha Aldeia Tastopa, Bikan-Tidin hola fatin iha Posto Administrativo Hatu-Udo, Município Ainaro ne'e rasik.

Iha parte agricultura, Município Ainaro conhecido mós hanesan fatin ba agricultura, liu-liu Maubisse, Hatu-Builico, ne'ebé sai fatin ba horticultura, maibé to'o ohin loron, Governo, liuhosi Ministério Agricultura, ladauk desenvolve ho máximo.

Iha sorin seluk, atu facilita comunidade hodi transporta sira-nia produto bá de'it mercado doméstico no nacional susar tebes tanba condições dalan la ajuda. Iha-ne'e Bancada KHUNTO, dala ida tan, hafanun IX Governo Constitucional, especialmente ba ministérios relevantes atu serbisu integralmente tem que integrado, integrado iha visão, metas, programas, atividade no sub-atividade ho objetivo claro hodi hatán bá expetativa povo nian.

Iha parte seluk, hanesan investimento ba setor produtivo sira, Bancada KHUNTO sugere ba IX Governo Constitucional tau consideração bá investimento iha setor produtivo sira, hodi resolve

problemas sociais, economia doméstica ne'ebé ohin loron continua ho dominação produto importado sira, nune'e mós economia domestica ne'ebé nafatin ladauk bele contribui significativamente ba receitas rai-laran.

Ita hotu hatene katak maioria população, quase 65%, halo sira-nia atividade moris iha vida agricultura, no, setor produtiva sira nu'udar fonte principais ba moris maioria população iha Timor-Leste. Lihosi investimento sério iha setor ida-ne'e, Nação ne'e bele ona oferece oportunidade emprego bá comunidade rural sira, inclui agricultor ki'ik sira, serbisu-na'in sira, nune'e mós agro-negócio sira hodi nune'e ita bele hamenos kiak no desemprego iha ita-nia rai-laran.

Sorin seluk mak resolve condição insegurança ai-han, ne'ebé quase ho 36%. Importantíssimo atu assegura segurança ai-han no nutrição iha Timor-Leste. Maioria população depende bá agricultura subsistência ba sira-nia sustentabilidade quotidiana no ai-han ne'ebé produz iha rai-laran, hanesan foos, masin, ai-farina, fehuk, talas no modo sira sai hanesan base ba sira-nia controlo saúde ne'e rasik.

Tuir Bancada KHUNTO nia acompanhamento iha biban hirak liu ona, daudaun la'ó, Governo iha hanoin atu promove diversificação económica, haree bá realidade husi dependência bá Fundo Petrolífera ne'ebé sei la bele financia ho tempo naruk. Bancada KHUNTO hanoin katak ho investimento estratégico liuhosi setor produtivo, hanesan agricultura no setor indústria transformadora sira, bele oferece oportunidade ba diversificação económica no valor adicional liuhosi desenvolvimento indústria agro-processamento cadeia de valor liga bá mercadoria. Lihosi aumento valor ba produto agrícola no promove «empresariade» agrícola, Timor-Leste bele hasa'e ninia competitividade emprego ho valor ne'ebé apropriado.

Ida-ne'e mak declaração Bancada KHUNTO nian.

Muito obrigado, Sr.<sup>a</sup> Presidente.

Sr.<sup>a</sup> **Presidente**: — De seguida, Senhores Deputados, ita hakat bá «Intervenções diversas dos Senhores Deputados».

Sr. António Verdial de Sousa. Sr. Deputado no registo atu intervenção, não quer fazer?

Então?

Sr. **António Verdial de Sousa** (KHUNTO): — Obrigado.

Tanba fó tan tempo be ha'u atu halo intervenção.

Sr.<sup>a</sup> Presidente, ha'u atu hafanun Governo, especialmente ba ohin loron, favor ida trata EDTL ne'e halo didi'ak! Tanba horisehik halo ita à rasca uitoan tanba EDTL iha Díli laran mate ho biban ida naruk tebetebes. La'ós de'it iha Díli, maibé to'ó bá iha áreas municípios nian tomak. Ha'u atu fó-hanoin de'it atu trata assunto halo didi'ak tanba la kleur tan ita-nia Sua Santidade atu mai Timor,

*jangan jangan* Amo Papa to'o tiha mai mak Amo Papa toba hela ahi mate mós loron haat lima. Desculpa, ami tem que fó-hanoin.

E depois, buat ida fali, Sr.<sup>a</sup> Presidente no distinto Deputado sira, iha ha'u-nia estadia iha loron hirak bá kotuk, to'o horissehik mós ha'u sei bá, iha hospital, ha'u atu hateten de'it ho *bahasa* dehan *sangat, sangat disayangkan kondisi* Hospital Nacional Guido Valadares. Ne'ebe, favor boot ida, maluk distinta Deputada no Deputado, inclui atan ha'u ida be mai husi KHUNTO nian ne'e, hanesan Deputado, favor boot ida ita tem que ko'alia buat ne'ebé realidade. Husi Uma Democracia ida-ne'e ha'u husu, ita tem que fó liman ba malu, ita hakuak malu e forte atu nune'e hafanun Governo hodi atende bá expetativa povo nian.

Muito obrigado, Sr.<sup>a</sup> Presidente.

Sr.<sup>a</sup> **Presidente**: — De seguida, o Sr. Deputado Armando dos Santos Lopes.

Sr. **Armando dos Santos Lopes** (PD): — Di'ak, obrigado ba tempo.

Bom dia e respeito bá S. Ex.<sup>a</sup> Presidente Parlamento Nacional, membros da Mesa, bá distinto Deputado sira hotu. Bom dia e respeito mós bá Vice-Ministro dos Assuntos Parlamentares ne'ebé ohin representa husi S. Ex.<sup>a</sup> Secretária Estado, mós bá mídia e povo rona-na'in ne'ebé sintoniza Rádio Parlamento Nacional.

Ohin ha'u hakarak hato'o kona-ba situação negociante timoroan rasik ne'ebé iha município no posto, katak agora daudauk ameaçado atu taka sira-nia negócio tanba negociante estrangeiro balu infiltra tama ona iha negociante timoroan iha município balu nia leet. Ameaça rua ne'e mak hanesan tuirmai, atu ha'u hato'o: ida, além de sira fa'an material construção, sira mós hahú fa'an ona sasán básico *eceran* ka rahun ne'ebé negociante timoroan rasik bele fa'an iha sira-nia fatin atu hetan daudauk osan ruma husi timoroan rasik ne'ebé iha osan.

Segundo, sira mós hahú fa'an ona ho preço baixo husi preço normal, então ema hotu-hotu halai bá iha fatin ka iha estrangeiro sira-nia negócio, automaticamente ita-nia negociante sira tem que taka sira-nia negócio, tanba ema la iha ona bá sosa. Wainhira sira taka ona, sira normaliza filafali preço. Ne'e estratégia política *bisnis* estrangeiro sira atu hamate economia povo nian no hamate espírito negociante timoroan rasik nian.

Ho nune'e ha'u sugere ponto tolu ba Governo:

1. Urgentemente halo intervenção política no jurídica ba atividade negócio ki'ik, escala ki'ik ne'ebé, tuir loloos, negociante timoroan sira mak halo. Governo labele facilita estrangeiro sira, consequentemente ita-nian osan monu hotu bá estrangeiro sira-nia liman no sira-nia moris no sira lori bá rai-li'ur. Tuir loloos hela ho ita, circula iha Timor atu haburas economia timoroan rasik nian iha município, posto, suco no aldeia.

2. Cada município ne'ebé estrangeiro halo negócio, ita bele permite maibé tem que determina aldeia ka centro *bisnis* bá estrangeiro sira. Só permite sira fa'an materiais construção no necessidade básico bele fa'an *grosir*, labele *eceran*.

3. Intervenção rápida atu garante política Governo ne'ebé fó *modal* ka fundo ki'ik bá povo sira atu halo negócio atu labele mate ho «imperativo» negociante estrangeiro sira.

Situação hirak ne'e mak negociante timoroan sira husi município, posto, no aldeia ható'o mai ha'u, nu'udar representante sira-nian iha Uma-Fukun ida-ne'e, nune'e ha'u encaminha bá S. Ex.<sup>a</sup> Secretária de Estado atu ható'o bá IX Governo hodi controla, atu nune'e ita-nia economia bele buras iha ita-nia povo negociante sira-nia moris. Ha'u hakarak ható'o ida-ne'e tanba iha daudauk iha base, ita bele dehan katak negociante, liuliu negociante sira husi China, atu domina ita-nia economia povo nian hodi bele hamate tan ita-nia economia povo nian.

Muito obrigado, Presidente, tempo ha'u fó fila.

Sr.<sup>a</sup> **Presidente**: — De seguida, Sr.<sup>a</sup> Deputada Aliança da Conceição Araújo.

Sr.<sup>a</sup> **Aliança da Conceição Araújo** (CNRT): — Obrigada, Sr.<sup>a</sup> Presidente Parlamento Nacional.

Bom dia e respeito bá Ita-Boot, composição da Mesa. Bom dia, distintas e distintos Deputados, Sr. Vice-Ministro dos Assuntos Parlamentares em exercício, Sr.<sup>a</sup> Secretária de Estado, mídia, rádio e televisão e a todos que aqui estão presentes.

Sr.<sup>a</sup> Representante do Vive-Ministro dos Assuntos Parlamentares, iha dia 4 de junho de 2024, Mesa GMPTL hala'o sorumutu ho *Plan Internacional* no representante husi Halibur Deficiência Matan Timor-Leste, ható'o desafios ne'ebé sira enfrenta durante ne'e, baseia ba dados husi auditoria no visita ne'ebé hala'o iha suco sira iha municípios:

1. Ema ho deficiência barak seidauk iha certidão moris RDTL nian, cartão BI no eleitoral, halo sira lakon direito ba vota ka eleição, inclui mós subsídio ne'ebé Governo atribui, ho razão Serviço Registo e Notariado sira iha município falta recurso próprio atu atende ema ho deficiência. Edifício público sira hotu iha capital município dificulta ema ho deficiência atu trata documentos tanba sira hela iha suco no aldeia ne'ebé dook.

2. Ema ho deficiência nia participação iha educação formal sei mínimo tebes tanba distância bá escola dook, professor sira la iha formação mínima, liuliu método de ensino ba ema ho deficiência, hanesan lian gestual, no dificulta interação entre estudantes no professores.

3. Timor-Leste seidauk iha exame equivalência ba ema ho deficiência hodi bele facilita sira atubele iha acesso bá universidade no sira tem que bá halo exame iha Kupang Indonésia. Agora daudauk Kupang la simu ona estudante sira-ne'e.

4. Discriminação iha atendimento público, inclui mós iha tratamento saúde, sei nafatin continua.

5. Casa de banho iha instituição balu la tuir *standar* no la iha acessibilidade ba ema ho deficiência.

6. Subsídio ba ema ho deficiência husi Ministério da Solidariedade e Inclusão ba de'it ema ho 18 anos bá leten, no sira ne'ebé 17 anos bá kraik la hetan direito ba subsídio.

Husi problema sira-ne'e, recomenda bá Governo ou bá Ita-Boot atubele garante katak Ministério hotu-hotu implementa Plano Ação Nacional 2021-2030 ba Ema ho Deficiência no garante katak orçamento suficiente atu implementa Plano Ação Nacional ba sira; altera idade mínima sira ba subsídio ba ema ho deficiência, husi 18 anos bá desde moris, hodi nune'e ema ho deficiência ho idade 17 anos mai kraik bele iha acesso mós bá subsídio hodi fó apoio bá sira-nia qualidade de vida, tanba subsídio refere bele ajuda sira-nia necessidades rasik, hanesan selu escola no curso; ao mesmo tempo atu altera mós termo «invalidez» iha lei refere bá liafuan «deficiência» hodi reflete tuir Constituição RDTL, artigo 21.º; investe iha formação professor nian kona-ba assunto inclusão, inclui método de ensino ba ema ho deficiência; aumenta recursos humanos no continua investe iha infraestrutura hodi apoia Ministério Justiça halo atendimento móvel iha suco ba tratamento BI, Eleitoral no documento sira seluk ba ema ho deficiência; cria exame equivalência ba ema ho deficiência iha Timor-Leste hodi bele facilita sira atu acesso bá universidade.

Husu mós bá Ministério das Obras Públicas atu halo controlo ba construções edifício sira-nia casa de banho hodi garante katak tuir *standar* no acessível ba ema ho deficiência.

Halo socialização no capacitação pública hodi bele fó oportunidade no confiança bá ema ho deficiência atubele participa iha movimentos políticos, sociais no económicos...»

Sei falta de'it 29 segundos, mas ha'u acha katak ne'e ba aban fali.

Muito obrigada, Sr.<sup>a</sup> Presidente.

Sr.<sup>a</sup> **Presidente**: — De seguida, Sr. Deputado Antoninho Bianco.

Sr. **Antoninho Bianco** (FRETILIN): — Obrigado.

Bom dia bá Presidente, Mesa do Parlamento, representante do Governo, colegas Deputados no maluk sira ne'ebé acompanha.

Primeiro de tudo, ami tem que fó-hanoin bá Presidente, colegas bancada Governo nian, ho ami-nia declaração ne'ebé ami hato'o, uma forma de hato'o sentimento e aspiração povo ne'ebé ita hotu representa sira.

Objetivo principal mak atu resolve problema, tanba se ita lakohi atu fó-hatene ba malu, la hatutan ema sira-nia aspiração no sentimento, então ita la hatene oinsá mak ita resolve problema.

Ne'ebe, simu bá, buka atu resolve! Tanba ita hotu representa sira, atu ukun ka la ukun, dehan ita atu halo melhoramento prestação hodi serbí povo ne'ebé ita rasik mai representa sira. Ne'ebe, declaração Bancada FRETILIN, declaração Bancada PLP no KHUNTO é tudo aspiração mai husi povo, katak hateten lia loos, verdade é importante iha ita-nia moris.

Ida-ne'e mak Ita-Boot sira simu e depois hatutan, e fanun Governo liuliu. La'ós tomak, Governo idaidak, ministério idaidak, Ita-Boot sira balu di'ak liu balu ne'ebé kaer ukun ne'e. Karik membro Governo balu mak sente katak halo moe fali IX Governo, ha'u hanoin, buka fatin! Porque CNRT também tem muitas pessoas, recursos humanos valiosos, para representar o povo gerir o Estado através setores ne'ebé ema barak foti.

Se hanesan ne'e, ha'u hanoin, ita tem que resolve duni, caso ema ida ka rua labele afeta bá órgão ida tomak. Ha'u hanoin, ida-ne'e Ministério ida-ne'ebé baibain ema foti ona iha-ne'e, ha'u hatene katak expressão ohin colega sira balu mós ho sentimento pertença ho sofrimento hato'o, maibé hanesan liu-liu de'it. Maibé ami, oposição, tem que hato'o para pelo menos representante especial do Governo iha-ne'e bele hatutan fali tanba feto ida-ne'ebé representa mai e feto ida seluk mak executa, feto rua, não é?

Ida mak ha'u atu husu mós ba Presidente, Resolução do Parlamento Nacional que aprova por unanimidade, ninia efeito negativo ka positivo ba implementação mós ita seidauk hetan informação. Ida-ne'e ha'u tem que husu.

Feto sira mak inan ne'ebé di'ak liu atu serbí Rai ida-ne'e. Ohin duni Santa Isabel hahoris S. João Batista, husi inan ida, e ha'u hanoin katak Santa Maria tuirmai mós, iha ninia lian tatoli, dehan, «inan sira serbí di'ak liu oan sira», ne'ebe hatudu to'ok bá iha prática!

Iha Mesa leten Inan sira ne'ebé representa iha-ne'ebá, representante Governo mós Inan, ha'u hein katak declaração ohin ne'e mós husi Inan na'in-rua, halo to'ok bá, halo tuir Santa Isabel, São João Batista nia inan, e Santa Maria, Jesus nia inan, halo bá! Labele haksasuk malu, lian mak saida, ne'e la'ós representa ona. Ha'u hanoin, ida-ne'e.

Ha'u hakarak husu to'ok representante povo nian iha-ne'e: ita consensus ka lae atu hamaran ema nia matan-been, hamenus ema nia sofrimento ne'ebé ita iha? Ha'u ko'alia porque iha sentimento pertença bá sofrimento ema sira ne'ebé hein, katak ita atu halo di'ak liután.

Pronto, ho seluk-seluk ha'u apoia colega sira ohin temi Ainaro, loos duni, ha'u mesak ko'alia mós ha'u baruk, ne'ebe di'ak liu maluk sira ne'ebé saida ne'e hateten ba Ainaro ne'e compara ho seluk-seluk dehan: *aku seperti yang dulu* karik mak ne'e ka, *lebih rusak* karik mak ne'e ka, iha dalan sira, ne'ebe Ita-Boot sira ko'alia ha'u apoia de'it ho hirak ne'e, hein katak bá oin halo melhoramento.

Ha'u hanoin, mak ne'e de'it.

Obrigado, Presidente, e bá ita hotu, Maromak nia tulun.



Sr.<sup>a</sup> **Presidente**: — Loos, mas inan de'it *tanpa* aman mós la bele halo buat ida.

De seguida, Sr.<sup>a</sup> Deputada Maria Anabela Sávio.

Sr.<sup>a</sup> **Maria Anabela Sávio** (FRETILIN): — Obrigado, Presidente.

Bom dia bá ita hotu.

Excelências, Público hotu hatene katak iha fim do mandato iha VI Governo nian, Ministro balu fó projeto ilegal la tuir procedimento ne'ebé lei haruka bá companhia local sira balu. Iha projeto 143 ne'ebé sai tiha problema tanba la tuir procedimento aprovisionamento no la iha fontes de financiamento nian iha OGE 2017.

Iha VIII Governo nia ukun, Governo consegue resolve ona 80% husi total projeto 143 ida-ne'e no hela 28 mak seidak resolve. Maski ita hotu hatene katak adjudicação projeto ho base favoritismo ne'e halo Estado tem que lakon tempo no osan durante ne'e, maibé prática ida-ne'e continua la'o no buras liután.

Foin daudauk ne'e MOP apresenta bá Parlamento Nacional katak iha tan projeto foun 34 projeto seluk ne'ebé precisa mós atu selu husi Orçamento Estado, nune'e IX Governo cria hela enquadramento legal ida, Decreto-Lei n.º 15/2024, de 20 de março, atu fó contrato por ajuste direto ba projeto sira ne'ebé la iha formalização contratual. Ministro ida-ne'ebé fó projeto ilegal sira-ne'e mak continua suporta decreto-lei ida-ne'e atu hamoos nia ato violação procedimento aprovisionamento ne'ebé nia comete iha 2017 no durante tinan ikus ne'e.

Ita-nia Regime Jurídico Aprovisionamento nian define momoos, iha artigo 42.º, kona-ba oinsá companhia ida bele hetan ajuste direto ida. Infelizmente, projeto sira-ne'ebé menciona iha Decreto-Lei n.º 15/2024, de 20 de março, ne'e la cumpre requisito legal sira ne'ebé estipula iha ita-nia Regime Jurídico de Aprovisionamento.

Conflito ba interesse no potência ba corrupção no abuso de poder mosu iha decreto-lei ida-ne'e, no corrupção mak iha, exemplo, mak hanesan projeto halo estrada direção Lautém – Lospalos Vila, tempo VIII Governo liuhosi processo naruk ida, gasta osan lubuk ida hodi halo desenho no BoQ, hein atu implementa de'it, maibé Governo atual la considera hodi continua, maibé Governo atual tem que hasai tan osan hodi halo tan desenho foun. Ministério Público, ba futuro, no CAC ne'ebé sei mai ne'e, la taka matan ba evidência no prática corrupção ida-ne'ebé momoos hela ne'e.

Lei execução OGE 2024 ne'e ko'alia momoos katak procedimento aprovisionamento obrigatório ba execução despesa ho base ba contrato público, no compromisso atu halo pagamento ne'e acontece bainhira iha ona contrato antes implementa obra ka halo despesa sira ne'ebé mai husi contrato, ne'e la hanesan ho halo tiha despesa mak foin bele assina contrato. Karik IX Governo hakarak hatudu nia compromisso atu selu projeto ilegal sira-ne'e, dalan seluk ne'ebé foti mak husu

decisão judicial husi tribunal atubele haforça princípio anti-corrupção nian do que através produto político, hanesan decreto-lei ne'ebé nakonu ho intenção corrupção.

Excelências, Decreto-Lei n.º 15/2004, de 20 de março, IX Governo cria atu fó-dalan hodi considera projeto ilegal sira ne'ebé Governo CNRT comete iha tinan hirak liubá, maibé keta considera de'it ema ne'ebé imi conhece no ignora ema ne'ebé imi la conhece.

Hanesan projeto ida iha Viqueque, companhia Timor-Leste constrói estrada Uatulari – Samogo – Laisorulai, resultado obra refere atinge ona liuliu 10% maibé la tama iha lista verificação.

Iha Liquiçá, companhia Milehan Naufai constrói estrada Lauhata – Bazartete, obra refere atinge ona 28% maibé la tama mós iha lista verificação hodi selu.

Iha Lautém, Posto Loré, Companhia Tahi-Calú, iha tempo VIII Governo, inquérito parlamentar verifica ona obra refere atinge ona 8%, maibé resultado verificação ikus hetan fali 0,41%. Pergunta mak ne'e: tanbasá mak companhia hirak ne'e la tama iha lista P34 no hatún fali por cento resultado obra ne'ebé agora daudaun, IX Governo identifica fali, hodi plano alocação orçamento ba tinan 2025?

Obrigada.

Sr.<sup>a</sup> **Presidente**: — De seguida, Sr. Deputado Hélder Freitas.

Sr. **Hélder Freitas «Kamarudin»** (PLP): — Di'ak. Obrigado bá Presidente.

Bom dia, Ex.<sup>a</sup> Presidente Parlamento Nacional no composição Mesa, bá S. Ex.<sup>a</sup> Sr.<sup>a</sup> Secretária de Estado da Igualdade no bom dia bá distinto Deputado sira, bá povo doben Timor-Leste, mídia no rona-na'in sira hotu.

Ha'u iha ponto balu atu coloca iha dadeer-saan ida-ne'e.

Primeiro, ha'u secunda declaração política Bancada PLP, declaração husi Sr. Vice-Ministro dos Assuntos Parlamentares ne'ebé dehan, «VIII Governo Constitucional la selu obra sira ne'ebé completa ona», ne'e falso.

Sr. Vice-Ministro, atu justifica de'it, ita toman ona hatudu liman bé ema seluk. Discurso no declaração sira-ne'ebé fó-sai bá público kona-ba 120 dias resultado mamuk, no tinan ida ona povo nafatin halerik, gere de'it mak política selu tusan, realidade povo sofre nafatin depois fó-sala bá Governo seluk, hanesan Pilatos fase liman.

Segundo, kona-ba saúde. Quase iha município sira ne'ebé Comissão F halo fiscalização, Suai no Ainaro, ai-moruk metade la iha, 50%. Tanba saida? Orçamento Parlamento aprova dala rua tuir-tuir malu, Orçamento Retificativo no Orçamento Geral do Estado tinan 2024 nian, maibé problema ne'e iha ne'ebé, ai-moruk to'o agora la completa ka la iha nafatin?

Hanesan representante povo, ha'u preocupa. Sr.<sup>a</sup> Ministra ne'ebé toma conta assunto saúde nian, ita compara carreta karik, hanesan atu tula passageiro sira sa'e Fatu-Ahi, maibé la bele ona tanba *mesin* carreta nian ladi'ak ona. *Mesin*, quando la di'ak, tem que troca, tanba *mesin* la di'ak carreta la bele la'o. Tanba ne'e mak Presidente da República mós preocupa, PDHJ, sociedade civil, bancada oposição, observador político, entidade hotu-hotu preocupa, tanba ne'e husu bá Na'i Primeiro-Ministro atu tetu no foti decisão imediatamente.

Terceiro, kona-ba educação. Parlamento Nacional, iha dia 24 fulan-maio, aprova ona resolução kona-ba professor contratado nian ho votos a favor 59, processo implementação to'o ona iha-ne'ebé?

Iha escola secundária geral Município Baucau, Posto Quelicai Laisorulai, sei menos professor, matéria 10 resin mak la hanorin. Total professor hamutuk na'in-tolu de'it, total alunos hamutuk 125. Resultado ne'ebé Parlamento Nacional aprova ne'e fó solução bá problema, labele husik de'it hanesan ne'e!

Ikusliu, iha oportunidade ida-ne'e hakarak husu mós Ministra Social kona-ba declaração ne'ebé sai *viral* iha mídia social. Hanesan representante povo nian, ha'u preocupa, la podia ko'alia liafuan sira-ne'e prega bá juventude sira, «Governo tau osan ba jovem sira, halo oan soe, halo oan soe».

Iha VIII Governo, CNRT mós hola parte, labele sai hanesan Pilatos! Fase liman de'it. Dados sira hatudu katak labarik ho idade 0 a 5 iha hela problema mal nutrição no raes badak ne'ebé grave, 47%, tanba ne'e mak VIII Governo tau osan atu fó solução ba problema ne'e, la'ós hanesan declaração Sr.<sup>a</sup> Ministra Social ne'ebé fó-sai *viral* iha mídia social. Ne'e mak dehan falso loloos.

Obrigado.

Sr.<sup>a</sup> **Presidente**: — De seguida, Sr. Deputado Ricardo Baptista.

Sr. **Ricardo Baptista** (CNRT): — Di'ak, obrigado, Sr.<sup>a</sup> Presidente.

Bom dia bá Ita-Boot, bá composição da Mesa, bá Sr.<sup>a</sup> Secretária de Estado no bá ita hotu iha-ne'e.

Primeiro, ha'u hakarak fó-hanoin hela bá Governo, liga ho atividade ra'ut fo'er iha Díli laran. Agora atividade começa la'o di'ak, Díli começa moos, atendimento começa di'ak, maibé ba carreta sira ne'ebé tula fo'er, dala ruma sira la taka didi'ak lona iha careta ne'e, fo'er monu tuir dalan. Idane'e precisa tebes atu fó-hanoin hela bá Governo para haree.

Segundo, assunto ida mak foin daudaun carreta ne'ebé tula óleo fo'er mós halo nakfakar hela iha Fatu-Ahi ne'ebá, resulta ema balu hetan desastre. Husu bá Governo atu haree ida-ne'e.

Terceiro, ha'u hakarak fó-hanoin hela bá Ministro Agricultura, Pescas e Pecuária liga ho fahi ne'ebé continua mate, liuliu iha Ataúro, e acontece kleur ona. Natoon Secretário Estado bá haree tiha ona, maibé husu atu continua tau-matan bá assunto ida-ne'e.

Tuirmai, ha'u hakarak responde uitoan declaração política husi maluk oposição sira liga bá prestação ou sucesso ne'ebé VIII Governo halo, liuliu liga bá empresário sira. Setor privado sira ne'ebé registado iha VIII Governo, empresário registo besik rihun neenulu, ne'e loos, liafuan ne'e loos, dados ne'e mós loos. Só que, tuir ami, Comissão D, nia audiência ho Ministro, membro Governo sira no sira ne'ebé serbisu iha SERVE, nia problema mak ne'e: depois registo, la hatene companhia nia paradeiro iha-ne'ebé, setor privado, empresa ne'e ninia *kantor* iha-ne'ebé. Registo tiha hotu, ita mak hanoin, besik 600 mil empresário mak loke, karik nia fó de'it ema na'in-tolu mak serbisu iha nia empresa ne'e, ha'u bele dehan katak timoroan la precisa sai bá li'ur. Maibé, nia problema mak ne'e, depois de nia registo, ita temi tiha número, ita gaba tiha dehan katak sucesso, mas sucesso ne'e iha-ne'ebé? Nia problema ne'e maka ida-ne'e. Ou empresário sira ne'e *musiman* de'it tanba Cesta Básica? Nia hakarak atu hetan Cesta Básica, depois nia bá registo, nia registo tiha hotu, nia sub tiha bá ema, nia tuur *gaya* tiha, nia mós la hatama ema bá serbisu, nia rasik de'it mós sai *pengangguran*.

Ida-ne'e problema, ne'e buat ida que ita lalika ko'alia atu naransá... colega sira iha Comissão D hatene muito bem ida-ne'e. Ita lalika mai ko'alia naransá... ne'e buat loloos mak ida-ne'e. Nia mós sai *pengangguran*, tanba depois de nia registo, atividade la iha, balu mate, balu la iha atividade to'o taka de'it.

Tuirfalimai, kona-ba tau osan iha Banco BNCTL, ha'u rasik no ita hotu iha-ne'e hatene, ita hotu a favor ba 50 milhões de dólares tau iha BNCTL. Nia problema mós hanesan, depois tau tiha osan iha banco ne'e atu fó crédito suave, no fim ita tau tiha hotu, ita mós tau critério ne'ebé todan. Ita tau critério ne'ebé todan, empresário sira, husu to'ok empresário hira, ami halo audiência ho CCI-TL, colega oposição sira mós iha-ne'ebá, acompanha ho loloos, hira mak *akses* ba credito suave ne'e?

No fim osan ne'e iha-ne'ebá hela. La bele tanba ita tau critério ne'ebé todan liu, Governo hasai critério ne'ebé todan fó bá banco, para ema ne'ebé atu hetan *akses* bá crédito suave tem que ser tuir critério sira-ne'e. No fim, setor privado sira la bele acesso bá ida-ne'ebá. Ne'e realidade.

Banco nia esforço rasik, liuliu BNCTL, nia bele halo buat barak, apoia setor privado sira, mas la'ós crédito suave ne'e. Crédito suave ne'e, hakarak hatete bá Ita-Boot sira, ami audiência ho banco, ami audiência ho membro Governo, problema, setor privado sira la bele acesso. Ne'e ita ko'alia loloos.

Banco iha fali nia maneira seluk que nia bele halo e nia apoia setor privado, bele halo empréstimo iha-ne'ebá para hala'o sira-nia atividade. Mas, crédito suave ne'e crédito ne'ebé *gagal* tanba critério todan de mais.

Mak ne'e de'it.

Obrigado barak.

Sr.<sup>a</sup> **Presidente**: — De seguida, Sr.<sup>a</sup> Deputada Sância Paixão Bano.

Sr.<sup>a</sup> **Sância Florência Paixão Bano** (FRETILIN): — Obrigada ba tempo.

S. Ex.<sup>a</sup> Presidente Parlamento Nacional, componente da Mesa, maluk Deputado sira, Vice-Ministro em exercício ne'ebé presente iha-ne'e, Buibere no Maubere sira hotu, bom dia bá ita hotu.

Ha'u hakarak secunda tan declaração Bancada FRETILIN nian, problema saúde iha Timor-Leste grave liu ona no autor ba problema sira-ne'e mak Sr.<sup>a</sup> Ministra rasik. Dada halo naruk problema ne'ebé hagrave liután setor saúde, no decisão Sr.<sup>a</sup> Ministra Saúde hodi hapara profissionais saúde nian iha tinan 2023 ninia consequência mak ema mate barak iha hospital no posto saúde barak ameaçado taka, no balu taka duni ona.

Política Ministério Saúde nian hapara tiha profissional saúde sira no muda tun sa'e profissional saúde sira ne'ebé durante serviço kleur no iha ona experiência atu atende paciente sira ho di'ak, tanba de'it vingança política, hapara tiha profissional saúde sira atus ba atus, ho nune'e mak husu ba IX Governo atu halo continuação recrutamento ba profissional saúde barak liután, hodi bele atende iha hospital no centro saúde sira no posto saúde sira iha Timor laran, liuliu tanba profissional saúde sira nafatin menos fó impacto bá paciente sira.

Excelência sira, ai-moruk iha hospital no centro saúde sira *stockout* prejudica tebes povo nia moris, tanba dala barak paciente sira consulta no doutor sira fó fali lista ai-moruk hodi hola iha clínica no lori bá doutor sira atu fó tratamento iha centro saúde no hospital. Tanba antes ne'e Sr.<sup>a</sup> Ministra Saúde dehan katak Companhia Salimago compra ai-moruk husi nação sira hanesan Austrália, Indonésia, Sri Langka, Índia no Malásia, hatama duni ai-moruk sira, maibé tanbasá to'o agora, iha posto saúde sira ne'ebé nafatin iha ai-moruk iha *stoukout* nia laran?

Excelência sira, IX Governo foin ukun, atu tama ona tinan ida, maibé Parlamento Nacional aprova ona Orçamento Retificativo no Orçamento Geral do Estado tinan 2024 nian atu responde bá povo nia moris di'ak. Ho Orçamento Retificativo ne'ebé aloca ona bá Ministério Saúde, hodi responde ai-moruk *stockout* ho carácter emergência, tanba ne'e mak Sr.<sup>a</sup> Ministra adjudica direita bá Companhia Salimago hodi fornece ai-moruk, maibé, Companhia Salimago nia distribuição ai-moruk la responde bá situação emergência, no, pior liután mak Sr.<sup>a</sup> Ministra Saúde husik hela problema ne'e sai crónico liután no lakoi fó atenção bá Companhia Salimago hodi responsabiliza ba acordo serbisu ne'ebé Ministério saúde halo no assina.

Ho buat sira-ne'e, ha'u husu atu Ministério Público lailais loke investigação kona-ba «tenderização» ne'ebé Sr.<sup>a</sup> Ministra rasik halo ho Companhia Salimago Lda.

Povo doben Timor-Leste, wainhira debate OGE 2024 nian, husi Bancada FRETILIN husu atu hasai orçamento Transferência Pública hodi aumenta bá Ministério Saúde, atu nune'e Ministério Saúde bele hola ambulância, maibé altura ne'ebá Ministra saúde rasik dehan, «Ministério Saúde iha osan hodi responde bá problema sira ne'ebé Ministério nian». Maibé, realidade mak ambulância nafatin la to'o, no, pior liután mak paciente sira enche rasik combustível bá ambulância sira hodi tula paciente no consulta iha centro saúde. Será que ida-ne'e iha Ministério Saúde la iha duni osan operacional ba combustível ambulância nian ka? Karik iha osan, razão saida mak paciente sira tem que hasai osan rasik no enche mina ka combustível bá ambulância? Ha'u hanoin, ato ida-ne'e precisa tebes atubele halo investigação.

Ikusliu, Excelências, iha ha'u-nia intervenção semana rua antes, ha'u husu dala ida tan, kona-ba salário iha RAEOA, ha'u husu ona atubele halo lailais fiscalização.

Sr.<sup>a</sup> Presidente Parlamento, bele rona ida-ne'e.

Ho ida-ne'e ha'u fiar katak quando salário ida-ne'ebé boot tebes, iha *bahasa* karik, ne'e ita *makan gaji buta*. Ha'u moe uitoan quando simu salário boot maibé halo serbisu la hatene, até *laptop* mós parece que la hatene. Ha'u atu mai, *datang, duduk diam dan pulang* no hein de'it salário tama, ne'e moe ne'e ita tau iha-ne'ebé? No husu nafatin atu fiscaliza lailais assunto ida-ne'e.

Ha'u la hatene, Presidente da Autoridade, Sr. Rogério Tiago Lobato, hatene assunto ida-ne'e ka ou nia husik de'it? Tanba nia hatene ka lae orçamento ba FED (Fundo Especial de Desenvolvimento) ne'e sei iha ka la iha. Ha'u fiar katak sei continua iha discussão ba ida-ne'e, orçamento iha-ne'ebá sei iha nafatin ka lae.

No ha'u husu, se la iha capacidade atu serbisu no continua obra ne'e, di'ak liu sees an tiha no fó tiha bá ema seluk ne'ebé bele lidera.

No ha'u fiar katak colega Deputado sira CNRT ne'ebé representa Oe-Cusse ne'e hatene muito bem saida mak acontece iha-ne'ebá.

Ha'u-nia intervenção mak ne'e de'it, Presidente.

Obrigada barak.

Sr.<sup>a</sup> **Presidente**: — Muito obrigada.

Ha'u espera katak Comissão C bá desta vez lori resultado di'ak, tanba horibainhira bá foti orçamento desde 2015, mas saldo transitado la temi. Ne'ebe ha'u fó recomendação.

De seguida, Sr.<sup>a</sup> Deputada Cedelízia Faria dos Santos.

Sr.<sup>a</sup> **Cedelízia Faria dos Santos** (CNRT): — Muito obrigada, Sr.<sup>a</sup> Presidente.

Ha'u nia bom dia no respeito bá Ita-Boot, composição da Mesa, distintos Deputados, Ex.<sup>a</sup> Sr.<sup>a</sup> Secretária de Estado da Igualdade, – bem-vindo filafali mai Uma-Fukun, ami contente haree Ita-Boot

iha-ne'e – audiência sira no maluk rona-na'in Rádio Parlamento Nacional, mídia no maluk rona-na'in povo doben Timor-Leste.

Ha'u-nia intervenção ba loron ohin ha'u foca liu bá execução Orçamento Geral do Estado ba ano fiscal 2024, liuliu ha'u foca liu bá Capital de Desenvolvimento no Fundo de Infraestruturas.

Sr.<sup>a</sup> Secretária de Estado, tuir dados husi Portal Transparência hatudu katak orçamento ne'ebé aloca ba Capital Desenvolvimento, ho total 413 milhões, to'o loron ohin, 24 de junho de 2024, ninia execução real, la inclui compromisso, foin mak atinge 2,8%. Se ita inclui compromisso mós ninia execução sei ki'ikoan, foin atinge 24%.

Iha parte seluk, orçamento ne'ebé aloca ba Fundo Infraestrutura, ho total 301,3 milhões, ninia execução to'o data ohin, se ita la inclui compromisso, foin mak atinge 10,8%. Se inclui mós, nia sei ki'ikoan, foin mak 15%. Taxa de execução ida-ne'e, tuir ha'u, ki'ikoan tebes, tanba semana oin ita termina ona segundo trimestre no fulan-julho ita tama ona bá terceiro trimestre, maibé execução iha categoria rua ne'ebé ha'u hatete ne'e baixo tebetebes, la sai buat ne'ebé ita-nia expetativa.

Claro, ha'u concorda katak ita-nia execução, ita tem que haree mós processo sira-ne'ebé Governo anterior halo, iha problema barak, ita tem que haree, maibé, ita atu tama ona bá terceiro trimestre, ami husu Ita-Boot sira atu tau atenzão bá ida-ne'e.

Sr.<sup>a</sup> Secretária de Estado, la'ós Capital Desenvolvimento no Fundo Infraestrutura de'it, tanba ha'u haree Ita-Boot tuur iha oin, então ha'u mós curiosa, haree to'ok Ita-Boot nia execução! Maibé, mós nafatin de'it, orçamento ne'ebé aloca ba Ita-Boot nia Secretaria de Estado rasik, ho total 2,1 milhões, ninia execução foin mak atinge 29,4%.

Ha'u nia pergunta mak ne'e: problema ne'e iha-ne'ebé? Problema ne'e iha lei ruma ka? Se kona-ba Capital Desenvolvimento no Fundo Infraestrutura, decreto-lei ida-ne'ebé husi VIII Governo, se ha'u la sala n.º 22/2022, ne'e mak sai problema ka? Se decreto-lei mak sai problema, ami husu bá Governo atu haree filafali, atu halo to'ok avaliação, haree to'ok! Se lei ne'e mak sai problema, la iha sala ida ita altera, tanba ita hakarak desenvolvimento. Povo hein hela desenvolvimento ba Rai ida-ne'e. Segunda e terça iha ema barak, Deputado sira mós, levanta questão estrada aat, valeta la di'ak, ponte, então problema barak. Se ita tau tiha orçamento, favor ida executa bá, Sr.<sup>a</sup> Secretária de Estado!

Ha'u hatán mós kona-ba intervenção husi bancada oposição sira, ha'u secunda kona-ba companhia sira-ne'ebé loke hanesan has tasak iha Governo liubá.

Ha'u secunda tebes ho intervenção husi distinto Deputado Ricardo nian. Ha'u concorda tebes, se companhia sira-ne'ebé harii barak husi Governo viabilizador ne'e, ha'u hanoin, companhia sira-ne'e mai duni husi Governo nia ema rasik ho política hodi fahe osan ba malu de'it, liuhusi programa ida Cesta Básica ne'e, maski programa ida Cesta Básica ne'e, ha'u loke fali iha Programa VIII Governo ne'e, la iha ida.

Ita dehan, «ita halo orçamento baseia ba programa», maibé ita halo fali programa ida-ne'ebé la tama iha Programa VIII Governo cinco anos ne'e nia laran, de repente Cesta Básica ne'e mosu tiha, sosa sasán barak liu mak husi fali estrangeiro. Devia ita-nia companhia sira ita-nia sasán produto rai-laran ne'e mak atu hetan sá... maibé ita hodi osan ne'e sai fali, bá sosa fali sasán, até hudi matak mós, iha rai-li'ur ne'e. Imagina, tomate mós ita sosa hotu husi rai-li'ur hotu, ne'e mak ita dehan atu apoia ita-nia setor privado ka?

Sr.<sup>a</sup> Presidente, Sr.<sup>a</sup> Secretária de Estado, foin mak loron tolu bá kotuk ha'u haree notícia, se ha'u la sala iha GMN TV, informa katak loos duni, mate iha data ida-ne'ebé menciona ne'e iha duni, maibé mate sira-ne'e tanba mai hospital ho condição grave.

Ha'u husu Ita-Boot sira bá loke fali iha notícia ne'e, haree, iha bebé ida que iha inan nia kabun laran ne'e mate tiha loron hira ona mak foin lori bá, então ita-nia médico sira la bele ajuda hodi salva nia vida.

Iha mós paciente ida, dehan moras, desculpa, *HIV/SIDA*, ho condição ida-ne'ebé grave tiha ona mak bá hospital, então ita-nia médico sira la bele salva nia, ne'ebe, la iha questão ida ho dehan fali ai-moruk la iha.

Ita-Boot sira, favor ida, loke lai notícia ida ha'u hatete ne'e. Se ita mak iha grupo, haree *share* hela *link* ne'e bá, ita hotu haree hamutuk tiha.

Kona-ba Salimagu, ha'u hanoin, imi lori tiha ona bá Ministério Público. Hein Ministério Público halo tiha investigação, resultado mai mak fó bá ita hotu.

Obrigada.

Sr.<sup>a</sup> **Presidente**: — De seguida, o Sr. Deputado Florentino Ximenes.

Sr. **Florentino Ximenes da Costa «Sinarai»** (FRETILIN): — Bom dia, Presidente, colega Deputado sira, componente da Mesa, povo doben Timor-Leste, camarada Maubere no Buibere sira.

Devia pergunta sira-ne'e Governo mak hatán lae, Deputado sira mak hatán mós hatán la loos hotu. Realidade ai-moruk la iha duni, GMN TV ninia informação ne'e clara.

Tanbasá bebé mate iha kabun laran? Tanba ai-moruk iha centro saúde no posto saúde la iha, tanba ne'e mak halo recomendação mai iha Hospital Guido Valadares, to'o ema tem que mate, porque ai-moruk iha kraik la iha duni.

Ha'u bá fiscalização iha município rua, Ainaro no Covalima, ai-moruk la iha duni. Lalika tenta habosok malu! Ai-moruk *Antalgin* ne'e precisa cada fulan 100 mil ba Município Covalima de'it, maibé ai-moruk bá 10 mil de'it, ne'e nia funciona halo nu'usá? Ema tem que mate. La hatene serbisu, haree corrige an! Lalika buka halo defesa sira la loos ne'e.



Licença produz barak iha iha 2007 to'o mai 2012 tanba pacote *referendum*, tanba economia moris, tanba ne'e maka ema bá trata licença ne'e duni. Timoroan hotu-hotu iha direito atu bá halo.

Iha VIII Governo, economia moris ho Cesta Básica, tanba ne'e mak ema número ne'e sa'e, para alergía ida? Gosta halo sasán que la loos.

Imi-nia tempo economia mate, IX Governo economia mate, mas ne'e sa'e, número ne'e sa'e. Ne'e tanbasá? Ne'e tanba aproveita atu hetan doit metan.

Presidente continua hadi'a de'it mak nia liras oinsá atu semo, encontro semanal Presidente da República ho Primeiro-Ministro la funciona, encontro ne'e oinsá atu *membahas* de'it kona-ba *producer film* nian atu halo *drama* cada semana.

Orçamento Geral do Estado seidak tama, Presidente ida bá declara ona atu veta. Veta saida nian? Para gosta halo de'it *drama serial*, *drama berseri*. Ne'e mak ukun-na'in sira-nia vontade agora ne'e, sira la hatene oinsá atu corrige nia Membro Governo sira, liuliu Primeiro-Ministro, gosta halo de'it mak *drama*. Saúde la di'ak, educação la di'ak, função pública, estraga hotu, buat hotu aat, mas gosta halo de'it mak *drama*, hodi ema bá *nonton*. Taka estrada pública, ema moras, ambulância atu liu mai mós la di'ak ida, tanba sira bá halo tiha *drama*, ema *nonton*, hodi taka tiha estrada pública. Devia ukun-na'in sira labele halo buat ida-ne'e.

Ikusliu, Sr.<sup>a</sup> Presidente do Parlamento Nacional, Lei Protocolo Estado budu hela iha-ne'e ka lori ona bá Presidente da República? Ha'u hakarak hetan resposta.

Sr.<sup>a</sup> Presidente Comissão B, favor corrige Ita-Boot nia an, ha'u la hein horas tolu iha Comissão B para hein de'it Presidente do Parlamento Nacional ida. Ha'u maka iha Bancada do Governo, ita iha problema, tanba ami la'ós bibi-atan hein iha-ne'ebá para Presidente do Parlamento nem justifica buat ruma. Ita Deputado hotu, iha Parlamento ne'e maka hatete de'it ida Presidente, ida Presidente da Comissão, ect, mas ita Deputado hanesan hotu. La iha, tem que fó razão, justifica razão! La'ós ami iha-ne'ebá hanesan fali *anak buah*, ha'u la sai *anak buah* ba ema ida. Favor ida, Presidente, corrige ita-nia an bá! Mas, se ha'u maka iha bancada Governo maka ha'u hein to'o oras hanesan ne'e, dala ruma ita iha problema.

Obrigado.

Sr.<sup>a</sup> **Presidente:** — Tanba ataca ha'u, ha'u tem que responde.

Comissão B, bá lê regimento! *Aturan* iha-ne'ebé Ita-Boot convida Presidente do Parlamento bá audiência ho Ita-Boot? Ne'e história duni, lê didi'ak regimento ida-ne'ebé. Ou Ita-Boot nia pessoal técnico mak fó apoio ida-ne'e pelo contrário, ne'e ka?

Ha'u hanoin, ita lalika hanorin malu. Ha'u respeita tanba...

Sr. Deputado Deputado Florentino Ximenes husu, liuhusi gesto, atu intervém.

... ha'u sei la fó Ita-Boot ko'alia tanba arbiru de'it, ne'e ka? Lei Protocolo do Estado tinan ruanulu-resin ita la iha, ansi saida? Iha erros barak iha-ne'ebá. Ha'u prepara ona documentação, ha'u sei ko'alia ho Comissão B e ha'u explica problema, tá bem? Ne'ebe ha'u la fó Ita-Boot ko'alia. Trata ha'u iha-ne'e, loos, ita hotu Deputado, mas uma vez Presidente é Presidente do Parlamento, tá bem? Ne'e tem que claro! Leia o Regimento, leia a Constituição para ita labele mangame! Tá bem? Debate ho ha'u de'it liga ho assunto sira-ne'e. De seguida...

**Sr. Florentino Ximenes da Costa «Sinarai» (FRETILIN):** — Ponto de ordem.

**Sr.ª Presidente:** — ... Ha'u la fó ponto de ordem bá Ita-Boot.

**Sr. Florentino Ximenes da Costa «Sinarai» (FRETILIN):** — Direito, Presidente.

**Sr.ª Presidente:** — Direito, mas fecha.

Deputado Patrocínio.

**Sr. Patrocínio Fernandes dos Reis (CNRT):** — Obrigado, Sr.ª Presidente.

Bom dia bá Sr.ª Presidente, componente da Mesa, Srs. distintas e distintos Deputados, Sr.ª Secretária de Estado da Igualdade, público tomak.

Ha'u la iha assunto ruma, mas ha'u hakarak halo de'it comentário uitoan ba declaração política sira husi partido tolu ne'ebé viabiliza malu iha VIII Governo viabilizado.

Declaração política sira apresenta factos barabarak, apresenta progresso barak iha governação nia laran tinan barak. Ita hotu iha hela Timor, Timor klo'ot, ita la'o hale'u hela iha Timor laran ita la hetan nem obra ida mak Governo viabilizado rai hela nu'udar herança governação nian mai iha Timor-Leste ohin loran.

Ohin mós ita ko'alia barak loos kona-ba dados, sira apresenta. Se rihun ba rihun, empresário sira-ne'e, ita bele resolve sira-nia problema, ita conta ho sira-nia famílias, conta hotu-hotu ema hira e sei la consegue julga partido tolu kedas iha eleição parlamentar liubá, hodi la bele consegue ukun, ida-ne'e de'it mak factos, hatudu katak ita-nia incapacidade, e povo mak julga ita. Ohin loran IX Governo Constitucional tenta hela, esforça atu buka resolve.

Ohin Ita-Boot sira rasik mak apresenta mós katak haree hela lacuna balu balu iha decreto no decreto sira-ne'ebé la fó-dalan atu processo desenvolvimento ne'e no projeto sira bele acelera, no buat hirak ne'e hotu, baseia ba ne'e mak Primeiro-Ministro IX Governo Constitucional nian hateten katak ita precisa tinan ida nia laran kedas atu hadi'a sasán sira ne'ebé iha VIII Governo viabilizado ne'e, que halo la fó-dalan para processo ne'e bele la'o, tanba ne'e mak hahú iha 2025.

Ohin mós ko'alia kona-ba fahe osan ba malu ho buat sira ne'e hotu, ha'u hanoin, exemplo barak, dados sira-ne'e ami bele confronta ho ami-nia declaração política sira tuirmai atu responde.

Mas, ha'u atu fó de'it exemplo ida para depois ita bele hanoin. Iha semana hirak liubá, karik ita rona declaração Ministro das Obras Públicas ninian liga ho ponte ida iha sa'e bá Kasnafar ne'ebá ne'e, iha VIII Governo viabilizado contrato ho *BoQ* quase 9 milhões, ne'e ka? E depois, IX Governo bá haree didi'ak, verifica no consegue bele hamenos custo ne'e husi 9 milhoes tun ba três e tal milhões. Ne'e hatudu saida? Hatudu capacidade IX Governo ninian atu haree didi'ak, halo gestão ba orçamento Estado ninian, povo ninian, hodi la gasta arbiru, fahe ba malu arbiru, buat sira-ne'e hotu. Ne'ebe, ita hotu iha-ne'e hela, sei tinan haat kedas, bá povo tomak, husi bancada Governo husu, independentemente husi processo hirak ne'ebé la'o daudauk, dificuldade sira ne'ebé ita hasoru, IX Governo fiar an nafatin katak sei neineik-neineik uitoan resolve, fó solução ba problemas tuir compromisso IX Governo ninian.

Partido rua ne'ebé kaer ukun halo sira-nia compromisso eleitoral sei la'o e ita hein tempo ne'e sei to'o mai povo sei julga ita hotu. Ne'ebe, dados sira-ne'e hotu ita hein relatório Câmara de Contas mai kona-ba Cesta Básica karik, kona-ba recuperação económica karik, kona-ba sira-ne'e, ita hotu-hotu haree atu justifica ida-ne'ebé. Tanba ita, bainhira bá kaer ukun, laho legitimidade povo nian tanba ita buka corta dalan atu resolve problema, no fim ita nunca rai herança ida nu'udar herança governação nian ba desenvolvimento iha ita-nia Rain.

Obrigado.

Sr.<sup>a</sup> **Presidente**: — Distintos Deputados, iha pedido ponto de ordem, mas ha'u husik bá ikus tanba sei iha 10 Deputados que devem fazer intervenção, está bem? Ne'ebe, ha'u husik bá ikus.

De seguida, o Sr. Deputado Antoninho Doutel Sarmiento.

Sr. **Antoninho Doutel Sarmiento** (FRETILIN): — Obrigado ba tempo.

Ha'u-nia respeito bá Ex.<sup>a</sup> Presidente Parlamento Nacional, componente da Mesa, Sr.<sup>a</sup> Secretária de Estado da Igualdade, caros colegas Deputados e Deputadas, técnicos, mídia, povo Maubere e Buibere, bom dia bá ita hotu.

Ha'u hanoin atu reforça declaração hirak ne'ebé ha'u-nia bancada apresenta, hodi foti factos real balu ne'ebé acontece iha posto saúde sira.

Iha Alas ita la iha ai-moruk, iha Alas Vila Antigo, até profissional sira mós dala ruma lakohi atu bá. Iha Fatuberliu hanesan mós, e até ita-nia paciente sira, quando bá iha hospital, ita-nia enfermeira sira tem que fó de'it ai-moruk paracetamol musan rua, musan rua! Dehan katak la bele fó liu tanba ai-moruk la to'o. Ida-ne'e mak problema.

Problema seluk, iha fiscalização ida semana kotuk iha Suai mós ita-nia professional sira ne'ebé assina contrato hodi hala'o sira-nia knaar, serbisu fulan tolu ona maibé sira la simu salário to'o ohin loron. Ha'u hein katak Ministro bele haree assunto ida-ne'e, tanba saida? Problema sira-ne'e hotu mak dala barak halo ema lakohi serbisu fali iha centro ka posto de saúde sira-ne'ebé determina tiha ona ba,

Assunto sira seluk, social ninian, ha'u husu Ministra da Saúde atu tau atenção bá nia ema sira ne'ebé serbisu iha município sira atu tau-matan bá ema ho deficiência sira iha kraik.

Ha'u foin visita iha aldeia ida naran Susurai, Suco Betano, deficiente ida iha-ne'ebá la iha cadeira roda, no buat hirak ne'e hotu, naran Orlando da Costa Sarmento. Ne'e ida iha Betano.

Tuirfali, iha Suco Babulu, iha Same mós, ema que moras todan depois la iha apoio social sira ne'ebé atu liga bá iha kraik. Tanba ne'e mak husu Ministra atu tau-matan bá sira-ne'e, no mós tau-matan bá ema sira-ne'ebé vulnerável tebes atu hetan apoio hirak ne'e. Hanesan semana kotuk ha'u hateten ona, Ministra tama sai suco iha Ataúro, bainhira mak Ministra atu tama sia fali iha fatin sira seluseluk ne'e?

Segundo, atu liga uitoan ho declaração sira-ne'ebé colega Deputado sira hateten, katak «crédito suave ida-ne'ebé caro tebes no nia critério todan, tanba ne'e mak dala ruma ema la acesso», ha'u hanoin katak Governo, quando atu halo buat ida, tem que mai ho critério duni para, se ema la bele acesso, osan sei filafali bá cofre de Estado.

Ita hakarak ida-ne'ebé, estabelece sasán ida fó de'it sem critério? Hanesan ha'u sei lembra, osan 70 milhoões iha Pacote Referendo 2009, osan ida-ne'e fahe bá companhia sira de'it.

Ha'u lembra, iha Same, ponte sira sobu iha Fatuberliu soe de'it, depois la harii. Harii hela centro terminal sira depois la usa, mercado balu la usa, soe de'it. Ha'u precisa ministro sira bele fó relatório ida kona-ba dados sira-ne'e mós.

Liga uitoan ho ohin balu dehan «corta dalan», buat sira-ne'e hotu, desde que povo ne'e fó nia votos ba partido sira ukun, tem que to'o tinan lima. Se ita sobu malu iha dalan klaran de'it, ita atu exige fali saida tan? Ita tem que honesto bá povo ida-ne'e, se povo ne'e fó nia votos ba ita tinan lima, tem que ukun to'o tinan lima, ne'e para ita labele sobu malu, para povo ne'e hateten katak «ha'u assume responsabilidade ne'e», ha'u nia votos ba tinan lima para Governo tem que halo buat ida. Se mai iha Parlamento, Deputado sira sobu malu, ita atu halo saida tan? Povo precisa desenvolvimento iha kraik, ida-ne'e mak ita precisa. Tanba ne'e mak, ha'u hanoin, ida-ne'e ita mós tem que consciente, ida-ne'e maka ita tem que hatene, tanba la iha ema ida mak fó nia votos bá ita para depois ita habosok malu de'it atu eleição ba beibeik iha kraik. Ita tem que lori desenvolvimento bá kraik, ita tem que preocupa ho saida mak ita tem que halo iha-ne'e.

Tanba ne'e ami-nia posição mak ne'e, e declaração sira ne'e válido, atu husu Governo nia responsabilidade para ita bele hateke bá povo ne'e. Se povo ne'e tem que bá mate fali iha Hospital, ne'e labele! Se povo ne'e bá tem que simu fali receitas, atu bá fali sosa ai-moruk, ita contra

Constituição. Constituição hateten katak povo labele simu receitas ida husi Doutor atu bá fali *apotik* ida atu sosa fali ai-moruk iha-ne'ebá. Bainhira sira simu ida-ne'e, sira la iha osan, sira atu bá ne'ebé? Tanba ne'e mak ita tem que haka'as an bá.

Husu bá Ministra Saúde, nia dehan: «Serbisu nonook para resultado ne'e mak orsida barulho». Mas, ha'u hanoin, barulho ne'e mak sai fali problema barabarak iha kraik.

Buka atu hadi'a an bá! Forma estratégia saida mak di'ak liu para atu ita labele bá kraik atu rona beibeik la iha ai-moruk no la iha buat sira-ne'e hotu.

Obrigado.

Sr.<sup>a</sup> **Presidente**: — De seguida, Sr.<sup>a</sup> Deputada Carminda Carlota.

Sr.<sup>a</sup> **Carminda Carlota** (CNRT): — Obrigada, Sr.<sup>a</sup> Presidente.

Bom dia, Presidente, componente da Mesa, distintas e distintos Deputada no Deputado sira hotu, Sr.<sup>a</sup> Secretária de Estado da Igualdade, mídia, técnico no povo doben mak ha'u hadomi.

Iha dadeer ida-ne'e, Sr.<sup>a</sup> Secretária de Estado, ha'u atu ko'alia uitoan kona-ba BTL ne'ebé, la sala, monta ona contador bee iha área hanesan Fomento no Delta III. Plano ida-ne'e di'ak tebetebes atu nune'e comunidade sira bele fó contribuição liuhusi receitas ne'ebé iha, hodi contribui ba Estado baseia ba utilização bee ne'ebé sira usa ba sira-nia necessidade loroloron nian.

Mesmo nune'e, problema mak contador ne'e BTL monta ona iha cada uma-kain, to'ó agora la funciona ho di'ak. La iha razão ne'ebé clara to'ó ohin loron tanbasá mak contador sira-ne'e seidauk funciona. Tanba ne'e mak, hanesan representaste povo, ami husu bá Sr.<sup>a</sup> Secretária de Estado bele hato'o bá iha BTL tanbasá mak contador sira-ne'e to'ó agora la funciona.

Segundo, ha'u mós ko'alia uitoan kona-ba estrada iha Posto Lolotoe tanba estrada iha Julo sai hanesan preocupação boot tebes ba comunidade sira iha Suco Opa, Deudet, Lupal no Guda. Comunidade sira iha-ne'ebá susar tebes atu hetan acesso ba mobiliza rai-henek no mós material sira seluk hodi bá iha suco haat ne'ebá tanba sira mós halo hela projeto PNDS.

Atu dehan mós katak estrada Julo, bainhira seidauk hetan reabilitação ka normalização, ami husu ba IGE atu buka maneiras temporariamente hodi labele prejudica ita-nia povo sira iha Lolotoe. Problema ne'e sério no precisa hetan atenção urgente husi parte Governo, liuliu IGE, hodi bele ajuda resolve.

Ha'u mós hatene katak agora daudauk ne'e husi parte IGE nia equipamentos destacado ona iha Julo, no, hanesan representante povo nian, hakarak fó-hanoin nafatin bá Governo no sempre fó nafatin ha'u-nia apoio bá Governo hodi buka solução ba problema ne'ebé ita-nia comunidade sira enfrenta iha base.

Ha'u mós hakarak fó-hanoin bá Ministro das Obras Públicas, liuliu IGE, hodi halo dalam alternativo ida tanba condição estrado iha Julo susar tebes atu halo manutenção no normalização.

Hakarak mós sugere nafatin bá IGE hodi nafatin coordena ho ita-nia Administrador Posto Lolotoe, hodi nune'e bele halo lailais serbisu ida-ne'e ho di'ak, hodi nune'e ita-nia povo sira iha suku hitu nia atividade bá desenvolvimento posto nian no mós atividade economia povo nian la'ó ho di'ak filafali.

Ikusliu, ha'u atu ko'alia uitoan kona-ba ita-nia Deputado sira ohin balu ko'alia kona-ba projeto, dehan «Governo ida-ne'e fó de'it ba ninia ema partido hodi selu tusan», ha'u atu hateten de'it katak ita lalika karik rai-rahun ba iha povo.

Antes mai iha Parlamento ida-ne'e, ha'u, hanesan empresária timoroan ida, atu dehan katak sai vítima VIII Governo nian iha momento ne'ebá. Tinan tolu nia laran imi dehan atu desenvolve empresário timoroan, ne'e bosok de'it. Imi ko'alia iha Parlamento imi-niaibun mak boot, maibé na realidade ne'e lae ida. Tanba momento ne'ebá hanesan empresária husi partido seluk, ami hatama aminia *profile* iha imi-nia Cesta Básica ida segunda no terça gava iha Parlamento ida-ne'e, ami hatama bá SECOOP (Secretaria de Estado da Cooperativa), hatama bá Comércio, ha'u mak sai vítima iha momento ne'ebá. Bá iha-ne'ebá imi dehan: «Ne'e lalika, tanba ne'e Partido CNRT nia ema», imi tau iha lixo de'it. Ne'ebe, imi lalika bosokteen dehan, «Governo ida-ne'e fahe projeto bá nia ema partido de'it», tanba ha'u fiar katak Governo ne'ebé lidera husi PD ho CNRT, lidera husi Maun Boot Xanana, sei la halo hanesan saida mak imi halo, Maun Boot Xanana sei hakuak empresário timoroan tomak atu desenvolve rai ida-ne'e. Ha'u fiar katak Maun Boot Xanana sei la halo hanesan saida mak Ita-Boot sira halo, ne'ebe lalika mai bosok iha-ne'e, lalika kari rai-rahun bá povo. Governo ida-ne'e sei la halo buat saida mak Ita-Boot sira halo, hanesan uluk Ita-Boot sira halo mai ami.

Obrigada, Presidente.

*Mosu protesto husi Deputado balu husi bancada oposição hasoru declaração ne'e, maibé Deputada interveniente mós halo ninia autodefesa.*

Sr.<sup>a</sup> **Presidente**: — Calma, Sr. Deputado sira.

De seguida, Sr. Deputado Dário Madeira.

Sr. **Dário Madeira** (FRETILIN): — Di'ak, obrigado ba tempo.

Iha-ne'e ha'u ko'alia direta de'it tanba respeita malu dala barak ona, ita hakilar malu nafatin.

Di'ak, ba dala uluk ha'u fó ha'u-nia apreciação ba declaração Bancada FRETILIN nian liga bá saúde nian e, Deputado sira 65, ita iha Parlamento ne'e lalika nega realidade ne'ebé daudauk ne'e

acontece hela, katak ai-moruk la iha, facilidade iha hospital la iha, tratamento enfermeiro ou doutor sira bá paciente sira mós ladún di'ak. Ita tem que reconhece ida-ne'e.

Dala barak ita fó sala bá doutor no enfermeiro sira-nia tratamento ne'e ladún di'ak, ladún di'ak ne'e acontece tanba ai-moruk mak la iha, ita tem que reconhece ida-ne'e.

Ha'u ko'alia iha-ne'e ha'u ko'alia facto ida. Dia 19 liubá, alin ki'ikoan ida bá iha hospital ne'e, bá baixa iha-ne'ebá iha dia 18 kalan, dadeer-saan alin oan ne'e sei ko'alia di'ak hela, até doutor atu mai sona de'it mós nia dehan, «labele sona ha'u lai». Labarik ne'e hatene no ko'alia hela ida-ne'e. Mas, doutor obriga nia an bá sona, sona iha momento ne'e labarik ne'e mate. Ne'e mal *praktek*.

Ita haree ida-ne'e ita trauma, ita trauma! Ita trauma tanba saida? Ema profissional sira iha-ne'ebá ne'e ita muda sai hotu tiha ona, ema sira ne'ebé iha experiêncía ita muda hotu tiha ona, nia la iha fatin, ida bá iha-ne'ebá ne'e bá halo *praktek* foun fali, bá aprende buat foun fali. Até iha Sala de Emergência ne'e labarik sira estagiário mak nakonu hotu, be ida funcionário sira bá tiha ne'ebé? Atendimento la di'ak, iha hospital ne'e.

Ida-ne'e ha'u ko'alia realidade, ha'u la inventa.

Segundo, ha'u hakarak ko'alia kona-ba estrada, ha'u la ko'alia projeto. Ohin ko'alia simu malu tan projeto karik agora ha'u ko'alia kona-ba estrada de'it.

Estrada ida-ne'ebé husi Viqueque Vila mai to'o iha Mota Dilor ne'e grave tebetebes, ema la bele liu. Pior liután, iha 2023 liubá Sr. Ministro das Obras Públicas haruka companhia ida bá sobu tiha ona ponte ida iha Welolo, agora sobu tiha ona nem iha estrada alternativa ida.

Dala barak Deputado CNRT sira ko'alia buat ne'e, tanba ami bá fiscaliza, ami bá haree realidade sira hanesan ne'e acontece iha-ne'ebá.

Foin daudaun udan boot ne'e mota mai, rai-henek taka tomak hotu, até uma balu no quiosque sira ne'ebé loke iha estrada ibun sira-ne'e rai-henek taka, hela kakuluk de'it mak sai to'o agora e seidauk halo normalização ida. Agora ha'u husu ne'e bá halo uluk normalização para ema bele liu bá mai. Ha'u fiar IX Governo sei la bele halo hotu ida-ne'e iha tempo ne'ebé badak, sei la bele halo.

Agora, estrada ida husi Viqueque bá to'o iha Lacluta ne'e mós hanesan, ponte kotu mós la iha normalização, depois mak ha'u-nia colega Deputado iha-ne'e dehan, «IX Governo, quando ukun ne'e Viqueque nia mudança la'o daudauk ona, no FRETILIN atu rahun», ne'e bosok. Estrada ida husi Viqueque Vila bá Uatulári ho Uatucarbau ne'e hahú husi Viqueque Vila sa'e bá ne'e de'it mós sai samfradu hotu tiha ona, la di'ak hotu ona. Agora, saida mak di'ak liu iha Viqueque para ita bele gava an iha-ne'e dehan Viqueque di'ak ona?

Di'ak sira iha-ne'ebá ne'e pelo menos ha'u bele hatudu ninia resultado balu: monumento ida iha-ne'ebá hanesan identidade cidade Viqueque nian ne'e halo iha VIII Governo, administração município muro começa hale'u ne'e resultado VIII Governo nian, residência administrador município agora ne'ebé la'o daudauk ne'e resultado VIII Governo nian, loke estrada alternativo ida iha-ne'ebá

ba futuro Cidade Viqueque nian mós VIII Governo mak loke, e, IX Governo loke saida mak ita começa gaba an arbiru de'it?

Ikusliu, iha fatin ne'e mós ha'u husu bá IX Governo, ha'u concorda tebes ho hapara projeto boboot sira barabarak, tem que halo uluk lai auditoria, depois mak bele continua filafali projeto sira-ne'e tomak. Tanba ne'e iha fatin ne'e, ha'u, hanesan Viqueque oan, hanesan mós vítima ona ba projeto Refinaria Beasu ne'ebé muda filafali bá Natarbora, husu bá IX Governo tem que, ho fuan boot no barani, halo uluk lai auditoria, depois muda tanba investe osan barak ba estudo viabilidade, resultado agora mout bá iha-ne'ebé. Momento ne'e resultado hatudu de'it Viqueque, liuliu Beasu ne'e, viável para bele loke refinaria iha-ne'ebá. Então, VIII Governo continua filafali ninia processo ne'e atu halo indemnização ba comunidade iha Beasu para muda sai, resultado agora iha-ne'ebé? Gasta osan hira ona? Ne'e tem que apresenta resultado mai!

Ida seluk, Suco Maluru ne'ebé iha Beasu ne'e lakon durante 2016 mai to'o 2019, sira lakon direito ba projeto PNDS tanba dehan sira muda sai ba Novo Beasu, depois mak bele hetan PNDS, ne'ebe agora oinsá, IX Governo ninian bele recupera sira-nia orçamento ne'e tomak ka lae? Para sira bele halo filafali plano PNDS ba Suco Maluru ne'e.

Obrigado barak.

Sr.<sup>a</sup> **Presidente:** — Muito obrigada.

De seguida, Sr. Deputado Manuel Noronha.

Sr. **Manuel Henrique Noronha** (PD): — Obrigado ba oportunidade ne'ebé fó bá ha'u.

Ha'u-nia respeito bá Lou Presidente Parlamento Nacional, bá composição da Mesa, bá Lou no Na'i distinto Deputado sira hotu, bá Sr. Vice-Ministro dos Assuntos Parlamentares ne'ebé representa husi Secretária de Estado da Igualdade, – bem-vinda bá Senhora – média no bá povo rona-na'in sira hotu, bom dia.

Ha'u iha-ne'e atu hato'o de'it preocupação husi comunidade Município Manufahi, Posto Administrativo Same, kona-ba consumo bee moos ne'ebé responsabiliza husi Autoridade BTL, E.P., ne'ebé daudauk ne'e implementa ona selu taxa husi consumidor sira.

Público preocupa katak processo selu taxa ne'e rasik la efetivo no sei la hatudu transparência iha terreno tanba consumidor sira selu direta bá equipa ou *staff* BTL, E.P. nian no husu bá autoridade BTL, E.P. halo mudança ba pagamento, di'ak liu direta bá iha edifício BTL, E.P. iha cada município ou di'ak liu sugere atu processo hotu tem que selu iha banco hodi garante efetividade no transparência tanba selu taxa ne'e rasik sei contribui ba receita Estado nian hodi contribui ba desenvolvimento iha Timor-Leste.



Taxa ho total 3 USD refere la justo no injustiça ba comunidade baibain ho empresa, loja, restaurante, liuliu companhia ne'ebé usa bee hodi fase carreta no motor tanba sira ne'ebé menciona iha leten utiliza bee barak liu do que povo baibain.

Ho ida-ne'e, hanesan ibun no lian husi povo iha Uma-Fukun ida-ne'e, husu bá autoridade BTL, E.P. di'ak liu monta *meteran* atu nune'e selu taxa baseia ba utilização bee ne'e rasik.

Obrigado.

Sr.<sup>a</sup> **Presidente**: — De seguida, Sr. Marcos Xavier.

Sr. **Marcos Xavier** (CNRT): — Obrigado ba oportunidade.

Bom dia bá Mesa, bá Sr.<sup>a</sup> Secretária de Estado da Igualdade, bá distinto no distinta Deputado sira hotu no mós bá povo rona-na'in sira hotu.

Iha declaração husi PLP nian questiona kona-ba projeto ne'ebé IX Governo foti fó direta, iha fatin ida-ne'e ha'u hakarak esclarece bá povo hotu tem que hatene. Sim, uluk ema bolu dehan projeto ida naran 143, iha VIII Governo mosu tan projeto ida naran P28, iha projeto ida mosu tan, P62, ne'e iha VIII Governo.

Iha IX Governo mai atu haree no verifica didi'ak obra sira-ne'e, sim, foin daudauk Governo fó-sai ona resolução ida kona-ba projeto sira ne'ebé pendente, mosu iha-ne'ebá iha 62 projetos. 62 projetos ne'e inclui projeto ida P28, ne'e iha VIII Governo ninian, ne'ebé na altura Ministro das Obras Públicas, Sr. Salvador Pires, ikusmai Sr. Abel. Maibé, na altura iha mós Comissão Inquérito e inclui Parlamento ho mós Obras Públicas, ADN no Inspeção Geral, ami tun bá iha terreno hodi verifica obra sira-ne'e, sim, projeto sira-ne'e ema halo duni, maibé projeto sira-ne'e balu mai husi 2017, balu mai husi 2019, 2020 no 2023. Iha 2022, mosu VIII Governo ne'e iha 430 projetos, maibé na altura iha «tenderização» ne'e 82 projetos mak la'o normal tuir «tenderização», iha 230 projetos ne'e fahe de'it. Ha'u la hatene.

Ne'ebe, ha'u hanoin, Governo ida tun Governo ida sa'e tem que iha continuação, maibé erro ne'ebé Governo anterior halo, mai Governo foun labele repete tan.

Sim, Ita-Boot sira ko'alia ne'e mós iha razão, maibé ita labele dun matak-matak de'it ba IX Governo, dehan «halo buat sira-ne'e la di'ak».

Ha'u fó exemplo de'it, ohin Deputado Patrocínio mós questiona ponte ida sa'e bá Mota-Ulun ne'e. Iha VIII Governo orçamento ne'e sa'e nove milhões e tal, então iha IX Governo reduz ba 3,6 milhões, ne'e hatudu katak IX Governo tem que haree buat ne'e didi'ak tuir ninia legalidade ne'ebé iha.

Iha ida tan, mak estrada ida iha Município Bobonaro, valor contrato ne'e 21 milhões ita halo de'it dalan ne'e ho 4,5 km, ne'e osan povo nian ka lae? Ida-ne'e IX Governo reverifica fali dados sira-

ne'e, BoQ sira-ne'e, então sa'e ba 28 quilometro ho osan vinte e um milhões e tal. Ne'e ita poupa osan ka lae?

Ha'u hanoin, declaração sira-ne'e iha fatin, maibé odamatan mak la iha. Loos, ita sai oposição sempre questiona buat ne'ebé la di'ak, maibé, se buat ne'ebé di'ak ita continua, buat ne'ebé aat ita hadi'a! La'ós ita soe.

Ikusliu, ha'u mós hakarak husu bá Sr. Ministro das Obras Públicas atubele acelera projeto sira ne'ebé iha Díli laran, liuliu iha Aimutin. Projeto ida-ne'e, às vezes, loron ida halo no loron ida la halo, ha'u la hatene técnico ADN ho Obras Públicas acompanha ka lae. Selae, obra ne'e ita tau dehan emergência, mas obra ne'e la'o ho baibain hela de'it.

Husu bá Sr. Ministro das Obras Públicas mós atu obra sira ne'ebé iha tem que tau mós quadro de aviso para comunidade sira bele hatene osan hira ka valor hira mak tau atu halo estrada ka troço ida-ne'e, selae ita bá iha fatin hotu la iha quadro de aviso, ida-ne'e comunidade sira atu acompanha oinsá.

Ha'u hanoin, ha'u-nia intervenção mak ne'e de'it.

Obrigado, Presidente.

Sr.<sup>a</sup> **Presidente:** — Obrigada.

Distintos Deputados, ita sei iha cinco Deputados, se permite, ita halo hotu tiha cinco Deputados ne'e mak ita bá *break*.

De seguida, Sr. Deputado António Calau.

Sr. **António Moniz Calau** (FRETILIN): — Obrigado ba oportunidade.

Ha'u-nia respeito bá Sr.<sup>a</sup> Presidente do Parlamento Nacional no composição da Mesa, bá representante do Governo ne'ebé representa Vice-Ministro dos Assuntos Parlamentares, bá distintos no distintas Deputadas hotu no bá povo Maubere, rona-na'in sira hotu, bom dia.

Primeiro lugar, ha'u hakarak secunda declaração política Bancada FRETILIN ninian kona-ba preocupação hanesan partido oposição, liuliu liga bá assunto saúde nian.

Segunda no terça, Bancada FRETILIN, inclui bancada oposição sira seluk, sempre questiona assunto saúde e, dala ruma, ita-nia maluk Deputado sira husi Bancada Governo la simu ita-nia declaração sira-ne'e. Maibé, bele justifica ona katak área saúde ne'e colapso duni, ne'ebe Presidente da República mós preocupa katak saúde todan, e, instituição independente sira hanesan PDHJ mós preocupa. Tanba ne'e, ami nafatin fó-hanoin bá IX Governo atu tau atenção máxima ba área saúde atu nune'e bele halo tratamento ida digno, ho di'ak, bá ita-nia cidadão sira.

Segundo, ha'u bolu fali ita hotu atu fila bá processo evicção, iha tempo badak Suco Kampung Alor sei hasoru mós evicção, liuliu sei afeta ita-nia comunidade sira 66 chefe de família e 206

habitantes ne'ebé sei sofre iha tempo badak. Sira simu ona carta notificação husi Terras e Propriedades iha dia 4 de junho katak to'o dia 10 de julho sira tem que hamamuk fatin ne'e, e comunidade sira preocupa tanba la iha diálogo ida, la iha informação ida liuhosi autoridade comunitária sira, oinsá, wainhira sira sai husi fatin ne'e sira atu bá ne'ebé, e sira sai husi fatin ne'e, saida mak sira harii iha rai leten ne'e sira bele hetan sira-nia direito ruma ka lae.

E liga bá artigo 54.º iha ita-nia Constituição, alínea 3 hatete momoos iha ne'ebá katak «Requisição ka expropriação ba utilidade pública bele halo de'it ho indemnização justa, tuir lei», tanba ne'e, ami husu bá IX Governo Constitucional, liuhosi representante Vice-Ministro nian, atu hato'o, considera ita-nia povo sira-nia direito liga bá ita-nia Constituição ne'ebé ohin ha'u temi.

Tuirfali, preocupação ida-ne'ebé ami haree, ami nota no ami acompanha iha área fronteira, ita atu halo tratamento ba ita-nia mate sira ne'ebé mai husi Indonésia, ne'ebé sai husi Timor-Leste bá Indonésia, la iha fatin ida-ne'ebé digno hodi tau mate sira antes atu transposta bá Indonésia ou atu simu ita-nia mate sira mai husi Indonésia. Tanba ne'e, ami sugere bá IX Governo Constitucional atu harii mortuário ida-ne'ebé di'ak hodi trata ita-nia mate-isin sira. Wainhira ita simu ou wainhira sira simu iha fronteira, tau iha mortuário ho digno e labele simu ita-nia mate-isin sira ho carreta kidun se ba malu, depois foti caixão hatama bá carreta. Ida-ne'e ami haree hanesan ita la iha valorização bá ita-nia cidadão sira ne'ebé mate.

Ikusliu, preocupação ida mós husi ita-nia comunidade sira iha fronteira, katak ita preocupa tebetebes ho campo de trabalho ne'ebé iha. Maibé, loloos campo de trabalho ne'e iha, ita fó oportunidade bá transporte boboot sira-ne'ebé tama diretamente husi fronteira no acesso bá to'o Lospalos ou bá iha município sira seluk, tanbasá mak la cria condição armazém boot ida iha fronteira? Hanesan ne'e, transporte sira ne'ebé tula sasán husi Indonésia mai para iha fronteira e fó bá ita-nia transporte público sira atu continua tula sasán sira-ne'e hodi espalha iha ita-nia rai laran, e nune'e mós bele fó campo de trabalho bá ita-nia cidadão sira iha fronteira.

Ha'u hanoin, ida-ne'e mak preocupação ne'ebé ha'u levanta ohin loran.

Ba atenção, obrigado barak.

Sr.<sup>a</sup> **Presidente**: — De seguida, Sr.<sup>a</sup> Deputada Bendita Moniz Magno.

Sr.<sup>a</sup> **Bendita Moniz Magno** (CNRT): — Obrigada ba tempo.

Bom dia bá Presidente e componente da Mesa no mós distinto Deputado sira hotu, bá Ex.<sup>a</sup> Sr.<sup>a</sup> Secretária de Estado da Igualdade, ne'ebé mai representa Vice-Ministro dos Assuntos Parlamentares, bá maluk rona-na'in sira no povo tomak.

Primeiro, ha'u hakarak atu hato'o iha fatin ida-ne'e, ita hotu-hotu buka atu ko'alia buat ne'ebé loloos, no, buat ne'ebé la'ós atu ita ko'alia, ha'u sente, ita tem que iha ética uitoan atubele ko'alia iha fatin ida-ne'e.

Hanesan ohin maluk sira ko'alia kona-ba «Presidente da República halo drama», ida-ne'e ladún di'ak ba ita. Se ita la respeita sira, sé mak atu respeita? Ida-ne'e mak ha'u hakarak husu iha fatin ida-ne'e para ita hotu-hotu buka atubele respeita malu, liuliu ba ita-nia Maun Boot sira. Sira mós terus hotu ba rai ida-ne'e, ko'alia no temi buat ida «drama» ne'e, ba ha'u, ladún sente di'ak, porque ne'e la iha ética ida, liuliu ba ita foin-sa'e sira.

Segundo, ha'u hakarak hato'o iha fatin ida-ne'e, ohin declaração política Bancada PLP nian hatudu momoos kona-ba situação sira ne'ebé ita ultrapassa liubá, fahe projeto, ohin Deputado sira barak hatete ona, sem liuhusi processo aprovisionamento normal ka aprovisionamento nian. Ha'u hakarak hatete de'it katak Deputado sira foun ne'e mak la hatene, maibé ita iha-ne'e haree ho matan momoos, e ita hotu-hotu hatene hela no descobre, iha relatório CdC (Câmara de Constas) nian hatudu momoos fahe projeto ba malu desde sai ai-tonka ba malu. Hanesan ohin Deputado Vice-Presidente Bancada, Patrocínio, hato'o, haburas mós *broker* iha tinan lima nia laran, iha Cesta Básica, Fundo COVID-19, UKL, agora obriga para IX Governo hodi selu, hodi haree mós bá projeto ho lista naruk.

Ha'u mós concorda tebetebes ho Deputado Dário ohin hatete, katak «projeto sira-ne'e tem que tama mós ba investigação». Antes de haree bá projeto boot, tem que haree mós bá sira ne'ebé uluk kaer projeto boot ne'e, tem que tama iha investigação, ida-ne'e loos, ida-ne'e ha'u concorda tebetebes.

Ha'u hakarak husu filafali bá Deputado sira, liu-liu liga bá declaração husi Bancada PLP nian, se haree bá kotuk, ha'u hakarak husu de'it: ponte Becusse ida be sobu no halo urgência loos, depois la halo hotu, mota ne'e mós nakloke hela, la hatene sé mak atu tau filafali no atu harii fali ponte ida-ne'e, depois foti fali ponte ida husi Kamnasa mai tau filafali ba iha Becusse ne'e, ne'e iha tempo sé nian? Salvador la sobu, to'o Abel Pires sobu.

Ne'ebe, atu hatete IX Governo mak halo corrupção, ha'u hanoin, corrupção ne'e mosu baibain kedas ona. Ha'u la ko'alia kona-ba projeto, tanba ha'u ema ne'ebé la hatene kaer projeto, ne'ebe ha'u nunca hatene. Karik atu husu, husu filafali bá imi sira ne'ebé kaer projeto, *tender* ne'e tuir dalan ka lae? Ita-Boot sira kaer projeto sira-ne'e oinsá? Ne'ebe agora mai, labele dun malu! Ita dun malu fali ne'e? Ita dun malu fali dehan Governo ida uluk halo ninian mak di'ak, Governo ida agora ne'e, tinan ne'e seidauk halo buat ida, be projeto sira-ne'e sé mak kaer?

Agora fila husu fali bá ita Deputado sira, ita Deputado sira kaer projeto ka lae? Ha'u hakarak husu. Ha'u la kaer projeto, tanba ha'u la hatene projeto duni. Agora ha'u hakarak husu bá Deputado sira, Deputado sira tuur iha-ne'e balu kaer projeto ka lae? Iha ka lae? Labele dehan «Kaer projeto ne'e VIII Governo halo di'ak, IX Governo halo la di'ak», labele ko'alia hanesan ne'e!

Ita ko'alia momoos de'it, sé mak kaer projeto sira-ne'e tem que ko'alia buat ne'ebé loloos no momoos: halo to'o ona iha-ne'ebé? 100% ka lae? Hotu ka lae? Keta tama hela iha investigação hotu karik, ne'ebe tem que haree didi'ak.

Uluk CNRT ukun mós projeto ne'e sé mak kaer? Ne'ebe, ita tem que haree bá ida-ne'e, agora ne'e ita lalika dun malu, ita haree bá oin. Haree bá oin katak sé mak kaer projeto ne'e, haree bá buka atu hadi'a e buka atu reforça malu hodi projeto sira-ne'e halo hotu tiha bá, para ita-nia oin lalika bá mosu fali iha tribunal ne'ebá.

Obrigada barak.

Sr.<sup>a</sup> **Presidente**: — Muito obrigada.

De seguida, Sr. Deputado Joaquim dos Santos.

Sr. **Joaquim dos Santos «Boraluli»** (FRETILIN): — Obrigado, Presidente.

Bom dia bá povo Timor-Leste.

Uluknanain, ha'u atu secunda Deputado Armando nia declaração kona-ba chinesa sira iha Timor bá to'o iha aldeia loke quiosque. Ha'u hanoin, Deputado sira seluk mós haree, caso ne'e hahú husi IV Governo, Primeiro-Ministro mak Xanana, Ministro Turismo, Comércio e Indústria mak Francisco Calbuadi Lay, iha sira-nia tempo mak china sira bá to'o aldeia ne'ebá.

Iha tempo ne'ebá mai to'o iha VIII Governo ami hakilar, ha'u rasik ko'alia atu halo revisão ba decisão política sira ne'ebé liga ho china sira tama mai iha Timor halo investimento. Sira ema estrangeiro, como é que sira bele bá investe iha quiosque iha aldeia sira?

Sr. Deputado sira, falha ne'e mai husi decisão política ministério iha IV Governo ho V Governo nian, depois VI e VII Governo nian ita la consegue resolve problema ne'e.

Iha Lei Investimento Exterior ne'e ko'alia claro, estrangeiro sira tama mai iha Timor mai ho regras internas ne'ebé bele fó autorização sira atu investe ho valor boot, la'ós mai investe fali iha quiosque.

Ne'ebe, Deputado sira, ida-ne'e favoritismo político, ha'u hanoin, IX Governo tem que resolve ida-ne'e duni, retira decisões anteriores, halo reformulação ba política liga ho investimento estrangeiro. Tanba lei iha, ita la cumpre lei, Lei de Investimento Estrangeiro ne'e, favoritismo político mak maka'as, ne'ebe população sira hakilar ne'e iha razão, tanba sira-nia direito constitucional ne'ebé garante ne'e ema estrangeiro mai hadau hotu, ita-nia Governo nonook de'it, la foti decisão, ne'ebé la'ós hahú husi horisehik no horibainrua, desde IV e V Governo.

Segundo, ha'u secunda declaração Bancada FRETILIN nian, e ha'u sustenta uitoan kona-ba artigo 57.º Constituição, iha chave rua iha-ne'e:

Ponto primeiro ko'alia kona-ba «cidadão hotu-hotu iha direito atu hetan assistência husi Estado iha saúde», mas, ita-nia IX Governo la cumpre Constituição ida-ne'e. Quando ema hakilar ai-moruk la iha, significa ita-nia compromisso político, tuir Constituição, ita la cumpre.

Segundo, liga bá Serviço Nacional da Saúde, Sr. Deputado sira, quando ita halo declaração, hanoin dehan ita *sakit hati*, garantido iha Constituição, ita controla duni Governação ne'e para Governo ne'e fó duni benefício bá povo.

Serviço Nacional da Saúde la funciona di'ak no la normal, ema ne'ebé iha experiência, iha mérito, hapara tiha tau fali ema foun e serviço la'o la di'ak, campanha ba proteção de saúde la la'o.

Foin fulan hira bá kotuk Governo atu hasai tan 8 milhões husi Fundo de Contingência hodi sustenta tan ba saúde atu hola ai-moruk. Ne'e hatudu saida? Hatudu katak iha problema duni. Problema iha orçamento, executa ka la executa, hasai duni 8 milhões, la hatene executa ona ka seidauk, Parlamento tem que hatene.

Ne'ebe, ita-nia sistema Serviço Nacional de Saúde la funciona. La'ós la funciona 100%, funciona la normal. Exemplo sira-ne'ebé Deputado sira ohin foti husi hospital, quando ita ko'alia kona-ba saúde, la'ós ko'alia de'it kona-ba hospitais, saúde em termos público. Em termos indivíduo, ita ko'alia kona-ba hospitais, quando nia moras, nia bá hospital, mas em termos política de saúde, ne'e ba povo tomak, sociedade ne'e tomak.

Sistema ida-ne'e, Deputado sira husi bancada Governo justifica to'ok, funciona ka lae? Campanha ba saúde funciona ka lae? Campanha ba saúde primária funciona ka lae? Campanha ba saúde secundária no terciária funciona ka lae?

Durante ne'e ita ko'alia ai-moruk ai-moruk de'it, mas seluseluk ne'e? Ha'u fiar katak bancada Governo dehan funciona, apresenta to'ok provas mai!

Ita interpreta Constituição, artigo 57.º n.º 1 e n.º 2, n.º 1 dehan hanesan ne'e: cidadão hotu-hotu iha direito atu hetan proteção ba isin-di'ak, n.º 2 dehan hanesan ne'e: Governo garante serviço saúde nacional ida di'ak atu ema hotu-hotu hetan acesso bá moris-di'ak iha saúde. Garantia ida-ne'e iha ka lae?

Ha'u hein katak Deputado sira husi bancada Governo bele justifica provas atu ita bele aceita realidade, katak «Loos duni, Deputado sira oposição ko'alia ne'e falso».

Ha'u hein resposta.

Obrigado.

Sr.<sup>a</sup> **Presidente**: — De seguida, Sr.<sup>a</sup> Deputada Maria Gorumali Barreto.

Sr.<sup>a</sup> **Maria Gorumali Barreto** (CNRT): — Obrigada bá Sr.<sup>a</sup> Presidente.

Ha'u-nia bom dia e respeito bá Sr.<sup>a</sup> Presidente, bá caro distinto Deputado sira hotu, bá Sr.<sup>a</sup> Secretária Estado, – bem-vinda bá Ita-Boot, husik hela tinan hira e ohin mai fali tuur iha Parlamento – e ha'u-nia respeito mós bá audiências tomak, rona-na'in Rádio Parlamento Nacional.

E ha'u-nia declaração, ha'u hakarak atu dehan katak às vezes ita-nia colega oposição sira iha sorin dehan katak «ami, quando critica ou ko'alia bá Governo ne'e Deputado sira labele fó resposta, labele hatán», maibé, quando inventa mak maka'as, politiza mak maka'as, halo polémica iha público mak maka'as, ami iha dever atubele fó resposta, satán declaração política mak mai ho dados ida ne'ebé la loos.

Sr.<sup>a</sup> Presidente, Sr.<sup>a</sup> Secretária de Estado, ha'u hetan dados ne'ebé credível maihusi Hospital Nacional Guido Valadares, ha'u hakarak atu hato'o iha Plenário ida-ne'e e povo doben Timor-Leste, ita bele acompanha, katak ema sira-ne'ebé mate iha Hospital Nacional Guido Valadares, tuir dados ne'ebé iha, iha 19 ema na'in-rua, iha 20 de junho ema na'in-rua, 21 ema na'in-ida, 22 de junho ema na'in-neen, 23 ema na'in-ida, e ohin dadeer ema na'in-tolu. Sira mate tanba saida? Ita la precisa bá foti dados iha mídia social, depois ita mai levanta iha Parlamento, ita nunca husu tuir tanba saida maka sira mate. Será que tanba ai-moruk? Ou tanba equipamentos? Ou tanba médico sira, profissional saúde sira-nia atendimento?

Maluk sira, paciente mate ninia cronologia mak tun mai ne'e.

Sira mate tanba, bebé mate ona iha kabun laran mak mai iha hospital – ne'e iha dados ne'ebé mai husi 19 to'o 21, e depois, tuirfalimai, paciente mate tanba sofre HIV/SIDA ne'ebé grave ona. Iha mós paciente ne'ebé mate tanba *acute renal failure* ou provoca husi moras fuan, ne'e mak mate. Iha mós paciente ne'ebé mai to'o iha dalan mate, e paciente to'o iha hospital mate. Ne'e dados husi dia 19 to'o 21 junho nian.

Iha dia 22 de junho, mate ema na'in-neen, ne'ebe la'ós iha dia 23 mak mate ema-na'in neen, 22 mak mate ema na'in-neen.

Mate ema na'in-neen ne'e nia problema saida? Ne'e iha paciente ida ne'ebé mate tanba *pendarahan* otak maka'as, la bele salva. Iha mós paciente ne'ebé mate tanba lori mai hospital tarde, mate ona mak lori mai iha hospital. No mós iha paciente ne'ebé iha moras aten ho *estadium* avançado, mate. Iha mós bebé na'in-rua ne'ebé mate kedas iha kabun laran mak lori mai iha hospital nacional, refere mai iha Hospital Nacional Guido Valadares. Iha paciente ida mak sofre HIV/SIDA e moras complicado, la bele salva.

E mate sira-ne'e mate *di bawah empatpuluh delapan jam*, la'ós di atas *empatpuluh delapan jam*, ne'e tuir *teori* médico sira-nian. Ne'ebe, ba colega sira ne'ebé bá halo fiscalização hamutuk ho Comissão F, ko'alia katak ema mate ne'e tanba ai-moruk, doutor sira dehan hanesan ne'e: «ami halo esforço hotu ona, ami koko halo oiain maibé la bele salva duni tanba dehan mate menos husi 48 horas». Ne'e katak paciente ho condição ida ne'ebé grave, crónico ona mak lori mai iha hospital.

E ai-moruk ne'ebé ohin colega distinto Deputado sira ko'alia ne'e, sira cita kona-ba iha Suai, iha Suai ne'e ninia *stockout* ne'e 36%.

Ida ohin ha'u-nia colega Deputado Hélder ko'alia katak 50% ne'e, informação ne'e sala! Loos ne'e mak 51 item, mas ninia *stockout* 14%. Ne'e dados ne'ebé iha. Mas, antes ami bá fiscalização, ai-moruk tama tiha horissehik, maibé *sengaja* la hatama iha lista. Ne'e tanba saida? Ida-ne'e mós ita precisa atu hatene. Nu'usá mak ai-moruk bá tiha, la hatama iha lista, hein tanba de'it rona Comissão F atu bá halo fiscalização, abandona tiha rai hela tiha ai-moruk ne'e? E Deputado balu tama bá mak dehan: «Ne'e saida?», «Oh, ai-moruk, foin mak to'o mai horisehik», be tanbasá loron hirak nia laran, horas hirak nia laran, horisehik ninia ne'e la hatama iha lista ai-moruk ne'e? Ida-ne'e ita bele hatene ona jogada saida mak iha ne'ebá. E depois...

Sr.<sup>a</sup> **Presidente**: — Muito obrigada.

Sr.<sup>a</sup> **Maria Gorumali Barreto** (CNRT): —...ko'alia kona-ba iha...

Sr.<sup>a</sup> **Presidente**: — Muito obrigada, Sr.<sup>a</sup> Deputada.

Sr.<sup>a</sup> **Maria Gorumali Barreto** (CNRT): —...item ne'ebé iha – fó ha'u tempo uitoan, Sr.<sup>a</sup> Presidente – ko'alia kona-ba ai-moruk iha Ainaro, Ainaro ninia item hanesan, maibé ninia *stockout* item 33, 12,5%. Ne'ebe, Ita-Boot sira-nia declaração ne'e atu responde bá imi-nia declaração ida fulan hirak liubá dehan fulan-junho ne'e saúde colapso, imi halo *statement* ne'e halo colapso rasik tanba realidade la hanesan ne'e ida. Ne'ebe, Presidente RDTL bele justifica, mas Presidente RDTL ne'e fó-hanoin para profissional saúde sira, ema saúde sira, atu serviço maka'as hodi hadi'a ne'e. Se dehan katak Governo ida-ne'e la hadi'a...

Sr.<sup>a</sup> **Presidente**: — Muito obrigada, Sr.<sup>a</sup> Deputada.

Sr.<sup>a</sup> **Maria Gorumali Barreto** (CNRT): —...tanbasá mak iha VIII Governo la hadi'a kedas? Ha'u, iha tempo ne'ebá iha Comissão F, hatene, mate iha hospital ne'e ema na'in-noon, na'in-hitu, na'in-ualu, mas...

Sr.<sup>a</sup> **Presidente**: — Sr.<sup>a</sup> Deputada...,

Sr.<sup>a</sup> **Maria Gorumali Barreto** (CNRT): —...mas ami la foti, tanba saida? Ne'e realidade tanba...,



*Presidente hamate microfone Deputada Maria Gorumali nian*

Sr.<sup>a</sup> **Presidente**: — Desculpa, Sr.<sup>a</sup> Deputada, tempo liu ona. Ne'ebe bele reserva ba aban. Tá bem? *We still have...*

*Sr.<sup>a</sup> Deputada Maria Gorumali Barreto continua ko'alia sem uza microfone.*

Sr.<sup>a</sup> **Presidente**: — ... não! Sr.<sup>a</sup> Deputada, desculpa mas tempo hotu ona.

Hela ikusliu ba intervenção, Sr.<sup>a</sup> Deputada Cristina.

Sr.<sup>a</sup> **Cristina Yuri Rebelo dos Santos Costa (FRETILIN)**: — Bom dia, Sr.<sup>a</sup> Presidente, composição da Mesa, distintos Deputados no mós bá representante Governo.

Sr.<sup>a</sup> Presidente, desculpa, mas ha'u tem critica uitoan iha-ne'e, tanba quando to'o ami sira ne'ebé ko'alia, quando tempo hotu, Ita-Boot hamate kedas microfone husi leten, liuliu ha'u, ha'u dala barak. Mas ohin ha'u nota, husi ne'ebá tempo zero tiha ona, cinco minutos liu tiha ona, e liu tiha...

*Presidente hamate Deputada ne'e nia microfone.*

Sr.<sup>a</sup> **Presidente**: — Sr.<sup>a</sup> Deputada, ohin iha Deputado balu iha ne'e, ita haree hotu. Ita-Boot hakarak halo intervenção ou critica Mesa?

*Sr.<sup>a</sup> Deputada Cristina dehan, sem microfone, katak nia atu halo intervenção.*

Então diretamente ba Ita-Boot nia intervenção, *okay*?

Sr.<sup>a</sup> **Cristina Yuri Rebelo dos Santos Costa (FRETILIN)**: — Obrigada.

Pronto, atu ko'alia diretamente.

Sr.<sup>a</sup> Presidente e representante Governo, ami tem que ko'alia beibeik duni kona-ba assunto saúde. Saúde ne'e la'ós buat ida que ita ko'alia atu foca de'it fali bá ai-moruk, hanesan ha'u-nia maluk Deputada no Deputado sira ohin loron ko'alia no levanta beibeik, ai-moruk ne'e item ki'ikoan ida que ita ko'alia kona-ba assunto saúde, mas iha-ne'e ita ko'alia kona-ba serviços saúde pública que durante ida-ne'e la'o la di'ak duni, ema hotu lamenta no ida-ne'e acontece. A não ser ita sira-ne'e la iha ona laran, la iha ona matan hodi haree no acompanha, então ita dehan buat sira ne'ebé povo ne'e levanta hela ne'e la loos. Mas, ida-ne'e realidade, no tanbasá mak ita hotu iha-ne'e, nu'udar Deputados, iha responsabilidade maka'as atu levanta? Tanba ida-ne'e prega tiha ona iha Constituição, katak saúde ne'e nu'udar direito básico cidadão ida-idak nian. Ita sira tuur iha-ne'e iha hotu dever hanesan atu

ko'alia, hanesan ohin Deputada Bendita rasik dehan, – ha'u menciona nia naran – «buat ne'ebé la loos ita dehan la loos, buat ne'ebé loos ita tem que ser levanta», buat ne'ebé ita rona no haree, ita tem que ser hatudu. Tanbasá mak dala barak, quando oposição ko'alia, ita-nia hanoin ida-idak critica de'it, politizado de'it? Tanbasá mak ita-nia hanoin hanesan ne'e? Tanbasá mak ita la hanoin to'ok, foti to'ok buat sira ne'ebé loos ne'e ita haree to'ok bá oinsá hadi'a, tanba ita hotu iha-ne'e iha dever mós atu ajuda Governo ida-ne'e atu hadi'a sira-nia serviço, hodi serbí povo ne'e hodi di'ak liután bá oin.

Ita la'ós mai iha-ne'e atu ataca malu de'it, hanesan ohin. Ha'u haree, dala barak tiha ona, e ko'alia mai, la sala, fila bá fila mai ataca, bá filafali kotuk, mai filafali oin, será que povo hili ita mai tuur iha-ne'e atu ko'alia de'it hanesan ne'e? Ha'u acha que povo mós iha-ne'ebá triste, tanba nia assunto ida loloos ita la hodi mai, mas ita ho ita sira-ne'e mak normalmente halo ataque, ko'alia no sempre hateten hanesan ne'e.

Ha'u mós ohin hakarak atu dehan tan, katak ita-nia maluk Deputado balu ohin dehan, «VIII Governo halo la di'ak mak IX Governo ne'e resultado husi ida hahalok la di'ak, povo fó fiar ba ukun ida-ne'e», tanba ne'e mak, quando povo fó fiar, halo bá, hatudu bá, hatudu resultado ne'ebé di'ak ho desempenho ne'ebé di'ak! Para povo ne'e labele dehan «*salah pilih*», ou filafali mai hateten dehan: «hetok pior», ka «ida-ne'e labele!», tanba Ita-Boot sira haree tiha ona desempenho ne'ebé la di'ak, ho fiar-metin, liuhosi campanha manán, bá ukun, ukun ne'e halo didi'ak bá!

Mas, saida mak acontece? A não ser, ha'u dehan filafali, ita-nia matan la consegue haree, laran la consegue nakloke mak ita dehan buat hotu-hotu di'ak de'it. Tanba ne'e buat ne'ebé acontece iha passado la di'ak, agora iha tempo ida tinan lima bá oin ne'e hadi'a bá! Mas, infelizmente tinan ida-ne'e nia laran halo saida? Ida-ne'e mak ita questiona. Tinan ida-ne'e nia laran ita ko'alia, dehan «ita seidauk halo, ita sei hadi'a, ita sei hamoos», hamoos saida tan? Povo ne'e fó fiar atu ita hamoos saida? Povo ne'e fó fiar ita atu bá halo mudança, marca diferença, ida-ne'e mak povo ne'e fó fiar bá ita. Halo ona ida-ne'e ka lae? Seidauk? Se seidauk halo, saida mak tem que halo? Ida-ne'e mak ita hotu tem que ser hamutuk hodi ko'alia, hodi haree oinsá atu hadi'a bá oin. Ha'u sente, ida-ne'e to'o ona tempo ba ita hotu-hotu tula bá ita-nia kabás hodi haree.

Ami sira foun, hanesan ohin balu dehan, «ami sira foun», loos duni, mai atu apreende imi sira tuan para hanesan ne'e? Triste, triste la halimar! Tanba ne'e, buat ne'ebé la di'ak ita hotu hamutuk hadi'a bá.

Ha'u mós iha tan liafuan ida atu hato'o bá representante Governo. Ha'u simu informação, ami, de facto simu informação, liuliu husi Município Manatuto, Ministério Agricultura, Departamento Extensão, katak foin daudauk Governo halo recrutamento ba funcionário casual 23 pessoas, maibé Secretária de Estado precisa halo seguimento hodi haree to'ok, tanba ema sira-ne'e, ha'u rona, la'ós halo serbisu tuir contrato ne'ebé iha, mas agora bá ko'a fali hare. Serbisu ida contrato casuais ne'e atu bá ko'a haree ka bá saida? Ne'ebe, favor ida, halo seguimento, rona to'ok informação ne'e loos ka lae,

tanba ita precisa iha clareza, ida-ne'e la hatete, Governo halo di'ak ka lae. Quando fó ona recrutamento, ita hotu contente tanba timoroan hetan serbisu, maibé serbisu ne'e tuir sira-nia contrato ka lae? Ita lakohi sira-nia direto ita atu viola, ita atu explora.

Ida-ne'e de'it, muito obrigada.

**Sr.<sup>a</sup> Presidente:** — Distintos Deputados, temos oito Deputados ba pedido ponto de ordem, ita sei iha última declaração da bancada de três partidos, e depois há intervenção da Sr.<sup>a</sup> Secretária de Estado, ne'ebe ponto de ordem, ha'u hanoin, ha'u la fó ona, ha'u fó bá bancada tolu ne'e.

Ha'u husu desculpa tanba tempo. Ita iha eleição Comissário Anti-Corrupção, ne'ebe atu gestão tempo, ita atu sai to'o tuku hira? Ne'ebe ha'u fó para ba Período Antes da Ordem do Dia, fó kedas bá Bancada do PLP. Halo favor.

**Sr.<sup>a</sup> Maria Angelina Lopes Sarmento (PLP):** — Obrigada, Sr.<sup>a</sup> Presidente.

Obrigada mós bá distinta e distinto Deputado sira hotu ninia reação bá declaração política husi Bancada PLP, discussão ida-ne'ebé produtivo mas que iha reação ne'ebé ladún di'ak.

Primeiro, atu dehan katak informação sira sobre dados SERVE, ne'ebé ohin fó-sai, ne'e hato'o rasik husi Diretor Executivo SERVE, Sr. Fausto Soares da Costa, e, iha declaração ida-ne'e, nia mós ko'alia em termos de número no mós em termos de receitas ne'ebé sira recolha husi empresa sira ne'ebé registo iha SERVE. Dados ne'e hatún iha dia 21 de junho 2024, claro que empresa sira barak mak sei hasoru dificuldade no la consegue sobrevive no sai empresa ne'ebé sustentável.

Kona-ba crédito suave, critério tem que todan duni, ita labele hamamar, tanba iha critério hanesan ne'e atu empresa sira tem que hakbiit an. Política ida-ne'e atu encoraja empresa sira hodi acesso bá crédito, hodi selu fali no investe iha setor produtivo. Se ita fahe de'it hanesan projeto sira mak ita-nia osan iha fundo petrolífero sei la suficiente ona, tem que fó mós retorno bá Estado, atu prestação de serviços iha duni qualidade. Se la selu filafali, prestação mós sei la iha qualidade.

Cesta Básica, mosu tanba situação ida *COVID-19*, ida-ne'e mak dehan intervenção ba força maior ida *COVID-19* ne'e, fator *external* ne'ebé ita la bele satan netik. Ita halo cerca sanitária no confinamento obrigatório tanba *COVID-19*, ita taka fronteira, bens e consumíveis ne'ebé tama limitado, mosu pressão económica, acontece contração iha Produto Interno Bruto, número família vulnerável aumenta liután, menos campo de trabalho no trabalhador sira-nia rendimento tuun, nune'e mak Cesta Básica nu'udar intervenção imediata ba força maior ida-ne'e, no, esforço extraordinário ne'e la'ós iha Timor-Leste de'it, maibé acontece iha nação barak.

E Cesta Básica comprova katak tinan naruk ita la cria política di'ak hodi incentiva agricultor sira halo to'os no natar, ita incentiva empresário sira sosa, no sosa de'it foos hodi habokur to'os no

natar nação vizinha nian. Bainhira ita hasoru *COVID-19*, ita foin descobre katak osan Fundo Petrolífero nian tohik ba beibeik, maibé setor agricultura ita abandona.

To’o ohin Deputada ida dehan, «hudi mós ita sosa husi nação vizinha», *golden moment*, quando Fundo Petrolífero sa’e maka’as, ita haree setor agricultura ne’e ita fihir liu de’it.

Tuirmai, ba Ponte Kasnafar, VIII Governo contrato ho *BoQ (Bill of Quantities)* quase 9 milhões, IX hatún husi 9 milhões ba 3 milhões, poupa osan hodi la gasta arbiru, primeiro, atu clarifica, VIII Governo foin loke *tender* ho montante 8 milhões liu, la’ós 9 milhões. *Tender* la’o hela iha CNA (Comissão Nacional de Aprovisionamento), ponte ne’e nia desenho ho tipe *tied-arch bridge* hanesan ho Ponte Tono iha Oe-Cusse. Depois, ADN (Agência de Desenvolvimento Nacional) halo verificação ba custo mak foin avança bá *tender*, hafoin de hetan autorização husi Conselho de Ministros.

Momento VIII Governo nia mandato remata, processo *tender* sei la’o hela. IX Governo hatún preço, maibé la loke *tender*, adjudica de’it, ponte foun ne’e usa tipo *box girder bridge*, hanesan ho Ponte Hinode ka Ponte Comoro III, então simples liu fali desenho inicial. Desenho original ho luan 120 m, maibé desenho foun ne’e klo’ot, sai de’it 80 m, claro custo la hanesan, nune’e labele halo comparação ho osan quando desenho ne’e simples liu.

Kona-ba Ponte Bekasi, ita-nia memória sei fresca, quando udan boot iha 4 de abril de 2020 ne’e, comunidade sira barak mak sofre tanba bee tama sira-nia uma, barak tenke evacua. Então, se desenvolvimento ba ema, tenke halo ponte ne’ebé minimiza risco ba ema nia vida. Labele orgulho de’it ho resultado votos ne’ebé povo fó, maibé desempenho ba serbí la iha ne’e hanesan de’it. Votos imi simu ona hodi ukun, ukun tenke ho fuan no paixão! Atu nune’e povo bele hamnasa no haksolok.

Obrigada barak.

Sr.<sup>a</sup> **Presidente**: — Obrigada, Sr.<sup>a</sup> Deputada.

De seguida, Bancada da FRETILIN.

Sr.<sup>a</sup> **Helena Martins** (FRETILIN): — Obrigada ba biban daruak nian.

Ha’u hakarak atu ko’alia katak semana-semana ami, oposição, sempre foti beibeik área sira-ne’ebé ami menciona, saúde, educação, economia no administração pública ne’ebé politizada.

Iha saúde la’ós de’it iha medicamentos, maibé recursos humanos, ne’ebé ohin mós Deputado balu reconhece, katak halo mudança ba ema ne’ebé iha experiência tau fali ema ne’ebé foin atu tama buka experiência. Ida-ne’e mak ninia causa.

Ba medicamentos, semana-semana ami foti beibeik, *stockout* ona, aat liután bá sosa iha ita-nia nação vizinha, bá fali *Kabupaten Atambua* no Kupang. Ida-ne’e osan mak la iha ka halo nu’usá? Dignidade Estado ida-ne’e halo nu’usá? Orçamento ita aprova, nu’usá mak ita tenke bá fali hakna’uk

hanesan ne'e? E equipamentos. Ida-ne'e mak halo com que situação saúde iha Timor ne'e grave, colapso.

E, reforça mós husi S. Ex.<sup>a</sup> Presidente da República iha dia 2 de junho, ne'ebé nia rasik fó ona carta confidencial ba Primeiro-Ministro atu resolve. Ita espera katak iha tempo badak bele resolve situação ida-ne'e. Ida-ne'e mak ami hakarak atu fó.

Educação, falta de professores, exame primeiro período, segundo período la'ó daudaun ona, nia qualidade ensino sira-ne'e oinsá? Ida-ne'e mak ita representa povo atu mai ko'alia duni. Saida mak acontece iha-ne'ebá? Ita labele mai mak hatán malu, depois ho retórica oioin.

Economia, folin sasán sa'e hela beibeik, ida-ne'e realidade. Má administração, ida-ne'e ita tenke sente katak la'ó duni. Ne'ebe, ita labele mai hatete de'it mak «VIII Governo viabilizador». VIII ne'e sé mak harii hela, haluha tiha ka? Sé mak lori VIII Governo? Povo fó fiar natoon ne'e iha VIII Governo, maibé tanbasá mak tenke husik Sr. Taur Matan Ruak, hanesan veterano 24 anos, Ita-Boot sira husik hela nia atu monu? Ida-ne'e mak Estado ne'e hakarak? Ita atu hahí fali autonomista, oportunista no criminoso sira iha rai ida-ne'e? Ida-ne'e ita labele fó-ulun duni.

Tanba ne'e mak tempo to'o ona atu líder haree ninia capacidade, haree nia gestor ne'ebé di'ak.

Ohin mós ha'u rona katak «ita atu mai hakuak empresário», be husik ita-nia povo mate ne'e mak di'ak ka halo nu'usá? Ne'e la'ós tempo atu ita hakuak fali empresário de'it, e povo ne'e husik atu mate. Uluk luta ba ukun an ne'e la'ós empresário de'it mak luta, povo mak luta ba ukun-rasik an ida-ne'e. Natoon ne'e la iha empresário, a não ser karik empresário sira husi Indonésia ou invasor sira mak iha.

Tanba ne'e mak ita tenke ko'alia honesto, buat ne'ebé loos mak ida-ne'e, ne'ebe ita labele husik fali ita-nia povo atu terus, mate, hamlaha ba beibeik. Coitado, ita mai tula sala ba malu, e depois dehan, «em nome do povo».

Ida-ne'e mak ami hakarak reforça iha cinco minutos, hein para Governo bele hadi'a buat sira-ne'ebé ami sempre questiona tanba tinan ida ona, la'ós 120 dias. Ida-ne'e ita hotu-hotu lembra, memória ne'e fresca hela.

Ohin Ex.<sup>a</sup> Sr.<sup>a</sup> Secretária de Estado mai hanesan interina ba Sr. Ministro, ne'ebé segunda e terça ami mai, nia dehan: «Hau cuidado tebes e lori bá, depois halo», to'o la mai, ohin feto ida mai, espera iha fulan oin mai ka loron ida rua ami bele hetan ona. La'ós ami ka ita sira iha-ne'e mak atu hetan, povo nia preocupação ne'e mak ita hakarak atu melhora duni.

Obrigada, Presidente.

Sr.<sup>a</sup> **Presidente:** — Por último, ba declaração política, última intervenção, Bancada do KHUNTO.

Sr. **António Verdial de Sousa** (KHUNTO): — Muito obrigado, Sr.<sup>a</sup> Presidente.

Liafuan ikus husi declarante da Bancada Kmanek Haburas Unidade Nacional Timor Oan.

Obrigado ba biban ne'ebé Na'i Maromak haraik mai ita atu nafatin ko'alia kona-ba situações, condições atual povo nian iha Uma Democracia ida-ne'e, ho hanoin, ho esperança atu Governo rona no husu atu atual Governo hatán ba povo nia expetativa.

Ho fuan no laran ne'ebé moos, liuhusi Bancada KHUNTO nia declaração política ohin loron nian, sasán hirak ne'ebé ami ko'alia-sai no cita iha declaração política ne'e realidade ne'ebé povo enfrenta. Bancada KHUNTO nafatin sai defensor povo iha biban saida de'it.

Ami mós agradece ba distintos Deputados no Deputadas no povo em geral, ne'ebé sintoniza hela atan-ha'u lian husi Uma Democracia ida-ne'e.

Bancada KHUNTO, iha Casa Magna ida-ne'e, sei la nonook wainhira saida de'it mak ami haree, rona no observa, karik ligado ba sasán ne'ebé precisa ukun-na'in sira-nia tau-matan. La iha razão atu Governo la tau-matan, Governo tenke fuan boot hodi rona distintos Deputadas no Deputados, tanba ita órgão soberania daruak ida-ne'ebé representa povo, hodi sai matan, ibun no tilun povo nian. Karik ita representa povo, então, favor, ita tenke rona malu, fó liman ba malu atu nune'e ita bele sai representante povo ida-ne'ebé loloos, no, Bancada KHUNTO atu hatete de'it, la iha conflito de interesse.

Husi ami, Bancada KHUNTO, atu hatán de'it katak declarações políticas ne'ebé bancada parlamentar sira halo ne'e tanba resultado husi fiscalizações administrativas, fiscalizações diretas, nune'e mós hetan dados liuhusi contactos eleitorais.

Ne'ebe, quando parte balu halo declaração política, di'ak liu mak ita rona. Karik di'ak, ita tenke suporta! Karik ladún loos, então ita tenke buka malu, ko'alia ho fuan bá fuan no hamutuk buka solução, hamutuk hodi husu bá Governo soluciona problema hirak ne'e. Tanba saida mak ita husu bá Governo? Tanba Governo mak iha competência exclusiva hodi hala'o desenvolvimento iha área hotu-hotu.

Bancada KHUNTO husu atu ita lalika confronta malu, no ikusmai resulta buat ne'ebé la di'ak, e ema barak acompanha debate ne'ebé ita realiza iha loron segunda-feira no terça-feira iha Uma Democracia ida-ne'e.

Ikusliu, ha'u atu fó-hatene bá Presidente Parlamento no distinto Deputado sira, ita ko'alia kona-ba saúde, favor boot ida, ai-moruk claro katak balu la iha duni.

Ha'u foti exemplo simples, atan ha'u rasik, wainhira participa fiscalização iha Covalima, ha'u hetan moras ida, ne'ebé ha'u precisa ai-moruk ida-ne'e. Maibé, na realidade, ha'u to'o iha hospital, maluk saúde sira hatete: «Apá, ai-moruk ida-ne'e la iha duni iha-ne'e, no *stockout* kleur loos ona», ne'ebe ita tenke simu realidade no ita tenke haree bá realidade ida-ne'ebé loos, no ita ko'alia buat loos iha Uma Democracia ida-ne'e. Ami la iha conflito de interesse.

Ikusliu, obrigado, Presidente.

Sr.<sup>a</sup> **Presidente**: — Ikusliu, ha'u fó bá Sr.<sup>a</sup> Secretária de Estado atu fó resposta.

Tempo Ita-Boot nian, halo favor.

Sr.<sup>a</sup> **Secretária de Estado da Igualdade** (Elvina de Sousa Carvalho): — Obrigada ba tempo.

Bom dia bá Sr.<sup>a</sup> Presidente Parlamento Nacional ho composição Mesa, distinta no distinto Deputado sira hotu.

Atu hatete de'it, assunto sira-ne'ebé ohin Ita-Boot sira hato'o, ami, hanesan baibain, regista ho cuidado atubele fó resposta. Ita-Boot sira hatene katak ohin iha questão sira-ne'ebé Ita-Boot sira foti hanesan mós questão sira-ne'ebé, ha'u bele dehan, importante tebes atubele hetan nia andamento ka bele hetan resposta.

Agora, kona-ba assunto balu ha'u precisa hatán iha-ne'e mak hanesan: Agora daudaun Governo, liuhusi Ministério Educação, desenvolve hela programa ida educação equivalência nian. Atu hatete, agora daudaun Ministério Educação implementa ona Plano Nacional de Equivalência, no hahú husi 2015 ba 3.º ciclo, ho duração tinan rua to'o tinan hitu, até oito anos. Agora Timor-Leste la adota sistema *ujian persamaan* hanesan Indonésia tanba sistema iha Timor-Leste ema tenke tuir escola completo ka tuir modelo ensino equivalência, ho ida-ne'e ita la halo exame *persamaan*.

Agora, ida fali kona-ba andamento ba resolução Parlamento nian kona-ba professor contratado sira, agora daudaun Ministério Educação mós tenta atu implementa ka fó resposta ba resolução ne'e liuhusi loke bolsa candidato ba professor bá ema hotu, inclui bá ex-professor contratado sira atubele mós bá compete iha ida-ne'e.

Atu hatete katak iha área saúde nian, ami hanoin, ha'u sei encaminha bá Ministério Saúde, maibé ha'u hatete, IX Governo Constitucional ho sério tebes haree bá assunto saúde no social tomak ne'ebé acontece iha território laran tomak, tanba ne'e compromisso ne'ebé IX Governo Constitucional iha.

E, hanesan ohin distinto Deputado balu hatete, «atu fanun Governo atubele halo serbisu», ha'u hanoin, Governo halo hela serbisu, ami la toba. Ami halo hela serbisu, tanba ne'e mak la precisa fanun, e ami hatene ami-nia obrigação atu halo serbisu. Maibé, ami agradece no aprecia tebes ba crítica hirak ne'ebé fó e, hanesan ha'u hatete, resposta ne'ebé ami sei fó liuhusi escrita, liuliu husi «linha ministerial» sira atu fó, ne'e mak sei detalhado liu.

Iha Regimento Parlamento Nacional mós fó-dalan atu distinto Deputado sira bele bolu Governo mai hatán liuhusi Pergunta ao Governo, bele mós liuhusi Ita-Boot sira-nia fiscalização. Maibé, ami mós nafatin encoraja Ita-Boot sira atu labele baseia de'it ba *social media*, notícias hirak ne'ebé liuhusi *social media*, atubele halo críticas bá Governo.

Tanba ne'e ami aprecia Ita-Boot sira-nia comentário sira hotu, resposta ami sei fó por escrito, tanba ne'e mak serbisu Assuntos Parlamentares nian e, ha'u hanoin, reposta por enquanto mak ne'e: Atu hatete de'it, IX Governo Constitucional, liderado pelo Maun Boot Kay Rala Xanana Gusmão, comprometido atubele serbí povo ho di'ak liután liuhusi prestação saúde ne'ebé di'ak, ho qualidade no mós assistência social sira ne'ebé iha, e ho tempo mak ami bele fó resposta liuhusi ação governativa ne'ebé iha.

Agora, kona-ba Secretaria Estado Igualdade nia execução orçamento, ami atinge ona 40%, maibé ne'e inclui ona ho «comprometo» hotu ne'ebé iha. Quando haree filafali bá execução OGE em geral Governo nian, IX Governo Constitucional mós comprometido atubele halo execução OGE ho qualidade no mós ho cuidado, tanba ne'e osan povo nian.

Obrigada barak.

Sr.<sup>a</sup> **Presidente**: — Muitíssimo obrigada, Sr.<sup>a</sup> Secretária de Estado.

Ha'u hakfodak, carta confidencial *kok* Deputada Helena hatene? Wow! Alguma coisa não está bem.

Sr.<sup>a</sup> *Deputada Helena foti liman husu ponto de ordem.*

Ha'u la fó ponto de ordem, tanba ha'u sei husu Presidente da República buka tuir, *bocor dari mana*, tanba Ita-Boot mak hatete, «carta confidencial husi Presidente da República bá Sr. Primeiro-Ministro».

*Sr. Deputado Joaquim intervém, sem usa microfone, katak Sr.<sup>a</sup> Presidente ouviu mal.*

Não! Eu ouvi bem, e todos que estão aqui ouviram bem, ne'e ka? Ha'u la discute ho Ita-Boot. Ita-Boot nia *statement* ha'u sei kaer hodi confirma iha Gabinete do Sr. Presidente da República. Ne'ebe, *no discussion!*

Srs. distintos Deputados, ita iha Período da Ordem do Dia, mas haree ba horas 12h11, ne'ebe ha'u hato'ó de'it «Anúncio de admissão e baixa à Comissão de Negócios Estrangeiros, Defesa e Segurança, da Proposta de Resolução n.º 4/VI (1.<sup>a</sup>) – Ratifica o Acordo entre a República Democrática de Timor-Leste e a Agência Internacional da Energia Atómica para a Aplicação de Salvaguardas no Âmbito do Tratado de Não-Proliferação».

Ida-ne'e baixa tiha ona, ne'ebe ha'u anuncia de'it.

Liga ho votação final global ho eleição ba Comissário Anti-Corrupção, ita bá *break* 15 minutos, ita fila hikas. Ou prefere depois do almoço?



Sr.<sup>a</sup> **Helena Martins** (FRETILIN): — Ponto de ordem.

Sr.<sup>a</sup> **Presidente**: — Ha'u seidauk fó tempo bá Ita-Boot ko'alia. Ne'ebe, distintos Deputados, se permite, ha'u decide ita fila hikas, tanba seidauk 1h00, ita mai halo tiha leitura e depois ita debate.

Ne'ebe, muitíssimo obrigada ba Ita-Boot nia participação hotu e ita bá descansa 15 minutos, retomamos as nossas atividades.

Sr.<sup>a</sup> **Helena Martins** (FRETILIN): — Ponto de ordem.

*Sr.<sup>a</sup> Presidente hamate Sr.<sup>a</sup> Deputada Helena Martins nia microfone.*

*Sr.<sup>a</sup> Presidente anuncia pausa 15 minutos.*

Sr.<sup>a</sup> **Presidente**: — Srs. Deputados, ha'u hanoin, ohin ita iha compromisso 15 minutos, mas estamos quase à 1h00, ne'ebe ha'u la hatene distinto Deputado sira tama mai, ita iha quórum, ha'u anuncia de'it, ita fila bá han tiha lai mak ita mai tuku 3 *on time*. Talvez é mais razoável, não é? Ha'u hanoin katak 15 minutos bele halo leitura, ita fila mai mak, depois do almoço, ita bele debate.

Sr. Ministro iha-ne'e ona mas Deputado sira la mai, ha'u la bele halo buat ida. Ne'ebe, ha'u husu desculpa, Sr. Ministro, aguarda um bocadinho!

Temos um pedido de ponto de ordem do Sr. Deputado Gabriel Soares.

Halo favor.

Sr. **Gabriel Soares** (CNRT): — Obrigado, Presidente.

Ha'u mós secunda hanoin saida mak ohin Sr.<sup>a</sup> Presidente fó-sai, atu nune'e Sr.<sup>a</sup> Presidente haree, naran saida lai proposta ne'e, tanba iha proposta reabertura tolu, maibé iha proposta ne'e seidauk tau número husi proposta e hatete katak proposta ne'e admitido ka não admitido.

Iha ona ami-nia mesa leten, ami *recheck* ona maibé, Sr.<sup>a</sup> Presidente, ami husu para oinsá atu haree didi'ak fali proposta tolu ne'ebé iha.

Obrigado.

Sr.<sup>a</sup> **Presidente**: — Distintos Deputados, a pergunta do Sr. Deputado Gabriel, carimbo ida tau iha-ne'ebá ne'e, ha'u la hatene sé nian, tanba está mal escrito. Haree didi'ak carimbo ne'e, «andmitida, não andmitida». Ne'ebe, ha'u lahatene sé mak hakerek ne'e, tanba DIPLÉN la iha carimbo hakerek nune'e. Ne'ebe, possivelmente isto deve ser da Comissão, não sei de quem é este carimbo.

Kona-ba numeração iha ona, e ha'u la tau iha-ne'ebá «admitida», ha'u tau iha nia *cover letter*, iha pedido requerimento, tem ali «admito e copiar para os Deputados». Ne'ebe, ha'u la tau ba iha carimbo ne'e tanba carimbo está errado, não sei donde veiu o carimbo. Por favor veja, tanba está mal escrito.

Sr. Deputado sira, iha pedido ponto de ordem ida tan, Sr.<sup>a</sup> Deputada Sancha Tilman.

Sr.<sup>a</sup> **Sancha Margarida Tilman** (PD): — Sr.<sup>a</sup> Presidente, atu hatete de'it katak normalmente, quando mosu fali proposta alteração ka proposta emenda ruma, precisa iha duni número de proposta, tanba ne'e mak ohin Deputado Gabriel hatete katak iha proposta refere, ne'ebé Ita-Boot admite no baixa ba iha Plenário, la iha número, la iha data no mós la iha data de admissão ou admitida, assinatura ka aceitação husi Presidente da Comissão. Tanba ida-ne'e mak ohin foti.

Obrigada.

Sr.<sup>a</sup> **Presidente**: — Ha'u hatete iha *cover letter* ka requerimento ne'e, está ali, está ali! Leia! Tá bem? Tem data e eu admiti katak sira-ne'e mós ao mesmo tempo tanba tau carimbo ida-ne'ebá ha'u *bingung* ho carimbo ne'e. Ida-ne'e de'it, tanba um, dois e três está ali.

Distintos Deputados, ita halo leitura ka ita bá almoço tiha mak mai fali? Ha'u complicado tanba já é 1h00, podemos fazer a leitura? E depois ita bá almoço tiha, ita fila mai 3h00. Bele? Se nune'e, tanba Sr. Ministro iha-ne'e ona. Ohin devia ser 15 minutos, mas estendeu mais que meia hora.

Ne'ebe, ha'u convida Sr. Ministro, por favor pode tomar o seu lugar iha bancada do Governo. Faz favor.

Distintos Deputados, ita iha 46 Deputados, ne'ebe ita iha quórum. Ita bá kedas ita-nia matéria iha Período da Ordem do Dia, que é «A Votação Final Global da Proposta de Lei n.º 5/VI/(1ª) – Lei de Bases do Ensino Superior».

Ne'ebe, ha'u fó tempo bá Sr. Ministro atu pronuncia buat ruma. Depois do pronunciamento mak ha'u sei convida a Comissão para fazer leitura do relatório.

Faz favor, Sr. Ministro.

Sr. **Ministro do Ensino Superior, Ciência e Cultura** (José Honório da Costa Pereira Jerónimo): — Di'ak, obrigado ba Sr.<sup>a</sup> Presidente.

Ha'u-nia respeito bá Sr.<sup>a</sup> Presidente, composição da Mesa, Srs. Deputados, audiência tomak, técnico sira husi Mistério do Ensino Superior, Ciência e Cultura, jornalista sira tomak.

Primeiro, ha'u hakarak hatete katak Lei de Bases do Ensino Superior ida-ne'e hanesan opção política IX Governo Constitucional nian, ne'ebé aprova iha Conselho Ministros, tanba ne'e mak, ha'u

hanoin, lei ida-ne'e lei Governo nian e tem que hodi duni mai Parlamento atu halo discussão. Ami halo ona discussão iha generalidade iha Liquiçá e ohin tem que lori mai iha-ne'e.

Segundo, atu hatete katak Lei de Bases do Ensino Superior ida-ne'e hanesan lei quadro ida ne'ebé ami hasai husi Lei de Bases da Educação nian, ne'ebé ko'alia especialmente kona-ba de'it ensino superior, e, haree bá necessidade nacional, lei ne'e urgente tebetebes atubele resolve condição balu iha ita-nia país, liuliu em relação ho ensino superior ne'ebé ita iha.

Depois de 20 anos, ita haree katak ensino superior barak mak mosu mai, maibé, se ita haree artigo 22.º Lei de Bases da Educação, iha-ne'ebá hatete claro kedas, iha ponto 3), «Universidade sira só bele loke Diploma III, depois graduação mak bá licenciatura». Maibé, na verdade, ohin sira loke to'o tiha ona mestrado, tanba ne'e mak lei ne'e urgente no importante tebetebes. Nune'e mós ita hakarak resolve tiha instituto politécnico ninia caso ne'ebé atribuição diploma bá sira-ne'e nível Diploma II de'it.

Tanba iha política IX Governo nian iha Ministério Ensino Superior, ita mós hanoin atu loke tan politécnico sira iha Lospalos, escola pesca marinha iha Manatuto no escola engenharia ida iha Covalima, tanba ne'e mak ita hahú, IX Governo hanoin katak lei ida-ne'e importante tebetebes para ita bele regulariza ensino superior sira iha Timor laran tomak.

Iha discussão iha especialidade iha Liquiçá, reitor sira balu tau questão nafatin kona-ba língua, balu hakarak impõe inglês ho lian sira seluk, ha'u hatete bá sira: «Inglês lian internacional ne'ebé ema hotu tem que apreende, mas, se ita haree bá cultura Timor nian, tetun ho português ne'e Constituição RDTL hatete claro».

Ita, dala ruma, hanoin katak lian português ne'e malae sira-nian, sala! Ne'e ha'u dehan, sala! Lian ne'e ita-nian, tanba ita-nian mak tau iha Constituição da República para timoroan hotu-hotu iha obrigação atu apreende e atubele ko'alia.

Ha'u hanoin, Sr.<sup>a</sup> Presidente, ida-ne'e mak introdução breve ne'ebé hakarak fó-hanoin hela.

Obrigado.

Sr.<sup>a</sup> **Presidente**: — Muito obrigado, Sr. Ministro.

Ha'u convida kedas Presidente da Comissão G ho Relator atu hato'o Ita-Boot sira-nia relatório sobre a discussão na especialidade.

Halo favor.

Sr. **Secretário da Comissão G** (Armando dos Santos): — Di'ak, obrigado ba tempo.

Ha'u-nia boa tarde bá S. Ex.<sup>a</sup> Presidente do Parlamento Nacional, composição da Mesa.

Boa tarde e bem-vindo bá S. Ex.<sup>a</sup> Ministro Ensino Superior, Ciência e Cultura ho equipa tomak, bá Secretária de Estado, bá distinto Deputado sira hotu no mós bá mídia, rona-na'in tomak mak ohin marca presença iha-ne'e.

Aproveita ida-ne'e mós ami hakarak hato'o ami-nia obrigado wa'in bá estudante sira-husi ensino superior sira no mós bá Magnífico Reitor sira hotu, mós bá presidentes instituições ne'ebé durante ne'e apoia Proposta de Lei n.º 5/VI (1.<sup>a</sup>) ida-ne'e.

Ne'ebe, ohin iha Ita-Boot sira-nia mesa leten, husu bá Ita-Boot sira kaer texto ida-ne'e atu nune'e ita bele hahú ho ita-nia leitura ba Proposta de Lei de Base de Ensino Superior ho n.º 5/VI (1.<sup>a</sup>).

Tempo ha'u, diretamente, entrega bá Deputado Mateus da Cruz de Carvalho como Relator atu halo leitura. Tempo tomak ha'u entrega.

**Sr. Relator da Comissão G** (Mateus da Cruz de Carvalho): — Obrigado, Presidente.

Boa tarde bá ita hotu.

«Relatório de discussão e votação na especialidade sobre a Proposta de Lei n.º 5/VI (1.<sup>a</sup>) – Lei de Bases do Ensino Superior.

#### I. Introdução.

A Proposta de Lei de Bases do Ensino Superior deu entrada no Parlamento Nacional no dia 3 de abril de 2024 e foi objeto de apreciação inicial da Divisão de Apoio ao Plenário (DIPLN), para efeitos da sua admissibilidade.

Na Nota de Admissibilidade n.º 7/2024/DIPLN, datada de 11 de abril de 2024, a DIPLN emite as suas conclusões e observações iniciais e numerou a iniciativa de Proposta de Lei n.º 5/VI (1.<sup>a</sup>).

A iniciativa foi admitida em 12 de abril de 2024 e, após pronúncia quanto ao pedido de urgência formulado pelo Governo, baixou à Comissão competente em razão da matéria, neste caso a Comissão de Educação, Juventude, Cultura e Cidadania - Comissão G, para apreciação e elaboração de relatório e parecer no prazo de 90 dias.

A Comissão G solicitou pareceres escritos e realizou audiências públicas com várias entidades, entre as quais as instituições de ensino superior públicas e privadas, para efeitos de elaboração do seu relatório e parecer. O relatório e parecer fundamentado da Comissão G, após aprovação interna, foi sujeito à discussão e votação na generalidade em Plenário no dia 28 de maio de 2024, no qual também se deliberou proceder-se à apreciação e votação na especialidade na Comissão G.

A discussão e votação na especialidade da Proposta de Lei teve lugar nas instalações do Instituto de Apoio ao Desenvolvimento Empresarial (IADE), em Liquiçá, nos dias 29 e 31 de maio de 2024, e contou com a participação do Ministro do Ensino Superior Ciência e Cultura, dos Reitores e

Presidentes de Ensino Superior públicas e privadas, do Presidente do Conselho Executivo do Instituto Nacional de Ciências e Tecnologia (INCT), do Diretor Executivo da Agência Nacional para a Avaliação e Acreditação Académica, I.P. (ANAAA, I.P.) e de peritos na área da educação.

## II. Estrutura do relatório.

No corpo principal deste relatório estão registadas todas as alterações introduzidas no texto da PPL n.º 5/VI (1.ª) aprovado na generalidade e, em anexo, a versão consolidada do texto resultante da discussão e votação na especialidade, duas tabelas indicativas dos resultados da votação e as propostas de alteração e de aditamento admitidas para discussão.

## III. Discussão e votação na especialidade.

Nos termos regimentais em vigor e segundo o guião da discussão e votação na especialidade, aprovado pela Comissão G no início da primeira sessão de trabalho, a PPL foi discutida e aprovada artigo por artigo.

Foram apresentadas, no total, 36 propostas, cujo conteúdo, discussão e votação abaixo se discriminam, de acordo com a ordem dos artigos.

Quanto aos artigos que não foram objeto de propostas de alteração, apresenta-se apenas o resultado da respetiva votação.

### **Proposta de Lei n.º /2024** **Lei de Bases do Ensino Superior**

#### **1. Título**

Foi apresentada a proposta n.º 12 que consiste em eliminar a referência a uma lei de bases, justificada pela necessidade de garantir a existência de uma única lei de bases da educação.

Após discussão, procedeu-se à votação, tendo esta sido rejeitada com 2 votos a favor, 4 votos contra e 0 abstenções.

De seguida, o título original foi submetido a votação, tendo este sido aprovado com 4 votos a favor, 2 votos contra e 0 abstenções.

#### **2. Preâmbulo – Parágrafo 10**

Foi apresentada a proposta n.º 1 que foi posteriormente substituída pela proposta n.º 16 por motivos de melhoria da redação do texto. A proposta de alteração consiste em aditar uma referência à inovação como justificação para a previsão do ensino à distância.

Após discussão, procedeu-se à votação, tendo esta sido aprovada com 4 votos a favor, 0 votos contra e 2 abstenções. De seguida, o preâmbulo com o parágrafo 10 devidamente alterado foi submetido a votação, tendo este sido aprovado com 4 votos a favor, 0 votos contra e 2 abstenções.

## **Capítulo I**

### **Disposições gerais**

#### **3. Artigo 1.º - Objeto**

Não foi apresentada nenhuma proposta de alteração.

Procedeu-se, então, à votação do artigo original, tendo este sido aprovado com 4 votos a favor, 0 votos contra e 2 abstenções.

#### **4. Artigo 2.º - Âmbito**

Foi apresentada a proposta n.º 2 que consiste em eliminar, no n.º 1, a referência a um sistema educativo, por se entender não se dever identificar um sistema separado para o ensino superior.

Após discussão, procedeu-se à votação, tendo esta sido aprovada com 4 votos a favor, 0 votos contra e 2 abstenções.

De seguida, o artigo 2.º com o n.º 1 devidamente alterado foi submetido a votação, tendo este sido aprovado com 4 votos a favor, 0 votos contra e 2 abstenções.

#### **5. Artigo 3.º - Ensino superior**

Não foi apresentada nenhuma proposta de alteração.

Procedeu-se, então, à votação do artigo original, tendo este sido aprovado com 4 votos a favor, 0 votos contra e 2 abstenções.

## **Capítulo II**

### **Política e objetivos fundamentais**

#### **6. Epígrafe**

Foi apresentada a proposta n.º 3 que consiste em clarificar, na epígrafe, o tipo de política em causa.

Após discussão, procedeu-se à votação, tendo esta sido aprovada com 6 votos a favor, 0 votos contra e 0 abstenções.

De seguida, a epígrafe devidamente alterada foi submetida a votação, tendo esta sido aprovada com 4 votos a favor, 0 votos contra e 2 abstenções.

### **7. Artigo 4.º - Política nacional do ensino superior**

Foi apresentada a proposta n.º 13 que consiste em eliminar, na alínea *a*) do n.º 1, a referência à religião e nacionalidade timorense, justificada pela necessidade de respeitar o princípio da separação entre o Estado e a religião no cumprimento do disposto no artigo 45.º da Constituição. Foi, também, apresentada a proposta n.º 4 que consiste em ajustar a epígrafe do artigo à epígrafe da divisão com vista a uniformizar a utilização dos termos técnicos, substituir, no n.º 1, o verbo “dever” pela expressão “visa” ou “ter em vista”, atendendo identificarem-se metas e objetivos e não ações ou tarefas específicas, e eliminar, na alínea *a*) do n.º 1, a referência à religião timorense pelo facto de o Estado de Timor-Leste ser um Estado laico.

Após discussão, procedeu-se à votação da proposta n.º 13, tendo esta sido aprovada com 6 votos a favor, 0 votos contra e 0 abstenções. A proposta n.º 4 foi retirada pelos seus proponentes.

De seguida, o artigo 4.º com a alínea *a*) do n.º 1 devidamente alterada foi submetido a votação, tendo este sido aprovado com 6 votos a favor, 0 votos contra e 0 abstenções.

### **8. Artigo 5.º - Planeamento curricular do ensino superior**

Foi apresentada a proposta n.º 5 que consiste em alterar a numeração do artigo por motivos de melhor arrumação da divisão.

Após discussão, procedeu-se à votação, tendo esta sido aprovada com 6 votos a favor, 0 votos contra e 0 abstenções.

De seguida, procedeu-se à votação do artigo 5.º com nova numeração, tendo este sido aprovado com 6 votos a favor, 0 votos contra e 0 abstenções.

### **9. Artigo 6.º - Objetivos do ensino superior**

Foi apresentada a proposta n.º 6 que consiste em alterar a numeração do artigo por motivos de melhor arrumação da divisão, ajustar a epígrafe do artigo à epígrafe da divisão com vista a uniformizar a utilização dos termos técnicos, eliminar, na alínea *b*) o adjetivo “nacional” por ser dispensável a sua utilização quando se refere a sociedade, e substituir, na alínea *c*), a palavra “cultura” por “tradições”, a fim de clarificar a sua distinção em relação à alínea *b*).

Após discussão, procedeu-se à votação, tendo esta sido aprovada com 6 votos a favor, 0 votos contra e 0 abstenções.

De seguida, procedeu-se à votação do artigo 6.º, com a nova numeração e a epígrafe e as alíneas *b*) e *c*) devidamente alteradas, tendo este sido aprovado com 6 votos a favor, 0 votos contra e 0 abstenções.

## **10. Artigo 7.º - Órgãos consultivos para a educação de ensino superior**

Foi apresentada a proposta n.º 7 que consiste em eliminar, na epígrafe, a referência a educação, por se entender ajustar-se ao facto de o ensino superior ser um ciclo integrado na educação escolar.

Após discussão, procedeu-se à votação, tendo esta sido aprovada com 6 votos a favor, 0 votos contra e 0 abstenções.

De seguida, procedeu-se à votação do artigo 7.º com a epígrafe devidamente alterada, tendo este sido aprovado com 6 votos a favor, 0 votos contra e 0 abstenções.

## **Capítulo III**

### **Organização do sistema educativo de ensino superior**

#### **Secção I**

#### **Disposições gerais**

## **11. Epígrafe**

Foi apresentada a proposta n.º 8 que consiste em eliminar a referência a um sistema educativo, por se entender não se dever identificar um sistema separado para o ensino superior.

Após discussão, procedeu-se à votação, tendo esta sido aprovada com 6 votos a favor, 0 votos contra e 0 abstenções.

De seguida, procedeu-se à votação da epígrafe devidamente alterada, tendo esta sido aprovada com 6 votos a favor, 0 votos contra e 0 abstenções.

## **12. Artigo 8.º - Sistema binário**

Foi apresentada a proposta n.º 9 que consiste em transitar os n.ºs 4 e 5 para o artigo relativo aos estabelecimentos de ensino superior, uma vez que aqueles dispõem nessa matéria e não em matéria relativa ao sistema binário.

Após discussão, procedeu-se à votação, tendo esta sido aprovada com 6 votos a favor, 0 votos contra e 0 abstenções.

De seguida, procedeu-se à votação do artigo 8.º devidamente alterado sem os n.ºs 4 e 5, tendo este sido aprovado com 6 votos favor, 0 votos contra e 0 abstenções.

## **13. Artigo 9.º - Associação de estabelecimentos de ensino superior**

Foi apresentada a proposta n.º 10 que consiste em transitar o artigo para o capítulo que trata dos estabelecimentos de ensino superior, atendendo à matéria que dispõe, e, nessa sequência, substituir, no n.º 1, a expressão “artigos seguintes” por “presente lei” a fim de se ajustar à transição



efetuada. Foi, também, apresentada a proposta n.º 17 que consiste em alterar, no n.º 1, a finalidade da associação dos estabelecimentos de ensino superior, e incluir uma norma que estabeleça o modo de participação, com o objetivo de completar melhor o texto da norma.

Após discussão, procedeu-se à votação da proposta n.º 10, tendo esta sido aprovada com 4 votos a favor, 0 votos contra e 2 abstenções. A proposta n.º 17 foi retirada pelos seus proponentes.

De seguida, procedeu-se à votação do artigo 9.º com a nova numeração e o n.º 1 devidamente alterado, tendo este sido aprovado com 4 votos favor, 0 votos contra e 2 abstenções.

#### **14. Artigo 10.º - Graus académicos e diplomas**

Não foi apresentada nenhuma proposta de alteração.

Procedeu-se, então, à votação do artigo original, tendo este sido aprovado com 4 votos a favor, 0 votos contra e 2 abstenções.

#### **15. Artigo 11.º - Títulos académicos**

Não foi apresentada nenhuma proposta de alteração.

Procedeu-se, então, à votação do artigo original, tendo este sido aprovado com 4 votos a favor, 0 votos contra e 2 abstenções.

#### **16. Artigo 12.º - Línguas de instrução e ensino do sistema educativo de ensino superior**

Foi apresentada a proposta n.º 11 que consiste em eliminar, na epígrafe e no n.º 1, a referência a um sistema educativo, por se entender não se dever identificar um sistema separado para o ensino superior, e clarificar, na alínea *a)* do n.º 4, a referência a cursos de ensino de língua estrangeira para evitar um entendimento errado da intenção do legislador. Foi, também, apresentada a proposta n.º 14 que consiste em eliminar o n.º 2 para efeitos de igualdade de tratamento das duas línguas oficiais no sistema de ensino de nível superior.

Após discussão, procedeu-se à votação da proposta n.º 11, tendo esta sido aprovada com 4 votos a favor, 0 votos contra e 2 abstenções. Procedeu-se, também, à votação da proposta n.º 14, tendo esta sido rejeitada com 2 votos a favor, 4 votos contra e 0 abstenções.

De seguida, procedeu-se à votação do artigo 12.º com a epígrafe e a alínea *a)* do n.º 4 devidamente alteradas, tendo este sido aprovado com 4 votos a favor, 0 votos contra e 2 abstenções.

#### **17. Artigo 13.º - Acesso e ingresso no ensino superior**

Foi apresentada a proposta n.º 19 que consiste em renumerar o artigo na sequência da transição do artigo 9.º para a Secção II, e renumerar os números 2 e 3 em vista a melhorar a arrumação do artigo.

Após discussão, procedeu-se à votação, tendo esta sido aprovada com 5 votos a favor, 0 votos contra e 0 abstenções.

De seguida, procedeu-se à votação do artigo 13.º com nova numeração e os números 2 e 3 renumerados, tendo este sido aprovado com 5 votos a favor, 0 votos contra e 0 abstenções.

### **Subsecção I**

#### **Primeiro ciclo de estudos**

#### **18• Artigo 14.º - Bacharelato**

Foi apresentada a proposta n.º 20 que consiste em renumerar o artigo na sequência da transição do artigo 9.º para a Secção II, eliminar, no n.º 1, a referência à obtenção do grau no 1.º ciclo de estudos por já estar identificado o ciclo de estudos na divisão em que se integra o artigo, e harmonizar, na alínea *b*) do n.º 2, o uso do conceito de «indivíduos habilitados».

Após discussão, procedeu-se à votação, tendo esta sido aprovada com 4 votos a favor, 0 votos contra e 2 abstenções.

De seguida, procedeu-se à votação do artigo 14.º com nova numeração e os números 1 e 2, alínea *b*) devidamente alterados, tendo este sido aprovado com 4 votos a favor, 0 votos contra e 2 abstenções.

#### **19• Artigo 15.º - Licenciatura**

Foi apresentada a proposta n.º 21 que consiste em renumerar o artigo na sequência da transição do artigo 9.º para a Secção II, eliminar, no n.º 1, a referência à obtenção do grau no 1.º ciclo de estudos por já estar identificado o ciclo de estudos na divisão em que se integra o artigo, harmonizar a norma da alínea *b*) do n.º 2 com a norma da alínea *b*) do n.º 2 do artigo 14.º, e acrescentar, no n.º 3, o adjetivo “pública”, atendendo dever o trabalho científico a produzir no âmbito da licenciatura ser apresentado e discutido perante um painel de júri. Foi, também, apresentada verbalmente uma proposta de aditamento, no n.º 3, de uma referência à originalidade ou exclusividade do trabalho científico, aceite por unanimidade dos Deputados presentes.

Após discussão, procedeu-se à votação da proposta n.º 21, tendo esta sido aprovada com 6 votos a favor, 0 votos contra e 0 abstenções.

De seguida, procedeu-se à votação do artigo 15.º com nova numeração e os n.º 1, 2, alínea *b*) e 3 devidamente alterados, tendo este sido aprovado com 6 votos a favor, 0 votos contra e 0 abstenções.

## **Subsecção II**

### **Segundo ciclo de estudos**

#### **20• Artigo 16.º - Pós-graduação**

Não foi apresentada nenhuma proposta de alteração.

Procedeu-se, então, à votação do artigo original, tendo este sido aprovado com 6 votos a favor, 0 votos contra e 0 abstenções.

#### **21• Artigo 17.º - Mestrado**

Foi apresentada a proposta n.º 22 que consiste em renumerar o artigo na sequência da transição do artigo 9.º para a Secção II, eliminar, no n.º 1, a referência à obtenção do grau no 2.º ciclo de estudos por já estar identificado o ciclo de estudos na divisão em que se integra o artigo, e acrescentar, no n.º 5, o adjetivo “pública”, atendendo dever o trabalho científico a produzir no âmbito do mestrado ser apresentado e discutido perante um painel de júri. Foi, também, apresentada verbalmente uma proposta de aditamento, no n.º 5, de uma referência à originalidade ou exclusividade do trabalho científico, aceite por unanimidade dos deputados presentes.

Após discussão, procedeu-se à votação da proposta n.º 22, tendo esta sido aprovada com 6 votos a favor, 0 votos contra e 0 abstenções.

De seguida, procedeu-se à votação do artigo 17.º com nova numeração e os números 1 e 5 devidamente alterados, tendo este sido aprovado com 6 votos a favor, 0 votos contra e 0 abstenções.

## **Subsecção III**

### **Terceiro ciclo de estudos**

#### **22• Artigo 18.º - Doutoramento**

Foi apresentada a proposta n.º 23 que consiste em renumerar o artigo na sequência da transição do artigo 9.º para a Secção II, eliminar, no n.º 1, a referência à obtenção do grau no 3.º ciclo de estudos por já estar identificado o ciclo de estudos na divisão em que se integra o artigo, e acrescentar, no n.º 5, o adjetivo “pública”, atendendo dever o trabalho científico a produzir no âmbito do doutoramento ser apresentado e discutido perante um painel de júri. Foi, também, apresentada verbalmente uma proposta de aditamento, no n.º 5, de uma referência à originalidade ou exclusividade do trabalho científico, aceite por unanimidade dos Deputados presentes.

Após discussão, procedeu-se à votação da proposta n.º 23, tendo esta sido aprovada com 4 votos a favor, 0 votos contra e 2 abstenções.

De seguida, procedeu-se à votação do artigo 18.º com nova numeração e os números 1 e 5 devidamente alterados, tendo este sido aprovado com 4 votos a favor, 0 votos contra e 2 abstenções.

### **23• Artigo 19.º - Pós-doutoramento**

Foi apresentada a proposta n.º 24 que consiste em renumerar o artigo na sequência da transição do artigo 9.º para a Secção II, e eliminar, no n.º 3, a distinção entre nacionais e estrangeiros por se entender que o acesso ao ensino superior não está limitado aos nacionais por via do princípio da igualdade de oportunidades.

Após discussão, procedeu-se à votação, tendo esta sido aprovada com 4 votos a favor, 0 votos contra e 2 abstenções.

De seguida, procedeu-se à votação do artigo 19.º com nova numeração e o n.º 3 devidamente alterado, tendo este sido aprovado com 4 votos a favor, 0 votos contra e 2 abstenções.

## **Secção II**

### **Estabelecimentos de ensino, investigação e docência**

### **24• Epígrafe**

Foi apresentada a proposta n.º 25 que consiste em substituir a palavra “investigação” por “administração e gestão” e acrescentar o termo “superior” imediatamente a seguir a “ensino”, justificada pela necessidade de se proceder a uma melhor arrumação dos artigos, com relevância para a organização e funcionamento dos estabelecimentos de ensino superior.

Após discussão, a proposta n.º 25 foi retirada pelos seus proponentes.

### **25• Artigo 20.º - Estabelecimentos de ensino superior**

Não foi apresentada nenhuma proposta de alteração.

Procedeu-se, então, à votação do artigo original, tendo este sido aprovado com 6 votos a favor, 0 votos contra e 0 abstenções.

### **26• Artigo 21.º - Investigação científica**

Foi apresentada a proposta n.º 26 que consiste em renumerar o artigo para efeitos de uma melhor arrumação da divisão em que este artigo se integra, e aditar uma norma que possibilite a criação de centros de investigação, com vista a contribuir para uma maior promoção da investigação científica no ensino superior. Foi, também, apresentada verbalmente uma proposta de aditamento, no n.º 5, dos termos “nacionais e internacionais” imediatamente a seguir a “entidades públicas, privadas e cooperativas”, aceite por unanimidade dos Deputados presentes.

Após discussão, procedeu-se à votação, tendo esta sido aprovada com 4 votos a favor, 0 votos contra e 2 abstenções.

De seguida, procedeu-se à votação do artigo 21.º com nova numeração, o n.º 5 devidamente alterado e um novo número aditado, tendo este sido aprovado com 4 votos a favor, 0 votos contra e 2 abstenções.

#### **27• Artigo 22.º - Docentes e professores**

Foi apresentada a proposta n.º 27 que consiste em ajustar a epígrafe do artigo à epígrafe da divisão em que se integra o artigo a fim de evitar alguma confusão que se possa gerar na utilização simultânea dos conceitos de “docente” e “professor”, e aditar uma norma que possibilite a criação de uma carreira especial para a docência do ensino superior, com vista a contribuir para a promoção de uma melhor qualidade de ensino. Foi, também, apresentada a proposta n.º 34 que consiste em eliminar, na epígrafe, o termo “professor” a fim de se ajustar à epígrafe da divisão em que se integra o artigo e aditar, no n.º 1, uma norma que preveja a distinção entre docentes permanentes e docentes não permanentes.

Após discussão, procedeu-se à votação da proposta n.º 27, tendo esta sido aprovada com 4 votos a favor, 0 votos contra e 2 abstenções. Na sequência da aprovação da proposta n.º 27, a proposta n.º 34 ficou sem efeito.

De seguida, procedeu-se à votação do artigo 22.º com a epígrafe devidamente alterada e um novo número aditado, tendo este sido aprovado com 6 votos a favor, 0 votos contra e 0 abstenções.

#### **28• Artigo 23.º - Ensino à distância no ensino superior**

Foi apresentada a proposta n.º 28 que consiste em renumerar o artigo para efeitos de uma melhor arrumação da divisão em que este artigo se integra. Foi, também, apresentada a proposta n.º 35 que consiste em eliminar o artigo por se entender tratar-se de um meio ou de uma ferramenta, cuja aprovação ou validação é da competência da agência de acreditação.

Após discussão, procedeu-se à votação da proposta n.º 28, tendo esta sido aprovada com 6 votos a favor, 0 votos contra e 0 abstenções. A proposta n.º 35 foi retirada pelos seus proponentes.

De seguida, procedeu-se à votação do artigo 23.º com nova numeração, tendo este sido aprovado com 6 votos a favor, 0 votos contra e 0 abstenções.

#### **29• Artigo 24.º - Administração e gestão dos estabelecimentos de ensino superior**

Foi admitida a proposta n.º 29 que consiste em renumerar o artigo para efeitos de uma melhor arrumação da divisão em que este artigo se integra.

A proposta foi retirada pelos seus proponentes.

Procedeu-se, então, à votação do artigo original, tendo este sido aprovado com 4 votos a favor, 0 votos contra e 2 abstenções.

### **Capítulo III**

#### **Disposições transitórias e finais**

##### **30• Artigo 25.º - Procedimento de acesso e ingresso no ensino superior**

Foi apresentada a proposta n.º 31 que consiste em renumerar o artigo na sequência da arrumação da divisão anterior e rever o texto da norma para evitar alguma confusão quanto à intenção do legislador na sua previsão. Foi, também, apresentada a proposta n.º 15 que consiste em eliminar o artigo por se entender ser a gestão do procedimento de acesso e ingresso no ensino superior da competência exclusiva dos estabelecimentos de ensino superior.

Após discussão, procedeu-se à votação da proposta n.º 31, tendo esta sido aprovada com 4 votos a favor, 0 votos contra e 2 abstenções. Procedeu-se, também, à votação da proposta n.º 15, tendo esta sido rejeitada com 2 votos a favor, 4 votos contra e 0 abstenções.

De seguida, procedeu-se à votação do artigo 25.º com nova numeração e texto devidamente revisto, tendo este sido aprovado com 4 votos a favor, 2 votos contra e 0 abstenções.

##### **31• Artigo 26.º - Ano preparatório**

Não foi apresentada nenhuma proposta de alteração.

Procedeu-se, então, à votação do artigo original, tendo este sido aprovado com 6 votos a favor, 0 votos contra e 0 abstenções.

##### **32• Artigo 27.º - Norma revogatória**

Não foi apresentada nenhuma proposta de alteração.

Procedeu-se, então, à votação do artigo original, tendo este sido aprovado com 6 votos a favor, 0 votos contra e 0 abstenções.

##### **33• Artigo 28.º - Entrada em vigor**

Foi apresentada a proposta n.º 36 que consiste em alargar o período da entrada em vigor do diploma para 180 dias por se entender serem os 60 dias um período curto para efeitos de transição e harmonização legislativa.

Após discussão, procedeu-se à votação, tendo esta sido aprovada com 6 votos a favor, 0 votos contra e 0 abstenções.

De seguida, procedeu-se à votação do artigo 28.º devidamente alterado, tendo este sido aprovado com 6 votos a favor, 0 votos contra e 0 abstenções.

### 34• Título e artigo 1.º

Foi apresentada a proposta n.º 33 que consiste em alterar o título e o artigo 1.º para acrescentar a referência à introdução de uma alteração à Lei de Bases da Educação na sequência de uma proposta de aditamento de um artigo novo no Capítulo III.

Após discussão, procedeu-se à votação, tendo esta sido aprovada com 4 votos a favor, 0 votos contra e 2 abstenções.

De seguida, procedeu-se à votação do título e do artigo 1.º devidamente alterados, tendo estes sido aprovados com 4 votos a favor, 0 votos contra e 2 abstenções.

### IV. Propostas de aditamento

Para além das propostas de alteração aos artigos que constam da proposta de lei, foram apresentadas propostas de aditamento de artigos novos, nos termos abaixo descritos.

Os artigos aditados constam do texto aprovado na especialidade, cuja numeração teve lugar em sede de consolidação.

1. **Proposta n.º 18:** pretende aditar, na Secção I do Capítulo III, um artigo novo que estabeleça a figura do consórcio entre os estabelecimentos de ensino superior pela sua importância a par da figura da associação. Após discussão, a proposta foi retirada pelos seus proponentes.

2. **Proposta n.º 30:** pretende aditar, na Secção II do Capítulo III, um artigo novo que preveja uma modalidade especial de estudos para trabalhadores-estudantes como já previsto na Lei de Bases da Educação. Após discussão, esta foi aprovada com 4 votos a favor, 0 votos contra e 2 abstenções.

3. **Proposta n.º 32:** pretende aditar, no Capítulo III, um artigo novo que proceda a um aditamento na Lei de Bases da Educação para a criação das bases do ensino superior em diploma separado, conformando-se, dessa forma, à opção política tomada pelo legislador em autonomizar as normas relativas ao ensino superior. Após discussão, esta foi aprovada com 4 votos a favor, 0 votos contra e 2 abstenções.

### V. Reorganização sistemática da PPL

Após discussão da votação na especialidade, a Comissão G introduziu no texto da proposta de lei as alterações e os aditamentos aprovados.

Em termos de legística formal, procedeu-se à revisão da numeração conforme as alterações e aditamentos introduzidos, e à reorganização do texto segundo o disposto do artigo 18.º da Lei da Publicação dos Atos e as boas práticas de redação legislativa.

### VI. Requerimentos para reabertura da discussão na especialidade, em Plenário

Durante a discussão e a votação na especialidade, foi comunicada verbalmente a intenção de se requerer a reabertura da discussão em Plenário das Propostas n.º 12, 14 e 15.

#### VII. Anexos

O presente relatório é acompanhado dos seguintes documentos:

1. Texto consolidado da Proposta de Lei n.º 5/VI/ (1.ª) resultante da discussão e votação na especialidade;
2. Propostas de alteração e de aditamentos;
3. Tabelas de resultados das votações.

#### VIII. Aprovação do Relatório e do Texto

O presente Relatório e o Texto consolidado da Proposta de Lei n.º 5/VI/ (1.ª) resultante da discussão e votação na especialidade foram aprovados na reunião da Comissão que se realizou no dia 12 de junho de 2024 com 3 votos a favor, 0 votos contra, 2 abstenções, e serão remetidos, nos termos do disposto no n.º 2 do artigo 111.º do Regimento do Parlamento Nacional, para a votação final global.

Parlamento Nacional, aos dias 12 de junho de 2024.

O Relator, Mateus da Cruz de Carvalho

O Presidente da Comissão, Sr. Deputado Armando dos Santos Lopes».

Obrigado, Presidente.

Sr. Presidente da Comissão G (Armando dos Santos Lopes): — Obrigado bá Sr. Relator.

Tempo ami fó fila bá Mesa.

Sr.ª Presidente: — Muito obrigada, Sr. Presidente da Comissão G ho Sr. Relator, bele fila hikas.

Distintos Deputados, o relógio está 13h40. Hanesan ohin, ita bá almoça tiha, mai, ita bá haree kedas pedido requerimento de abertura, foin mak ita bá votação final global, está bem?

Ne'ebe, bom almoço, distintos Deputados, tuku 15h30 ita iha-ne'e hotu ona. Ha'u agradece, se bele ho pontualidade tanba ita iha votação ba Comissário CAC ne'ebé ita precisa halo.

Muito obrigada, muito boa tarde e bom almoço.

Sr. Ministro, agente volta às 15h30.

**Intervalo Retoma**



Sr.<sup>a</sup> **Presidente**: — Srs. Deputados, neste momento ita iha 26 Deputados, pelo menos tem que iha 33, ne'ebe ha'u husu, liuliu bá bancada do Governo, para organiza. Tanba ita sei iha atividade rua, ne'ebe ho respeito tomak ha'u husu atu ita bele organiza malu para tempo ne'e bele to'o.

Muito obrigada ba atenção.

Distintos Deputados, husi Bancada do CNRT ainda falta 11 Deputados, PD completo. Ita labele exige bá oposição mak mai halo quórum ba ita-nia serbisu, embora também é um dever, ne'ebe, dala ida tan, ami agradece para ita organiza malu tanba tempo la'o daudaun.

Ha'u agradece bá ita hotu nia atenção no consideração.

Distintos Deputados, neste momento ita iha 49 Deputados, mas Sr.<sup>a</sup> Deputada ida halo requerimento ba reabertura também não está cá.

Iha pedido ponto de ordem husi Sr. Deputado Patrocínio, depois mak ha'u fó bá Sr. Deputado Gabriel. Halo favor, Sr. Deputado Patrocínio.

**Sr. Patrocínio Fernandes dos Reis (CNRT)**: — Obrigado.

Boa tarde, Sr.<sup>a</sup> Presidente, Srs. Membros do Governo, bá Sr. Ministro, bá Sr. Secretário de Estado no bá distinto Deputado sira.

Kaer ba pedido de requerimento reabertura ne'e, bainhira ha'u haree no acompanha ho atento didi'ak bá relatório da Comissão nian, iha relatório ne'e la pronuncia buat ruma kona-ba requerimento de recurso bá Plenário, mesmo ba artigo sira ne'ebé cita ba pedido ida-ne'e.

Hanesan ne'e mós, kaer ba proposta sira ne'ebé anexa tuir pedido ne'e, ami haree katak proposta sira-ne'e la iha conhecimento husi Presidente da Comissão, tanba la iha, nem tau proposta ne'e admite ka lae e data saida, buat sira-ne'e hotu.

Haree mós bá ida-ne'e, artigo sira-ne'ebé refere ba iha requerimento ne'ebé atu halo, ita acompanha iha relatório de comissão nian, apresenta propostas ho número oin seluk. Por exemplo, iha título nian apresenta proposta n.º 12, mas, depois iha proposta ida iha-ne'e enumera fali n.º 1, resto mós hanesan. Ne'e mak ha'u hanoin katak propostas no requerimento ne'e la iha fatin porque no mínimo tem que iha declaração iha Comissão. Karik proposta ne'e chumba iha-ne'ebá mak declara hakarak lori mai iha Plenário, husu reabertura, então bele iha fatin.

Tanba ne'e maka hau husu, se bele, ita avança bá votação final global, tanba – ha'u la hatene, mas Presidente Comissão bele confirma – ha'u haree katak proposta ne'e la iha conhecimento husi Presidente da Comissão.

Obrigado.

Sr.<sup>a</sup> **Presidente**: — Obrigada.

Ha'u fó bá Sr. Deputado Gabriel pronuncia tiha mak ha'u sei intervém hodi explica.

Halo favor, Sr. Deputado.

Sr. **Gabriel Soares** (CNRT): — Obrigado, Presidente.

Boa tarde ba Presidente no composição da Mesa, Ex.<sup>a</sup> Sr. Ministro, Ex.<sup>a</sup> Sr. Secretária de Estado ho equipa tomak no ba colegas distintos e distintas Deputados.

Em princípio, quando iha debate na especialidade, iha proposta lubuk ida, maibé só iha proposta tolu ne'e mak chumba iha debate na especialidade, iha Liquiçá. Ho nune'e, proponente sira, iha momento ne'ebá, declara katak proposta tolu ne'ebé chumba hakarak recorre mai iha Plenário, tanba ida-ne'e mak ohin proposta mosu iha oin.

Ita haree katak graças a Deus colega sira mós mosu mai ona.

Ha'u mós secunda ho Deputado Patrocínio katak proposta ida-ne'e, sim, Presidente tau iha-ne'e, maibé iha Comissão, quando aprova relatório final, atu submete relatório ne'e mai iha mesa da comissão, iha-ne'e husi comissão própria la tau buat ida. Tanba ne'e mak ha'u haree katak proposta tolu ne'e reabertura ne'e ita haree katak la iha fatin para ita halo discussão iha loraik ida-ne'e e prefere que ita bele procede bá votação.

Obrigado.

Sr.<sup>a</sup> **Presidente**: — Ha'u sei fó bá ponto de ordem, mas ida-ne'e ikus ona tanba ha'u mós tem que explica razão de ser.

Ne'ebe, Sr.<sup>a</sup> Deputada Maria Gorumali Barreto, um minuto.

Sr.<sup>a</sup> **Maria Gorumali Barreto** (CNRT): — Obrigada, Sr.<sup>a</sup> Presidente.

Ha'u retira tanba Deputado Gabriel fortifica tiha ona.

Obrigada.

Sr.<sup>a</sup> **Presidente**: — Obrigada.

Loos duni, distintos Deputados, ha'u ohin explica tiha ona katak relativamente aos artigos, artigo 12.º refere bá lei original, enquanto que iha lei ne'e votação final global iha tiha ona artigo 11.º. Entretanto, iha artigo 25.º iha lei original e iha votação final global iha artigo 5.º.

Loos duni, liga ho carimbo ne'ebé carimba iha-ne'e la'ós husi DIPLN ninian. Tuir loloos pedido ida-ne'e sé mak tem que autoriza no admite é a Mesa do Parlamento tanba pedido da reabertura mai iha Plenário ona, iha votação final global, ne'ebe Mesa nia carimbo mak loos. Maibé, ho razão sira-ne'e hotu ha'u lakohi haree ba procedimentos balu que ita **letter lock**, la sai husi ne'e.

Ami admite iha pedido de requerimento, admite e distribuir aos Deputados e DIPLN enumerou 1, 2, 3 de acordo ho propostas ne'ebé hato'o mai. Entretanto, claro katak prática ita-nian, a

Deputada requerente devia, iha momento relatório Ita-Boot sira-nian ne'e, mencionar aqui qual foi a razão deste pedido de reabertura, porque que é que votou contra, iha momento ne'ebá mak devia fundamenta. Maibé, ida-ne'e são procedimentos que ita bele admite e, se Plenário autorizar, ita bá debate ba pedido requerimento reabertura.

Reabertura é permitido, vamos à votação ba o debate das propostas. Mas, se requerimento la liu, claro que final global kedas.

Ne'ebe, distintos Deputados, ha'u hanoin, ida-ne'e mak processo. Automaticamente ha'u fó bá Sr.<sup>a</sup> distinta Deputada Mariquita Soares atu fundamenta nia pedido requerimento atu halo reabertura em Plenário, antes da votação final global.

Sr.<sup>a</sup> Deputada Secretária lê tiha, e depois mak Ita-Boot fundamenta, tá bem?

Sr.<sup>a</sup> Secretária da Mesa (Virgínia Ana Belo): — Obrigada, Sr.<sup>a</sup> Presidente.

Boa tarde bá Ita-Boot, bá Vice-Presidentes, bá Sr. Ministro, bá Sr.<sup>a</sup> Secretária de Estado, bá colega Deputado sira hotu no mós bá audiência tomak.

«Proposta de Lei n.º 5/VI (1.<sup>a</sup>) Lei de Bases do Ensino Superior.

Requerimento de reabertura.

Ao abrigo do previsto na alínea c) do n.º 3 do artigo 9.º do Regimento do Parlamento Nacional, solicito a Vossa Excelência a Presidente do Parlamento Nacional a reabertura da discussão em Plenário dos seguintes artigos:

1. Alteração ao título da Proposta de Lei n.º 5/VI (1.<sup>a</sup>) Lei de Bases do Ensino Superior;
2. Artigo 12.º;
3. Artigo 25.º,

Cuja propostas estão em anexo da Proposta de Lei n.º 5/VI (1.<sup>a</sup>) Lei de Bases do Ensino Superior. Considero esta medida conveniente e face à proposta e outras necessárias, tendo em conta as alterações durante a sessão de discussão ocorrida nos dias 29 a 31 de maio de 2024.

Díli, 21 de junho de 2024

Deputada proponente,

Mariquita Soares».

Obrigada.

Sr.<sup>a</sup> Presidente: — Distinta Deputada Mariquita, bele fundamenta Ita-Boot nia pedido ida-ne'e. Halo favor.

Sr.<sup>a</sup> **Mariquita Soares** (FRETILIN): — Di'ak, obrigada ba oportunidade.

Ha'u hakarak atu hatete de'it katak iha ami-nia discussão iha Comissão G ninian kona-ba relatório ne'e, ami mós questiona kona-ba reabertura, ne'ebé agora daudaun ne'e, iha página número 13 ne'e, iha requerimento ne'e menciona iha-ne'ebá kona-ba reabertura, tanba ne'e mak, ha'u hanoin, ami-nia proposta mai to'o iha Mesa.

Nune'e, tuirmai ha'u hakarak hatete de'it katak ami-nia proposta ne'e ami retira.

Obrigada.

Sr.<sup>a</sup> Presidente: — Se requerimento retira, ita prepara ba vota.

Iha ona distinto Deputado na'in-tolu.

Mas, se nós não temos mais nada, ita prepara ba vota.

Então, muito obrigada, Sr.<sup>a</sup> Deputada Mariquita.

Ha'u hanoin, ho Relatório e Parecer ida ohin, ita prepara ba vota, distintos Deputados.

Quem vota a favor, contra no abstenção?

Husu para hi'it liman lai, desculpa tanba iha cor tolu.

Muito obrigada.

*Deputado sira hala'o votação ordinária.*

Obrigado, Srs. Deputados.

*Hato'o ona bá votação no hetan aprovação ho voto a favor 38, contra 9 no abstenção 4.*

*Basa liman geral.*

Sr. Ministro, ho ida-ne'e husu para Ita-Boot sira prepara nia procedimentos, hodi ita bele hala'o lei ne'e.

Muitíssimo obrigado bá Ita-Boot sira-nia presença, muito boa tarde.

E, distintos Deputados, ita prepara hodi halo eleição ba Lei CAC.

Sim, faz favor, Sr.<sup>a</sup> Deputada Maria Angélica.

**Sr.<sup>a</sup> Maria Angélica Rangel da C. dos Reis (FRETILIN):** — Muito obrigada, Sr.<sup>a</sup> Presidente.

Bancada FRETILIN husu declaração de voto coletiva, se permite, Sr.<sup>a</sup> Presidente.

Obrigada.

Ha'u fó bá Deputada Mariquita hodi halo declaração de voto em nome da Bancada da FRETILIN.

Sr.<sup>a</sup> **Mariquita Soares** (FRETILIN): — Obrigada.

Ex.<sup>a</sup> Sr.<sup>a</sup> Presidente do Parlamento Nacional, Ministro do Ensino Superior, Ciência e Cultura, distintos Deputados, Buibere e Maubere.

Bancada FRETILIN vota contra Proposta de Lei de Bases do Ensino Superior tanba preâmbulo Lei Base Educação parágrafo número 2 haktuir momoos katak, «A Lei de Bases da Educação representa um passo decisivo no sentido do estabelecimento de um quadro legal de referência para a organização, orientação, regulação e desenvolvimento do sistema educativo emergente das profundas mudanças que o País atravessa desde a sua independência.

A consagração da universalização do Ensino Básico de nove anos de escolaridade obrigatória e gratuita, o reforço da garantia de igualdade de oportunidades de acesso e sucesso escolares e a previsão de medidas destinadas a proporcionar uma escolaridade efetiva a todos os cidadãos assente em padrões de qualidade, são marcos importantes desta Lei».

Nune'e, haree husi preâmbulo ida-ne'e, hatudu momoos katak Lei de Bases da Educação abrange ona assunto sira ligado ho nível ensino hotu-hotu, inclusivamente ensino superior ne'ebé forma iha submissão tolu kona-ba ensino superior, hahú husi artigo 17.º to'º 26.º

Haree husi substância preâmbulo ida-ne'e nian, Bancada FRETILIN hanoin katak la precisa ba cria tan lei base ida hodi hala'o lei dupla. Bancada FRETILIN haree katak Lei de Bases da Educação n.º 14/2008, de 29 de outubro nu'udar lei base importante ba sistema educativo nível hotu-hotu iha Timor-Leste.

Lei de Bases da Educação tem que iha articulação ka sincronização ba nível sira hotu-hotu, tanba ne'e, bainhira hasai ka haketak nível ensino ruma husi Lei de Bases da Educação, ne'e, ha'u hanoin, ita tiro tohar ain rasik no halo lei ne'e la'o kadiik.

Ex.<sup>a</sup> Presidente do Parlamento Nacional, distinto Deputado sira, Bancada FRETILIN concorda, karik tempo ona ita halo avaliação no alteração ba Lei de Bases da Educação hodi melhora liután situação, no, liuliu, sistema educativo iha ita-nia Rain, maibé la'ós cria tan Lei de Bases do Ensino Superior.

Bancada FRETILIN buka no lê ona referência husi nação oiain, tanto Europa no Ásia, maibé la iha ka la hetan lei de bases do ensino superior, no iha mak articulação e princípio e sistema educativo ida de'it iha lei base educação nian.

Bancada FRETILIN reconhece katak instituição ensino superior nu'udar instituição ne'ebé estratégico hodi prepara recursos humanos qualidade ba comunidade no Nação, hamosu hanoin invenção no inovação produto ho serviço sira ba bem-estar Nação nian liuhusi pesquisa, publicação ho envolvimento comunitário.

Nune'e, Bancada FRETILIN hanoin katak precisa duni melhora instituição ensino superior hodi responde bá contexto ohin lora nian. Ami haree katak conteúdo Proposta de Lei de Bases do

Ensino Superior contém questão técnica mak barak, no la'ós ko'alia assunto geral, tanba ne'e, em vez de halo lei base ne'ebé dupla, tuir loloos Lei base ne'e hamriik ketaketak. Agora, halo lei base ida bá hatama fali iha lei base seluk nia laran, ne'e la tuir rasiocino jurídico no la fó sentido ruma. Di'ak liu Governo halo de'it lei complementar ou decreto-lei ensino superior hodi halo política regulamentação sistema educativo ensino superior atu regulariza instituição ensino superior, hodi protege interesse público no ensino qualidade, hodi hasa'e competitividade no produtividade Nação nian, em especial graduado sira-nian, hodi contribui iha desenvolvimento nacional no halo mudança di'ak ba família, sociedade no Nação.

Bancada FRETILIN vota contra tanba iha Lei de Bases da Educação explica claro kona-ba ensino superior técnico oferece grau académico to'o de'it iha Diploma I no II, tanba ne'e Bancada FRETILIN hanoin katak iha possibilidade bele hasa'e to'o Diploma III no IV, nune'e ensino superior técnico fó biban bá politécnico sira hodi concentra iha formação estudante sira-nian iha nível médio no básico atu responde no absorve exigência mercado serbisu ohin laron nian, ho nune'e bele corresponde kedas bá artigo 8.º ponto 3) Proposta de De Lei Ensino Superior, ne'ebé articula katak instituição ensino superior técnico tem que foca liu bá conhecimento aplicado no atividade profissional. Se Proposta Lei Ensino Superior fó espaço luan liu bá ensino superior hodi oferece grau académico husi Diploma to'o nível Mestrado, ne'e sei duplica no halo sasán hanesan mós ho ensino superior profissional universitário sira seluk.

Bancada FRETILIN hakarak afirma katak língua ensino iha sistema educativo Timor-Leste nian mak tétum no português, tanba dualidade língua tétum no português nu'udar língua oficial ne'ebé merece tratamento hanesan iha sistema de ensino superior.

Tratamento ne'ebé hanesan sei promove liután uso lian tétum no português iha ambiente académico, hodi fortalece identidade cultural no Nação nian tuir Constituição RDTL, tanba ne'e harmonização ba uso lian ensino iha Lei de Bases da Educação no Lei de Bases do Ensino Superior ne'e importante. Maibé, keta haluha mós katak atu halo internacionalização ba ensino superior, precisa articulação no abordagem iha língua inglesa no pesquisa científica no publicação académica sira.

Bancada FRETILIN vota contra Proposta de Lei de Bases do Ensino Superior tanba haree katak gestão, acesso no ingresso bá ensino superior tuir loloos cabe bá competência exclusiva própria estabelecimento ensino superior sira, liuliu ba ensino superior privado sira.

Loos duni katak iha tinan hirak ne'e, Governo, liuhusi Ministério do Ensino Superior, Ciência no Cultura, mak gere acesso bá ingresso estudante sira-nian no ensino superior público, maibé, se proposta lei ne'e continua prevê gestão refere cabe bá Governo, então gestão universitário mak saida?

Bancada FRETILIN nota momoos katak artigo ida-ne'e rasik la fó independência bá instituição ensino superior hodi halo gestão, nota mós katak tinan sanulu ne'e kleur loos ona.

Obrigada, Presidente.

Sr.<sup>a</sup> **Presidente**: — Distintos Deputados, iha-ne'e iha ona pedido.

Sr. Deputado Luís Roberto.

Sr. **Luís Roberto da Silva** (KHUNTO): — Obrigado, Sr.<sup>a</sup> Presidente do Parlamento Nacional, boa tarde bá Ita-Boot, Vice-Presidente Parlamento sira, Sr. Ministro no Secretário de Estado no nia comitiva tomak, colega Deputado e Deputada sira.

Primeiro, iha-ne'e hakarak aprecia Governo nia proposta ne'ebé mai hodi cria Lei de Bases do Ensino Superior nian. Nu'udar ema escola ka estudante, ka académico ida, lei ne'e importante tebes atu regulariza ita-nia ensino superior sira-ne'ebé hetan acreditação husi Estado ida-ne'e, ne'ebé estabelece iha Timor ida-ne'e. Tanto universidade pública, tanto universidade privada, precisa duni lei ida-ne'ebé definitiva atu controla muito bem ba futuro.

Ita ko'alia kona-ba setor educação, labele generaliza ba em geral, Lei de Bases da Educação ne'e foti em geral. Mas, em princípio, Lei ne'e cabe liu bá iha ensino superior atu controla bem ba futuro mai. Karik iha ita-nia educação ne'e mak, bá futuro, balu loke tan escola foun ruma karik mós precisa duni lei ne'e mak nu'udar matadalan ida ba ita hotu-hotu hodi cumpre.

Ne'e mak, hanesan foin Presidente ko'alia, ha'u cita, husu bá Governo para cria tan procedimento ruma hodi bele implementa lei ida-ne'e.

Ne'ebe, bá ha'u, ha'u aprecia ida-ne'e tanba durante ne'e, quando ita foti educação ne'e Lei de Bases da Educação em geral mak buat hotu sei sabraut.

Quando ita baseia ba era educação moderna ida agora ne'e, precisa duni lei ensino superior ne'e hodi controla ita-nia universidade sira, tanto universidade privada ka universidade pública sira. Selae mak, quando lei ne'e la iha, geral de'it, ita loke escola ne'e loke hanesan quiosque mós bele iha, hanesan *bisnis* ida. Ne'ebe liafuan educação atu transforma ba ema atu sai di'ak mak cria duni lei atu regulariza ensino superior sira-ne'ebé estabelece. Ne'e ha'u aprecia ba ida-ne'e.

Aprecia mós ba Comissão G, ne'ebé Ita-Boot sira mós halo ona colaboração di'ak ho Governo halo discussão kle'an, ne'ebé consegue duni ultrapassa ida-ne'e. Ne'ebe Bancada KHUNTO a favor ba ida-ne'e tanba ne'e importante duni hodi controla no regulariza ita-nia universidade sira ne'ebé estabelece iha Timor-Leste.

Tanba ne'e mak Bancada KHUNTO, tanto nu'udar oposição, maibé sempre fó apoio ba buat ne'ebé atu desenvolve ita-nia Rain. Ne'e importante tebetebes.

Ne'ebe, Bancada KHUNTO a favor ba ida-ne'e. Husu nafatin bá Ex.<sup>a</sup> Sr. Ministro Ensino Superior halo nu'usá para bele cria tan maneira ka procedimento ruma hodi bele implementa lei ne'e ho di'ak bá futuro para ita-nia universidade sira-ne'e tem que uniforme ho di'ak, para bele responde bá

mundo ne'e katak Timor ne'e mós bele. Selae, ita generaliza sasán hotu kahur malu mak orsida educação iha Timor ne'e mós ladún di'ak. Ne'ebe ha'u aprecia ba ida-ne'e, ami KHUNTO a favor ba ida-ne'e, tanba lei ne'e importante duni bá ita-nia nação, Timor-Leste.

Obrigado, Sr.<sup>a</sup> Presidente.

Sr.<sup>a</sup> **Presidente**: — Tuirmai, Sr. Deputado Gabriel Soares, ponto de ordem.

Sr. **Gabriel Soares** (CNRT): — Obrigado, Presidente.

Ha'u mós hakarak halo declaração de voto, badak de'it.

Aprecia ba colega sira hotu ne'ebé ohin participa lokraik, iha votação final global. Ba colega Deputado sira husi Bancada Governo e, em especial ba colega Deputado sira husi Bancada KHUNTO, ne'ebé hamutuk oinsá ita atu haree, lori haree processo ensino superior bá oin. Mós ba colega oposição sira, mesmo cartão mean sa'e, e ohin hetan direito 19 minutos, maibé loloos cartão mean sia sira bá ho nove minutos.

Maibé buat sira-ne'e husik bá tanba, quando ko'alia, hotu-hotu fó-hanoin, democracia sai buras liu.

Ne'e duni, hanesan membro comissão G, ami desafia Governo, liuhusi Ministério Ensino Superior, tanba lei ne'e ita discute lori tempo lubuk ida, e ohin ita mai halo aprovação final global, ami husu katak lei ne'e, quando tama bá promulgação, husu Ita-Boot atu haree, hala'o knaar tuir artigo sira-ne'ebé ohin ita-nia maluk sira balu dehan «tiro tohar, ain-kadiik». Maibé ha'u dehan, agora ensino superior nia ain rua tomak, isin lolon tomak para oinsá lori ensino superior Timor-Leste ne'e bá oin.

Obrigado.

Sr.<sup>a</sup> **Presidente**: — Ikusliu, ba Sr. Deputado Armando dos Santos Lopes.

Sr. **Armando dos Santos Lopes** (PD): — Di'ak, obrigado e boa tarde bá ita hotu.

Declaração husi Partido Democrático ne'ebé fó votos a favor ba lei ida-ne'e, em primeiro lugar, agradece bá Governo ida-ne'e, ne'ebé hatuur ona Lei de Bases do Ensino Superior, ne'ebé sei tau-matan bá ensino superior universidade no ensino superior técnico nian. Depois de ida-ne'e, ha'u hanoin katak ita sei hatuur fali lei de bases do ensino secundário geral no técnico vocacional nian, depois, tuir ida-ne'e mós ita sei hatuur fali lei ensino básico no pré-escolar nian.

Depois de ita hatuur lei de base tolu ida-ne'e, ha'u hanoin katak ita sei acumula hodi bele hatuur lei ida ne'ebé ita bolu educação nacional nian, tanba ho lei educação nacional nian mak ita foin bele halo estandardização nacional ba qualidade *curriculum* nian, professor sira nian, qualidade



avaliação nian, acreditação nian no mós ba diretor escola sira, inspetor sira no qualidade infraestrutura educativa sira iha Timor-Leste ida-ne'e.

Ha'u compara, ropa ida karik, mundo ida-ne'e ita hotu-hotu precisa roupa, roupa ida-ne'e ita hotu-hotu precisa qualidade. Maibé quando ita atu ko'alia kona-ba ninia *size* ka nia *ukuran*, ka nia medida, ha'u hanoin katak ida-idak tem que tuir ninia nação nian, liuliu ita iha Timor-Leste, ita ema ne'ebé badak, isin lotuk, ita la bele usa roupa ida boot, ho medida internacional nian ka iha Europa nian, precisa duni especialidade ba ita Timor nian.

Muito obrigado, Presidente.

Sr.<sup>a</sup> **Presidente**: — Pelos vistos, Srs. Deputados, ohin coletivo tiha ona, mas Deputada Olinda, ha'u fó um minuto tan de'it bá Sr.<sup>a</sup> Deputada.

Halo favor.

Sr.<sup>a</sup> **Olinda Guterres** (KHUNTO): — Lalika um minuto, Sr.<sup>a</sup> Presidente.

Boa tarde bá V. Ex.<sup>a</sup> Sr.<sup>a</sup> Presidente, bá Mesa tomak, Sr. Ministro, Secretária Estado, colegas Deputados e Deputadas.

Ha'u hanesan halo graça de'it uitoan tanba ha'u hakarak fó parabéns bá Sr. Ministro. Mesmo que barak ataca, barak ko'alia barak, maibé Olinda tuur iha-ne'e, ha'u hanoin, buat di'ak ida. Parabéns bá Ita-Boot. Desde momento ne'ebé Olinda hateten kedas katak sempre fó apoio bá Governo. Ida-ne'e mak ha'u hakarak hato'o iha-ne'e.

La to'o minuto ida, Presidente.

Obrigada.

Sr.<sup>a</sup> **Presidente**: — *Okay, atu despede Sr. Ministro, we have our guest from House Democracy Partnership, they are here between us.*

*Welcome, Ladies and Gentlemen! You are in our Plenary, it is our pleasure to have you here. Thank you for your visit.*

Baku liman ba ita-nia colega sira-ne'e.

*Basa liman husi Deputado sira.*

Muitíssimo obrigado, Sr. Ministro. Pelos vistos ita remata ita-nia debate ba final global, e, dala ida tan, espera katak ho lei ne'e facilita liután ensino superior atu tau ordem, liuliu iha língua ne'ebé necessário husi ensino pré-primário to'o ensino superior continua mantém ho língua portuguesa, ne'ebé ita-nia língua nacional.

Muitíssimo obrigada ba Ita-Boot sira-nia presença.

Ami la duni, Sr.<sup>a</sup> Secretária de Estado, maibé ami precisa tempo hodi halo votação ba ita-nia Comissário CAC, ne'ebé finalmente ita bele halo votação ba ita-nia Comissário.

Ne'ebe, Senhores Deputados, enquanto Sr. Ministro prepara atu sai, ha'u fó kedas tempo bá Sr.<sup>a</sup> Secretária para lê Carta do Governo e também Carta de Aceitação do Candidato ne'ebé ita tau.

Halo favor, Sr.<sup>a</sup> Secretária.

Sr.<sup>a</sup> **Secretária da Mesa** (Virgínia Ana Belo): — Obrigada, Sr.<sup>a</sup> Presidente.

«Ex.<sup>a</sup> Sr. Maria Fernanda Lay, Presidente do Parlamento Nacional.

Assunto: Proposta do Governo para o cargo de Comissário da Comissão Anti-Corrupção.

Excelência,

Tenho a honra de informar a Vossa Excelência que o Conselho de Ministros, reunido no dia 12 de junho de 2024, deliberou aprovar a indicação ao Parlamento Nacional o Dr. Rui Pereira dos Santos para o cargo de Comissário da Comissão Anti-Corrupção nos termos do n.º 1 do artigo 7.º da Lei n.º 8 de 2009, de 15 de julho, sobre a Comissão Anti-Corrupção, alterada pela Lei n.º 1/2024, de 8 de maio.

Conforme se pode constatar pelo *curriculum vitae* em anexo, o Dr. Rui Pereira dos Santos, cumpre com os requisitos enumerados no n.º 8 da referida lei.

Sem outro assunto de momento, apresento a Vossa Excelência os protestos da minha mais elevada consideração.

Francisco Kalbuadi Lay,

Primeiro-Ministro em substituição, Vice-Primeiro-Ministro, Ministro Coordenador dos Assuntos Económicos e Ministro do Ambiente».

«Carta declaração aceitação ba cargo Comissário Comissão Anti-Corrupção.

Ha'u, naran completo Dr. Rui Pereira dos Santos, sexo mane, kaben-na'in, portador cartão eleitoral n.º 00634283, hela-fatin atual Delta II, Aldeia Fomento I, Suco Comoro, Posto Administrativo Dom Aleixo, Município de Díli, declara aceita cargo Comissário da Comissão Anti-Corrupção ne'ebé propõe husi IX Governo Constitucional, lidera husi Primeiro-Ministro, Kay Rala Xanana Gusmão.

Confiança ne'ebé ha'u simu, ha'u sei cumpre hodi exerce função nu'udar Comissário CAC, sei serbisu ho profissional, independente, imparcial no cumpre ba Constituição, leis no regulamento sira, tau aas interesse comum no nação aas liu interesse pessoal.

Díli, 12 de junho de 2024

Dr. Rui Pereira dos Santos»

Obrigada, Presidente.

Sr.<sup>a</sup> **Presidente:** — Distintos Deputados, ha'u hato'o katak la precisa lê *curriculum vitae* Sr. Dr. Rui nian tanba ita hotu conhece e não é a primeira vez que nia tama hanesan candidato. Ne'ebe, é uma exceção, mas se precisa nia CV, ha'u sei haruka cópia fahe bá distintos Deputados.

Distintos Deputados, ha'u husu bá técnico sira para loke urna hodi hatudu, mamuk ka keta iha votos balu.

*Técnico sira husi DIPLÉN hi'it sa'e urna hodi hatudu bá Deputado sira.*

Distintos Deputados, urna mamuk. Ha'u halo educação cívica uitoan. Ita, como iha candidato único, se ita hotu a favor, iha ninia kotak tolu iha-ne'e...

*Sr.<sup>a</sup> Presidente foti boletim de voto ida hodi hatudu, nu'udar exemplo.*

... ne'ebé orsida Ita-Boot sira sa'e mai iha-ne'e bele haree e determina Ita-Boot sira-nia votos. Ne'ebe prepara mós quadros para orsida hakerek.

Sr.<sup>a</sup> Secretária, halo favor fazer a chamada dos Deputados para a votação

Sr.<sup>a</sup> **Secretária da Mesa:** — Obrigada.

*Sr.<sup>a</sup> Secretária da Mesa bolu Deputado sira-nia naran atu halo eleição.*

«Deputada Maria Fernanda Lay, Deputada Maria Terezinha da Silva Viegas, Deputado Alexandrino Afonso Nunes, Deputada Maria Teresa da Silva Gusmão, Deputada Bendita Moniz Magno, Deputado Domingos Augusto «Deker», Deputada Lúcia Taeki, Deputado Duarte Nunes, Deputado Marcos Soares Martins, Deputado José Virgílio Rodrigues Ferreira, Deputado Luís Ximenes Caldeira, Deputada Maria Rosa da Câmara «Bissoi», Deputado Leandro Lobato, Deputado Marcos Xavier, Deputado Óscar de Araújo, Deputado Firmínio Taequi, Deputada Ângela Corvelo, Deputado Natalino dos Santos Nascimento, Deputado Romeu Moisés, Deputado Gabriel Soares, Deputado Saul Salvador Amaral, Deputada Maria Gorumali Barreto, Deputado Patrocínio Fernandes dos Reis, Deputado Virgílio Pereira, Deputada Cedelízia Faria dos Santos, Deputado Francisco da Costa «Ikulai», Deputado Albino da Silva, Deputada Carminda Carlota, Deputado Ricardo Baptista, Deputado Anacleto Freitas, Deputada Aliança da Conceição Araújo, Deputado Mateus da Cruz de Carvalho, Deputado Armando dos Santos Lopes, Deputado António da Conceição, Deputado Manuel Henrique Noronha, Deputada Sancha Margarida Tilman...»,

Colega sira, se bele depois de vota, tuur iha fatin para depois ita bele verifica. Obrigado.

... Deputado Antoninho Doutel Sarmento (ausente), Deputada Sância Florência Paixão Bano (ausente), Deputada Maria Angélica Rangel da C. dos Reis (ausente), Deputado Dário Madeira (ausente), Deputado Aniceto Longuinhos (ausente), Deputada Lídia Norberta (ausente), Deputado Antoninho Bianco (ausente), Deputado David Dias Ximenes «Mandati» (ausente), Deputada Helena Martins Belo (ausente), Deputado Joaquim dos Santos «Boraluli» (ausente), Deputado António Moniz Calau (ausente), Deputada Helena Martins (ausente), Deputada Nurima Ribeiro Alkatiri (ausente), Deputado José da Cruz (ausente), Deputada Cristina Yuri Rebelo dos Santos Costa (ausente), Deputado Abilio Quintão Pinto (ausente), Deputado Florentino da Costa «Sinarai» (ausente), Deputada Mariquita Soares (ausente), Deputado Óscar Lima (ausente), Deputada Irene Gonzaga Sarmento (ausente), Deputado António Verdial Sousa Gama, Deputado António Verdial Ferreira, Deputada Olinda Guterres, Deputado Luís Roberto da Silva, Deputado Abel dos Santos, Deputado Helder Freitas «Kamarudin», Deputada Maria Angelina Lopes Sarmento, e Deputado Adolfo Martins».

Obrigada, Presidente.

Sr.<sup>a</sup> **Presidente:** — Distintos Deputados, sei ocorre hela votação, calma e silêncio, por favor. Muito obrigada.

Srs. Deputados, ita falta 20 Deputados que estão ausentes, ne'ebe ha'u husu Sr.<sup>a</sup> Deputada Lúcia Taeki no Sr. Deputado António da Conceição bele sai testemunha ba contagem de votos. Bele dada besik bá iha-ne'ebá, mas Deputada hamriik de'it bá, favor ida.

*Hala'o contagem de voto.*

Sr.<sup>a</sup> Lúcia Taeki no Sr. António da Conceição «Kalohan» sai ita-nia escrutinador ba ita-nia eleição ne'ebé la'o democrático.

Distintos Deputados, resultado husi ita-nia votação ne'ebé foin hala'o, a favor 41, contra 4, e, total de boletim de votos 45. Ne'ebe legal e ita-nia votação ba ita-nia candidato ne'e passa.

*Deputado sira basa liman*

Dala ida tan muitíssimo obrigada bá ita hotu, bá bancada da oposição ne'ebé acompanha to'o remata e, ha'u hanoin, to'o bá rohan ita-nia atividade ba ohin nian, ha'u espera katak ba agenda aban

ninian ita bele hola parte para ita bele hala’o tan ita-nia escrutínio ba órgaos ne'ebé ita iha  
representação iha-ne'ebá.

Dala ida tan, muito boa tarde e bom trabalho.

*Horas hatudu tuku 16 liu minuto 43.*